



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600093189-





10



COLLEZIONE

**DELLE MIGLIORI OPERE SCRITTE
IN DIALETTO MILANESE.**

VOLUME XI.

1

2

P O E S I E

DI


OMMASO GROSSI,
ARL' ALFONSO PELLIZZONE,
RANCESCO BELLATI,
IUSEPPE ZANOJA.

M I L A N O

PRESSO GIOVANNI PIROTTA.

1816.

288. g. 26



34



1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

P O E S I E

DELL'AVVOCATO


TOMMASO GROSSI.



P O E S I E

DELL'AVVOCATO

TOMMASO GROSSI.



La Pioggia d'oro.

Parafrafi della *Tradizione orfica tratta da un Codice inedito di Jamblico Calcidese* riferita nelle opere dell'abate Cesarotti.

Parte prima.

Quand sto nost mond l'era ancamò bardassa,
In temp che l'era adree a cascìa i primm dent,
Ch'el sarà ben cent mila ann e passa,
Se no l'è forsi già passaa i dusent,
Gh'era ona razzapaja d'omenon
Desutel, tajaa giò cont el folcion.

Vegneven su de terra comè i fong
Linœucc, tamberla, candiron, intreggh,
Negher, pelos, con mezza spanna d'ong,
Darusc comè la lisca di cardegh,
Buttaa là de bislacch comè salamm,
Lasagnent, pilattent, rabbiaa de famm.

Staven sti gnucch de gent in d'on paet
Bandonaa, senza bastion nè dazi:
No gh'era monestee, no gh'era ges,
Pareven besti, e se ciamaven Trazi;
Mezz biott e mezz vestii de fœuj de figh,
E no mangiaven olter che panigh:

• On cert Orfee nassuu in de quij contorna,
 Che l'era on rossignœu in mezz ai gasgiott,
 El compatissi, ghe vegneva i corna
 A vedè sti sœu pover patriott
 A viv ingual di besti, anzi anmò pegg;
 E l'ha pensaa de convertij a la legg.

Studia, machinna, on di, cossa el fa lù,
 Je cura tutt insemma sti calvari:
 El va in su on sass e el sbragia: O turlurù!
 Demm a trà, che vuj fav el missionari:
 Besten lì tucc; lu el fa ona reverenza,
 El spuva, el netta el nas, e poèu el comenza.

Eel mò possibel, mammalucch fottuu,
 Che siev tant ignorant, tant intrigaa
 De vegnì grand e gross e scopazzuu
 Senza nanca savè chi v'abbia faa?
 Ah razza de somar degn de galera,
 Fin quand farii la vacca in sta manera?

Dervii quij œucc, o tocch de lumagon,
 Alzee quij lenden e guardee per ari;
 Presto, con quij manasc in orazion;
 In terra quij genœucc, brutt ziffolari,
 Che là su inscima, che ghe par nient,
 Gh'è Barba-Giove cont i sò parent.

E, sanguanon! se farii tant el gnucch
 L'è quell mostacc de tœuss adree on bon legg,
 Borlav adoss, ciappav per i peluech,
 E daven tanti de lassagh el segn,
 Che saraven ben daa in coscienza mia,
 Razza de can barbin, e così sia.

Chì el se padima, e moccio! per spia⁹
L'effett ch'el fava sto sò pangeliregh:
Ma nol sent che dò vòs: Gh' hoo de tirà?
La diseva la prima, e l'oltra: Tiregh.
E in quella, sbassa subet la zaffagna,
Ch'el ved per aria on quart d'ona montagna.

Adoss, adoss! daj! ciappel! tíreggh! mòleggh!
L'è sott e sora tutta l'udienza:
L'era fenida per el sur teolegh;
N'avaraven faa dent ona carsenza,
Se vott o des pu scrocch o pu sonaj
No se impegnaven per fenì sto guaj.

Allora vun, tujend lu la parolla,
El se revolta a quella razzapaja,
Sbragiand: Sto sur Orfee l'è ona gran ciolla
Che nol sa nanca lu quell ch'el se baja;
E la marmaja la sbragiava anch lee:
L'è vera, l'è ona ciolla el sur Orfee.

Repia on olter; Dove l'è el cilapp
Ch'el gh'ha mostacc de vorenn bastonà?
L'è Barba-Giove? ch'el se batta i ciapp,
Che l'emmm nanch per la cassa, andà a cercà!
E tutta quella razzapaja in massa:
Andà a cercà, l'emmm nanca per la cassa.

Fee d'ona cossa, sentimm mì; vedemm
Prima chi l'è sto Giove, el dis on olter;
Veduu che l'abbiem, se regolaremm
Segond quell che ne par, e n'occorr olter.
El seguitava; ma el dà su on rebell:
Vedemmel, sì signor, vœurem vedell.

Te darisset d'intend de infenocciann
 Con sto tò loffi per menann a bev?
 Cocò! gh'èt olter che sti patanflann?
 Salyi per quij che je vorà ricev;
 Ma a nun, perdl.... no ne stà a romp la pippa.
 Che Giove, che no Giove de la lippa!

Chì el se fa brusch, el scorla el coo, el ven ross,
 El scricca i denc, e el te ghe dà on'oggiada
 De porscell 'mort, de faghela fa adoss,
 Quand per desgrazia nol l'avess già fada;
 E poèù lott lott, lott lott, el volta via
 Guardand indree ogni pass: esuss maria!

La turba intant de quij despeccenaa
 A corr, a domandass la fa on bodesg,
 Ch'el pariva comè quand ven d'estaa
 Di voeult in temp de nocc quij gran slavesg,
 Che se dessedà con stornii i orecc,
 E se sent l'acqua che la ven giò a secc.

Parte seconda.

L'alzava el só la faccia sbarludenta
 Per saludà l'Aurora de lontan,
 E lee la fava i gamb mezza indormenta
 Con giò i cavij, con la camisa in man,
 Rossa per la vergogna, chè insci biotta
 El l'ha cattada in lecc col só balotta.

L'era on bell di seren luster, e l'era
 Quell temp che mas'c e femmena se piasen;
 Se sentiven a fa la primavera
 Concertaa insemma i rossignœu coi asen;
 E a vessigà intramezz ai frasch el vent
 Fasendegh sotta l'accompagnament.

I fior, i erb, i piant, i ond, i sass
 Tripillaven, andaven in amor,
 Se vedeven a strenges, a basass
 E sass, e ond, e piant, e erb, e fior;
 Ma i Trazi in mezz a tanta fustusciada
 No ghe sentiven ona sbolgirada.

Chi menava la gamba, chi dormiva,
 Chi andava lizzonand de scià e de là;
 Chi se pientava estategh su la riva
 D'on quej fium a vedè l'acqua a passà;
 E chi guardava in su cantand la-lella
 Col cuu in su on sass e cont i man sott sella.

Quell bon diavolasc del sur teolegh
 El gh'aveva ona fevra de cavall,
 Maa de coo, maa de fidegh, dolor colegh,
 Senza on can che vegness a medegall
 (Chè l'era anmò permess ai temp d'Orfeo
 De mori senza medegh nè barbee).

E voltandes in su mezz desperaa,
 Barba-Giove, el sbragiava, guarda chì,
 Guarda on poo, guarda come sont consciaa
 In grazia tova, per amor de ti.
 Ah Giove! on impollin de medesina,
 Domine ad adjuvandum me festina.

Giove ch'el sent Orfee a parlà latin,
 El se mett minga pocch in sudizion:
 El corr a la fenestra col mantin,
 Pientand li in sul pu bell la colezion;
 El sbaratta i cristaj, el dà on'oggiada
 (Netee che la fenestra l'è in vers strada).

El guarda donca, e el ved de stand inscima
 Tutta la terra tal e qual la stà;
 El ved i Trazi pu mazzucch de prima,
 El ved Orfee che in pocch el vœur crepà;
 E ghe se scolda tutt a on bott la pissa:
 Acqua pader! sta vœulta je sobissa.

El ciappa on fulmen, ma de quij giuridegh,
 L'alza el brasc, l'è già li per tirall giò,
 Quand el sent ona vos vesin al fidegh
 Che la diseva: Abbia pascenza anmò.
 L'è tant dolz de frittura, tant bonasc,
 Che a sta vos l'è pu lu, ghe 'casca i brasc.

E buttand la sajetta in d' on canton,
 Sia malanagg, el dis, intantafina,
 Fussen strabolgiraa, sont ben mincion
 A vorè stà chi mi a scoldamm l'orina:
 Ma, nossignori, vuj mò giust vedella!
 Sont, o no sont? M'han de cognoss, l'è bella!

In del dì sti paroll el batt on pè
 Sul paviment, e el ghe fa dent on bœucc
 Grand in maniera che se pò vedè,
 Minga cojonarii, vedè coi œucc,
 Propi coi œucc del coo, guardand insù,
 Trii quart de paradì e fors de pù.

Marcia, sparisca ! alon, berlocch , berlicch!
 Ecco ona sala tutta de cristall
 on gemm, rubin , smerald gross comè micch ,
 oi port de tartaruga e de corall ,
 odrada tant de sott comè de sora
 on tresent vintun brazz. de carta dora.

Se ved in mezz sèttaa in cardega armada
 Distess Giove in persona , propi lu ,
 a gran abit de gala , de parada
 ilé , colzon e marsina de velù ,
 colzett de seda , manezzin de pizz ,
 azzolett e camisa de battizz.

El gh'ha li sott al scagn on bell falchett,
 on falchetton tremend che fa per quatter ,
 ch'el streng in mezz ai sgriff on saresett ,
 el lascia foera duu antecrist d' oggiatter
 Cont on versasc de coldiree , d' arpia
 te mett i convulsion a la pollaria.

Intorna , intorna on santa-cros de gent
 Donn , tosann , giovenott a mesturon
 A tavola redonda allegrament
 A son de viorin e vioron ,
 infuriati come i strasc di piatt
 A scudellà , a fa baldoria , a sbatt.

Hin tucc razza de dei , no se cojona ,
 E in pampardina col vestii de festa :
 Giunon l'è missa a la pu gran sgiancona
 Cont on basgioeu de gemm , con su ona vesta
 D'on bell merinbs de color de rosa
 Che l'ha portaa quand la s'è fada sposa.

Mercuri l'ha indoraa el sò caduzee,
 El Sò l'è lì cont indoraa el faccion,
 Saturna vecc el gh'ha indoraa el braghee
 Ch'el porta soravia di colzon,
 El gh'ha indoraa tutt i caraff Dionis,
 E Mart l'ha fina faa indorà i barbìs.

Sen ved ona missœulta de costor
 Che lusissen che paren candiree;
 De cap a pè no se ghe ved che or,
 Or de fianch, or denanz e or dedree:
 Or, or, or, or: cospetto de diana!
 Poden drovass de fà la gibigiana.

Vener inscambi la gh'ha on vestidin
 Curtin, ligerinett, a tiracuu;
 Ghe sbiggia fœura on poo de stomeghin,
 E on olter poo el ghe resta sott sconduu:
 Sconduu, l'è vera, ma el fà cas nagott,
 Chè el penser el ghe sghimbia de desott.

On ciccìn d'ona tosa, on sgarzoria
 Vistos e fresch comè on botton de rœusa,
 La gira intorna e la fa fœura el vin,
 Che in paradìs el se domanda ambrœusa,
 E intant comenza i dodes òr de Franza
 A mett su on fiocco d'ona contraddanza.

I dei se senten a purisnà i pee,
 E trovandes sui ultem del disnà,
 Leven su in quatter salt, strusen indree
 La tavola, e se metten a ballà:
 An'emm fiœuj! festa de ball pientada:
 Allegrament, andemm a l'inviada!

A sentì che delizia de monfrinn,
 Che tocch de valz e de gavott sonaven!
 A vedè ballarin e ballarinn
 Che andaven, che giraven, che pirlaven!
 Andà a descorr! i nost marionett
 Poden scondes, l'è nanch roba de mett.

I Trazi intant, quij pover tananan,
 Even in estes col mazzucch in ari,
 Com' el succed di vœult coi pajsan
 In teater, quand tiren su el scipari,
 Che leven su del scagn andand in occa,
 E resten li con sbarattaa la bocca.

El teolegh Orfee quand che je ved
 Fœura de lor in sta manera chi,
 L'è tant sicur d'avej tiraa a la fed,
 E che ghe sia pu nagott de di,
 Che per la gran consolazion ch'el sent,
 El refiada, e el guariss in sul moment.

Come el pò mej el se rebella su,
 E el corr in mezz a tucc quij artiocch,
 E cont aria de sbergna e fa de pu,
 Coss'eel, el dis, che me parii tucc locch?
 Cossa v'è intravegnuu, i mee car bartolla,
 Che v'è mancaa insci subet la parolla?

V'è fors fioccaa giò in bocca i maccaron,
 Che stee li a guardà in su comè gasgiott?
 Cossa l'è che guardee, i mee lendenon?
 Disii, cossa guardee, se gh'è nagott?...
 Chi dis che gh'è nagott? vun el respond:
 De gent ghe n'è, se poden minga scond.

Dopo avè tossii on pezz, el leva in pee
 Saturna, vecc rabbios, che l'è el decan:
 Sont rivaa fina a fa indorà el braghee,
 Sur president, el dis, per quij villan:
 E pœù in fin coss'emm faa?... Eh! ch'hin canaj;
 El mè parer l'è quest: s'ha de impiccaj.

Mart cont el coo el faseva segn de sl,
 E duu o trii d'olter anca lor l'istess;
 Tant che Giove in quell'atim l'era lì,
 Senza tanc zerimoni de process,
 Per di a Mercuri, sò lecchee e spion,
 Che l'andass a crompà corda e savon.

Ma solta a voltra el fondeghee di vers,
 Don Febo, protettor di desperaa,
 E guardand a Saturna per travers,
 Vecc balotta, el ghe dis, brutto dannaa,
 Gh'èt olter de proponn? tas lì, no fiada,
 Se de nò te foo adree ona bosinada.

Saturna el resta lì comè on badee,
 E lu, in d'on'aria de improvvisador,
 Collega, el sclama, per el Pegasee,
 Per sta ghitarra, per sti caviij d'or,
 Per i tre Grazi e tutt e nœuv i Mus
 Ve giuri che sii propi tanc gambus.

E el seguitava: L'aria d'Eliconna
 La me corr, la me batt in di polmon:
 Chi vedi mai? L'è on omm?... nò l'è ona donna
 Esusmaria! la gh'ha in man el tron,
 In bocca la lusnada e la tempesta,
 Tremmen i stell: che bozzera l'è questa?

D' on' oltra part vedi on boschelt tutt verd,
 Senti i sospir d' on fontanin d' argent...
 Ma chì Giove, vedend ch' el se deperd
 In coss che no conclud on bell niënt,
 El sona on bott on campanin de tollà;
 E el te ghe incioda in bocca la parolla.

Allora la va a flamm la camaretta,
 E fan on bordeleri de no dì:
 Chi sbragia de lassà fenì el poetta,
 Chi sbragia de lassall minga fenì:
 E el president in mezz a sto rebell
 L' ha pari a sbattaggià col campanell.

Basta, pader Dionis, prior del vin,
 Col sò voson de tor infin el soffega
 La vos del president, del campanin,
 Del decan e de tutt i olter collega,
 Portand fœura d' imbroj, se pò dì in spalla,
 Quell di vers, chè lor duu hin semper de balla.

Chi l'è che pò resist a la reson
 D' ona vos che la trà i orecc in tocch?
 Quij che prima faseven el spaccon,
 Resten ll inscì stornii, camuff e locch;
 E el president, per podè fall tasè,
 L' ha avuu de grazia a daghela de trè.

Torna donca a parlà don Febo e el dis,
 Senza tanti preambol tolt a noll,
 Che, intuitù di Trazi, gh'è duvis
 Che s'abbia minga de slongagh el coll,
 Ma che se vaga in terra omen e donna
 Δ insegnagh la creanza cont i bonn.

Che se ghe derva i œucc, che se redusa
 Quella povera gent a la reson
 Gol fagh vedè tutta la scienza infusa
 Che gh'han lor dei in quell sò gran crapon;
 E che el ghe giuga lu el sò Pegasee
 Se no ghe borlen in genœucc ai pee.

Ogni parola ch'el diseva, gh'era
 Lì pront l'amis a sbassà el coo, a dì
 Bene, bravissim, questa l'è la vera,
 Che crappa! no se pò dì mej d'insci;
 Tant che nissun l'ha poduu digh on ett,
 E s'è adottaa senz'olter el progett.

I dei gh'han i gamb longh, come l'ha ditt
 Quell orbin che cantava agn fa in Turchia.^(*)
 Se unissen, hin tutt pront; alon, andemm, vitt,
 Ogni pass el tegneva tresent mja:
 Giò per i nivol, sœura di tempest:
 Ecco, hin in Trazia: com'han mai faa prest!

L'aria che prima l'era scura, scura,
 Adess la splendoriss come del dì:
 I Trazi mezz tra el gust e la paura
 Fregghen i œucc, i derven, yeden lì
 Tutta sta gent in pee d'ona baracca,
 E no ghen tœujen sœura ona petacca.

Avanti, avanti! Questo xè el momento,
 No i se lassa rinresser, miei signori:
 Da bravi, là cosl, che i guarda drento,
 Adesso vederanno. Fuori, fuori!
 Quest l'è on brutt mobil d'on dia zopp ch'el gh'ha
 On mondonovo grad come ona cà.

(*) Onere.

All' entrar , all' entrar! quà lesti, lesti
 'on' oltra part el sbragia quell del vin,
 h'el gh'ha on casott con denter tucc i besti
 h'è segnaa mes per mes sul taccoin,
 ltra on can cors e on' orsa de pel gris
 iraa giò tutt del ciel per i barbis.

Gh'è Momo, buff de cort, salariaa
 out ona compagnia de virtuos,
 ove el prim musegh che ghe sia mai staa, (1)
 l papà-grand de Giove, el fa el moros;
 rappresenten on cert dramma seri
 e fa s'cioppà del rid on scimiteri.

Se vedeva el poetta pu de sott
 on la canna a fa el stroleggh sora on tavol;
 ercuri el fava i giocugh di bussolott;
 luton el faseva comparì el diavol;
 duu gemej, ch' hin i pu car bagaj, (2)
 allaven su la s'cenna di cavaj.

I Trazi, pover locch, ch' eren mai staa
 i fest di giardin publegh a la sira,
 taven lì inscì con quij bocch sbarattaa
 a misura di micch de mezza lira,
 o saveven trovagh scima nè fond,
 ghe pariven coss de l' olter mond.

(1) Celo evirato da Saturno di lui figlio e padre
 di Giove.

(2) Castore e Polluce. Al primo vien da Omero
 ato l'epiteto di domacavalli.

Èt veduu quell che fa marcia spariss ?
 Diseva vun , che coo ! quell l'è on strion.
 E l'olter : Pover bacol , se capiss
 Che te l'ee minga nanmò vist el bon :
 Tel vedet là con quella canna ? Sent ,
 Quell sì che l'è on strion , quell che talen

Ma Giove dopo avegh faa ciappà gust
 Con sti zagattrarij per on bell poo ,
 Quand l'ha creduu ch'el fuss el moment giu
 De fass cognoss , l'ha faa on cert segn col o
 Ai nœuv tosann bastard de la Memoria ,
 Perchè cuntassen ona certa istoria.

E lor cantand in ton de fassautt
 Comenzaven a dì del prim moment
 Quand che s'è vist a sbottì foœura el tutt
 De la gran panscia vœuja del nicnt ,
 Del bordell , del scompili , del freccass
 Che sto bell bamboccion l'ha faa in del na

Cuntaven su de quand han taccaa lit
 I dei contra de certi sganzerlon
 Che faseven ballà i montagn sui dit
 Giust comè se fudessen de bombon ,
 E andand a vœulta ghe tremava sott
 La terra , come andass el terremott.

Cuntaven i accident di spozalizi
 De madamm Vener cont el Dio ferree ,
 Che brutt e zopp l'ha avuu inscì pocch giud
 De toèu ona bella donna per miee ,
 E de donn' Alba che l'ha faa el maron
 De sposà vun che l'era minga don. (*)

(*) L'Aurora che Dea sposò Titone mortale

Voreven tirà inanz i nœuv sorell
 A lodà el pader Giove, in sul resguard
 De la soa gran bontaa coi verginell,
 Che l'ha impii tutt la terra de bastard:
 Ma in quella han vist che i Trazi inentrattant
 S'hin torna a tucc a indormentà d'incant.

Giove ch'el se n'è accort, segond l'usanza
 El s'è miss a sbragià comè on strascee:
 Ah maladetti picch senza creanza!
 Eel quest che avii imparaa in sul Galatee,
 Villan tarlucch ficœuj de settimann!
 De dormì intant che canta i mee tosann?

Ma l'ha pari a sbragià, che nissun sent,
 E el capiss che nol pò cavann on'acca:
 Donch: Barlicch! Scompariss in d'on moment
 El mondonovo, el casott, la baracca,
 La canna, i dei, i besti, i bussolott,
 Resten lì tucc al scur, e bona nott!

Parte quarta.

Stemm a vedè chi l'è ché ven: madonna!
 Ah pover Trazi, l'è feniì tuttccoss:
 L'è on caruspi, on calvari d'ona donna
 Con la pell picciurada sora i oss,
 Longa de brasc, de gamb e de carcamm,
 Secca inciodada, che se ciama Famm.

Ghe corr inanz , fasendegh de staffetta ,
 La Carestia che la se batt i cost ,
 Dedree ghe ven la Pest su ona caretta ,
 Senza nas , guercia , quattada de crost:
 Ai fianch la gh'ha el Spavent coi cavij drizz,
 E la Discordia col zoffreghin pizz.

La ven mordendes quij sò man scarnaa ,
 Come che je voress podè mangià ,
 Se ved i lávor rott , insanguanaa ,
 Che ghe ballen sui denc in de l'andà ;
 Se sent a scriccà i oss quand la fa on pass ,
 E a battes in cadenza i dò ganass.

Dove la guarda se impassiss i piant ,
 Se secca l'erba dent per i campagn ;
 El sò faa l'è ona specie de purgant
 Ch'el porta el venter dove stà i calcagn :
 Se dininguarda quejghedun le tocca ,
 No ghe resta pu olter che la bocca.

In d'on esuss sta maladetta scrova
 La m'ha affamaa la Trazia de coe a pee ,
 Con tutt che ghe fuss minga de la sova ,
 Come gh'è staa poeu dopo , i prestinee ,
 Ch'eren nannò nassuu in quell temp antigh
 Che i omen no mangiaven che panigh.

I pover Trazi , gent de quella sort ,
 San come ciod , alest , de bon color ,
 Grand , traversaa , gnervent , stagn , viscor , fort ,
 Semper matt , buli de l'istess umor ,
 Adess paren pu quij ; palpaa , palpaa ,
 Cont el coo bass comè i gallinn bagnaa.

Se veden a andà a voeulta sloffi e froll,
 gamb fan jacom, ballen i genœucc,
 an giò toëuss toëuss, ghe donda i brasc e el coll,
 h'han smort i lãvor, gh'han infossaa i œucc;
 ui denc rabbios, strasi, longh on mezz mja
 h'han la fed de battesim de la ghia.

Quand che s'imbatten in d'on quej cadaver
 de vun di sœu, ch'el sia crepaa de famm,
 che se butten adoss, fan come i caver
 cozzad per robass sœura el carnamm
 de bocca vun con l'olter: ah Signor!
 se morden, se strascen tra de lor.

Tanti vœult speccen nanch che vun sia mort,
 el sgandollen ch'el tira ancamò el fias;
 tanti vœult, per mangiall, quell pussce fort
 el coppa quell ch'è pussee mal andaa.
 lo gh'è giustizia, no gh'è compassion,
 a fam l'ha quattaa i œucc a la reson.

Se ved la terra somenada d'oss,
 de viscer marsc che te fan streng el cœur;
 se sent i sgarr de chi gh'ha anmò fias adoss,
 se sent i ultem sospir de quij che mœur.
 L'aria l'è greva greva, umeda, scura,
 È la spuzza d'odor de sepoltura.

In sti ultem estremm compar Orfee,
 E se ghe strengen tutt d'intorna ansios:
 Largo! fegh post: ecco l'è montaa in pee
 Su on mucch de crani, e el stà lì inscì pensos.
 Nissun se mœuv, se guarden tucc in volt
 E tiren nanch el fias per dagh ascolt.

El trà on sospir del cœur, el fa di smani;
 E pochè el dis: Trazi, avii cœur de guardamm?
 Quist chì che calchi con sti pee hin tucc crani
 Di vost, di mee fradij ch'è mort de famm;
 Se speccee tant de podè anmò di on ett,
 La Trazia la sarà on gran catalett.

Misericordia! coss'emm mai de fa,
 Sbragen tutt quant borland in genuggion;
 E lu: Ch'el vegna inanz quell moster là
 Che l'oltrer el faseva de spaccon:
 Te se regordet? - Ah sì me regord!
 Misericordia! Pader, son balord.

Te see balord n'è? o moster renegaa,
 Adess che la te batt ben ben in di cost?
 E quell: Misericordia! andaroo a fraa;
 Sont chì in genœucc, me mœuvi nanch del post,
 Battem, pestem, sgraffignem pur la pell,
 Ma damm quejcross de podè trà in castell.

Allora Ofee el dis: Trazi, guardee in su
 E disii insemma a mi st'orazion
 (Tucc el compagnen): Giove, diremm pu
 Che t'emm nanch per la cassa di minciou;
 Emm fallaa, sent i Trazi che te ciamen,
 E fa che mangen nunc et semper, ameu.

Appenna han ditt inscì, el dà ona lusnada,
 Se sent el tron, e se ved in de quell menter
 A passà in aria ona gran mascarada
 Che la consola i œucc, ma pussee el venter
 Perchè quij mascher ch'lin deess e dei
 In cambi de beniè traù via tortej.

El test el cunta che s'è miss a pieuv
 Di ballett d'or sugos e de savor;
 Donch saran staa de quij tortej coll'œuv
 Che hin giald, e paren giusta ballett d'or.
 S'è ditt che fussen grann de formenton;
 Ma el formenton inscì crud l'è minga bon.

Eren propi tortej, credimmel pur;
 Me farissev on tort no vorend cred:
 Se fudess minga staa pu che sicur
 In sti coss chì, ch'hin pesg che nè de fed,
 Vorev minga col fà l'umor contrari
 Tiramm sui spall i codiz di antiquari.

I Trazi mangen giò tortej a stee,
 E tran via quella cera de pancott:
 Coi brasc avert sbragen, turee! turee!
 E Giove el ghe je tira col palott:
 Se Dionis nol le ten, Saturna in quella
 El ghe stravacca adoss auch la padella.

Ma l'è staa pront a dagh cont on martin
 On gran colp in sul nas: l'è audaa el peston
 In cento mila tocch: giò tutt el vin
 In bocca ai Trazi, e come l'era bon.
 No capita de pesg: l'è rivaa a vora
 Ch'eren pien de tortej fina a la gora.

Quand s'hin trovaa sagoi e che han bevuu,
 S'hin toruaa tucc a mett ingenuggion
 Sbragiand: Ah Barba-Giove, emm cognossuu
 Che te see propi on gran galantomon.
 Sì, semm tucc tò bagaj, te see el nost pà,
 Perehè te ne tree giò de ziffolà.

Seguita pur a dann la pacciatoria,
 E poèù no statt a dubità nient,
 Che vegnaremm bej grass a onor e gloria
 Tant de tì che de tucc i tò parent,
 E quand t'incontraremm, no te dubitta
 Che te lassaremm subet la man dritta.

Defatt dopo quell dì hèn staa semper quiett
 Maneggever 'compagn de tanci bec,
 Nè han mai volzaa de preteri in d'on ett
 Tutt quant e mai ghe comandava Orfee,
 Che col loffi de Giove a temp e a læugh
 I avarav faa magari andà in del sœugh.

Insci feniss la storia de quij picch:
 Adess ven la moral: attent a mè.
 Quij ch'è fort fan paura; quij ch'è ricch
 Fan invidia; i sapient fan sbalordi;
 Ma (regordeven semper, i mee tos)
 No se adota che quij ch'è generos.

Nota.

Siccome in di mee coss mi sont precis,
 E vuj minga che nassa di ratell,
 Savend che gh'è pu d'on autor ch'el dia
 Che l'è minga staa insci sto fattarell,
 Hoo stimaa ben de mettegh chi de sotta,
 Per prevegnù tucc i question, sta notta.

Disen sti tai che Orfec l'ha morisnaa
 El cœur di Trazi a furia de sonà ;
 E mi domandi per la veritaa
 Se sta cossa che ch' la possa stà ,
 S'eren assee i diesis e i bemoll
 Per mett a meret quij carna de coll ?

Ma per vegnì a la streccia del negozi,
 E fav toccà con man che tucc sti autor
 Han tolt, con reverenza, on equinozi,
 E che san minga quell ch'han ditt nanch lor
 (Foo minga per vantamm in faccia vosta),
 Sentii sto mè penser ch'el par faa a posta.

Fors' el sò test el diseva a la bona,
 Orfee l'ha faa, l'ha ditt col ziffolà :
 Ziffolà el ven de ziffol, ch'el se sonà ;
 Donch han conclus, l'è staa cont el sonà ;
 Senza riflett, sti bœus, che ch' de nun
 Ziffolà el vœur di sbatt, romp el digiun.

Prœuva adess, vun me dis, che quij primm test
 Fudessen scritt in lengua del Verzee :
 Provall? respondi, mancarav anch quest :
 L'hoo minga già provaa tant che sia assee?
 O bell! o bell! avii fors minga intes
 Che anca Giove el parlava in milanes?

Per consequenza donch.... Ma coss' occor?
 Sii già tutt persuas che gh'hoo reson,
 E ch'bin tanti articiocch tucc quij autor
 Che, no essend consumaa in del buseccon,
 Vœuren menà la berta de salamm
 Sui test pu antigh del gippon de Baltramm.

Novella.

La me vœur scond i lacrim? Coss' occur?
 Cara mammin, già el soo ch' hoo de morì:
 Nà, la preghi in di viscer del Signor,
 Che la me scappa nò, la staga chì;
 Che no la me abbandona in sti ultem or;
 Se 'la vœur piang, la piangia insemma a mi:
 Sì, che la piangia pur, cara, che almen
 Saront sicura che la me vœur ben.

Ah! cognossi anca tropp, cara mammin,
 Che viscer hin i scœu; soo che l'è bonna,
 Chè sont pœù la soa tosa in fin di fin,
 Che l'è mia mader, che la me perdouna:
 Via, che la senta, vuj on sò basin:
 Ghe l' hoo semper cercada a la Madonna
 Sta grazia, e inanz che vaga al mond de là
 Sont persuasa che me l' ha de fà.

Me regordi quand seva piscinina
 (Ah benedetto temp! dov' eel andaa?)
 Che mi sera el carœu de la mamma,
 Stava semper attacch al sò scossaa,
 Lee la m'avarav daa lacc de gajna,
 La m'avarav daa el sangu, l'anima, el fiaa:
 Com' hoo poduu, car el mè car Signor,
 Desmentegamm de tutt quell grand' amor?

(*) Questa Novella fu scritta espressamente per veder come regga il dialetto milanese al genere patetico.

Desmentegamm? Ah coss' hoo mai ditt mi!
 Nò, nò, che me sont mai desmentegada:
 Se la savess coss' hoo dovuu soffri!
 Che contrast... in che stat me sont trovada...
 Hoo tasuu finadess, ma inanz morì
 L' ha de savell, vuj digh come l'è stada:
 Che la se setta chì sul mè sofà...
 Parlaroo adasi, che la lassa fà.

Che no la se disturba, staroo quietta,
 Ghe cuntaroo tutt'coss senza alteramm,
 Che la me lassa dì, che la se setta,
 El me farà fors ben a podè sfogamm:
 Insci: zà la soa man... ah benedetta
 Man d' ona mader!... Senti a consolamm
 In del basalla, e la me dà pu fìa
 Per cuntagh i desgrazi ch' hoo passaa.

La se regordarà d' on colonell,
 Amis del nost Pedrin, che l'è staa chi
 Ona vœulta, e han ditt tucc che l'era bell,
 E dopo via el l'ha ditt anch lee con mi;
 El gh'aveva i duu ordin... Giusta quell!
 Brava! l'aveva nom Luis, sì, sì:
 Ben, mi, quell, l'era on ann e fors pussee
 Che ghe parlava in nascondon de lee,

No gh'era dì, che lu nol passass sott
 Al poggioeu dove stava a lavorà;
 Quand fava on segn, el vegneva a la nott
 Sott ai fenester per podemm parlà:
 El pioveva a rovers, fa cas nagott,
 A quell' ora fissada l'era là;
 E nol fava che piang, e che giuramm
 De voremm ben, de vess pront a sposamm.

Ah mammin! mi brusava de l' amor:
 El le sa el ciel se l' avarev sposaa;
 Ma saveva de dagh on gran dolor
 A lee, se avess volsuu sposa on soldaa;
 Donch taseva, sperand in del Signor
 Ch' el temp el gh' avarav remediaa,
 E vivend de dì in dì con sti speranz,
 Senza resolv nient, tirava inanz:

Quand riva on sara sara a l' improvvis
 Che han d' andà in Russia tucc i corp d' armad
 E l' è staa allora quand, pover Luis,
 No podendem parlà passand in strada,
 L' ha faa tant e poeu tant, ch' el s' è faa am
 Del Pedrin, l' è staa chì, e el m' ha visad
 Parland sui general, che l' istess dì
 L' aveva ordin de dovè parti:

Mì, ch' el m' è parç on sogn, tutt in d' on tra
 Sont restada lì inscì comè inlocchida:
 Ma quand senti a la sira che l' è fatt
 Chè la guardia real l' era partida,
 El cœur, i pols me s' hin fermaa de batt,
 Hoo capii che per mì l' era fenida:
 Hoo passaa quella nott comè in sui spin
 Semper a piang, a brascià su el cossin.

Andava a la fenestra, la derviva
 Parendem che m' avessen domanda:
 Stava lì attenta, ma no se sentiva
 On citto, chè eren tutt indormenta.
 Gh' era fœura la luna, e la lusiva
 Sul mè lett; el vedeva tutt bagnaa
 De lacrim: me tornava a buttà giò,
 A brascià su el cossin, a piang anmò.

Mi me credeva de morì, e sperava
 De morì prest per fenì quella penna:
 Me regordi che lee la me chiamava
 Cossa gh'avess, chè nè a disnà nè a scenna
 Mangiava pu nagott; ma me ostinava
 A digh che sera pocch de bona lenna,
 Tirava a man di scus in quej manera
 Per lassagh minga savè quell che l'era.

Ma quella di tre nott poèù finalment,
 Stracca de piang, me sont indormentada,
 E vedi in sogn stravolt, desbaruffent
 El mè Luis cont in di man ona spada
 Ch'el me ciappa in d'on brasc, e el me dis: Sent,
 O ven con mi, o me mazzi. Spaventada
 Foo per fermagh el brasc, ma lu pu lest
 El se desbroja, e el dis: Risolv, fa prest.

Mel vedeva denanz torber in cera
 Col brasc in aria li domà per dass:
 Mi no saveva pu dove me sera,
 Me vestissi, ghe corri adree: debass
 Troeuven on legn, lu el derva la portera,
 El me dà el brazz per andà su: foo el pass...
 Ma in quella me dessedì tutt a on bott,
 Me troeuvì in strada, gh'è nissun, l'è nott.

Me volti indree stremida per guardà:
 Vegneva giò tempest, tirava vent,
 L'era scur scur, se sentiva a tronà,
 E on gran stralusc, che giust in quell moment
 El sbarlusiss contra la nostra cà,
 El me lassa vedè ciar e patent,
 Propi compagn che se el fudess del dì,
 La stanza in dove l'era lee a dormì.

Cara mammin, che colp l'è mai staa quell!
 M'è voruu s'cioppà el cœur, me sont trovada
 Pien de lacrim i œucc senza savell:
 L'era sparii el s'ciarò de la lusnada;
 Insci a taston voo indree a cercà el portell,
 Vuj tornà in cà, sont già deliberada,
 Foo per dervill... sforzi la man: Gesù!
 Gh'è giò la molla, poss andà dent pù.

Me sont sentida a corr fina in di oss
 I sgrisor de la mort, m'è mancaa el faa,
 Gh'hoo veduu pu, m'è gelaa el sangu adoss,
 Hoo capii ch'el sproposit l'era faa,
 Chè saraven vegnuu a savè tuttcoss,
 Che el mè Luis per mi già l'eva andaa:
 E in quell moment d'inferno: esumaria!
 Hoo faa el gran pass, hoo bandonaa cà mia.

Sont andada de locch fina a Modron,
 Pœù hoo faa rifless: el Luis l'è marciaa
 Trii dì fà per la Russia, de reson
 El sarà giamò inanz on tocch de straa;
 Come faroo a rivall? e pœù, el pu bon,
 Cossa farev quand che l'avess rivaa?
 Presentamegh? parlagh? damm de cognoss?
 Ona tosa polida de sti coss?

Gh'hoo mè fradell Pedrin guardia d'onor,
 Che l'è partii jer tard per sti part chì,
 E me sovven ch'hoo giust sentii a descors
 Ch'el se fermava a Trevij a dormì;
 Andaroo là de lu, e per l'amor
 Di sant, el pregaroo a toëumm su anca mi:
 El me vœur insci ben, l'è tanto bon,
 Ch'el se trarrà sicur de compassion.

Inscì hoo faa ; sont rivada quell moment
 Che se faseva ciar ; hoo domandaa
 A on giovenett che hoo vist per accident ;
 Se dà el cas ch'el Luis l'era alloggiaa
 D'on sò zio curat: quest compiasent.
 El m'ha condott fin là , dov' hoo trovaa
 Mè fradell , e buttandem ai sò pee
 L'hoo scongiuraa ch'el me tujess adree.

Cossa n'hal faa quell pover cristian
 Per tœumm st'ideja scœura del cervell?
 L'ha pregaa, l'ha piangiuu, el m'ha ciappaa i man,
 Mi ha basaa , parland de ver fradell ,
 Disendem che do vess tornà a Milan,
 Chè già el Luis poteva nanch vedell:
 Ma el s'è stremii , chè mi gh'hoo daa on'oggiada,
 E l'ha vist che già sera desperada.

Donca l'ha stimaa ben de stà ai primm dagn,
 Sperand col temp che avess de ravvedemm.
 El m'ha fada vestì con di sò pagn
 Sul fà d'on servitor , per no podemm
 Lassà minga cognoss di sò compagn:
 Quand s'ha d'andà montia cavall , e vemm,
 Restand d'intelligenza in tra de nun
 De fà mostra nagotta con nissun.

De fatt nissun l'ha avun el minim sospett,
 E in quant a quest la m'è andata benon:
 Gh'aveva però minga el cœur quiett ,
 Chè capiva d'avè faa on gran scarpon ;
 E de nott massim , quand che sera in lett ,
 Poteva minga mandà giò el magon ,
 Pensand a l'inquietuden soa de lee
 A no savè nagotta di fatt mee.

Quand pocù semm staa lontan fors tresent mja,
 Che m'è pars de vess franca, gh'emm scrivuu
 Per domandagh perdon de quella mia
 Bardassada, e dagh nœuva de nun duu:
 Ma i letter, mi no soo come la sia,
 O hin restaa in posta o se saran perduu,
 Perchè chi lor me disen propriament
 Che in tutt sto temp han ricèvuu nient.

Intant se andava inanz a marc sforzaa;
 E mi in tutt i paes dove rivava
 Cercava subet cunt s'era passaa
 El tal corp inscì e inscì (dovè ghe stava
 El Luis): L'è trii dì, l'è duu, l'è staa
 Chì domà jer: e semper me trovava
 De vessegh pu vesina d'ora in ora,
 E me sentiva tutta sott e sora.

Cara mamma, e l'è minga de dì
 Fettivament che trovandem appress
 Gh'avess gust; nol soo minga nanca mi
 A dì la veritaa cossa voress.

Come adess avarev volsuu morì
 Tant per podè vedell, e dessadess
 Piangeva e me voreva desperà
 Per la paura de dovell trovà.

Inscì tramezz ai speranz e ai paur
 Vivend semper come se fuss sui spin,
 Fasend vitt che noj fan minga sicur
 I galeott, i lader, i assassin,
 Rivem on dì che l'era giamò scur
 A on certo paesett in sui confin
 Di Russi, e senti ch'era li fermaa
 Per specciauu nùn quell tal corp inscì faa.

Sera a cavall attacch a mè fradell,
 Vedi vun ch'el le brascia e basa su:
 Ah Signor! l'è vestii de colonell,
 A la statura, al fà el me par tutt lu:
 El se volta... l'è lu, l'è propi quell:
 Tremi, me buj el sangu, ghe vedi pu,
 Salti giò de cavall a rompìcoll,
 Ghe corri in contra e ghe troo i brasc al coll.

I lacrim, el tremor, l'abbattiment
 M'han strozzaa lì i paroll dent in la gora,
 Tant che in quell att ho poduu dì nient,
 E gh'hoo avuu temp intant de pensagh sora
 Al sproposit che fava in quell moment:
 Hoo veduu tutt el precipizi: allora
 M'è cascaa i man, sont dada indree trii pass,
 E sont restada lì come de sass.

Mè fradell che l'ha vist quella figura;
 L'ha faa mostra, per tœumm de sto cuntee,
 Che ghe fuss capitaa ona gran premura
 De dovemm mandà via in sui duu pee:
 Mi l'hoo capii, sont saltada adrittura
 Sul cavall, in d'on faa l'hoo voltaa indree,
 Gh'hoo lentaa i brij, gh'hoo daa ona spercnada,
 E indree a galopp comè ona desperada.

El trovass scur, l'avè minga parlaa,
 E el vess vestida su in quella manera,
 Per mia fortuna in quell moment han faa
 Ch'el Luis l'ha mai pu pensaa chi sera:
 El Pedrin l'è staa prònt, e el s'è sbriggaa
 Cont on mezz termen ch'el pariva vera,
 Per podemm subet corr adree e fermà,
 Savènd nanch lu dove pòdess andà.

Dopo d'allora tucc duu i corp d'arm
 S' hju unii per andà contra el nemis:
 Oh! quanti vœult trovandem su la strac
 Vedeva a la lontana el mè Luis:
 L'andava via con la testa sbassada
 Malincohegh, in mezz ai primm sò ami
 Senza mai dervì bocca in tutt el dì:
 E mi diseva: Adess el pensa a mi.

Tra i olter me regordi ona mattina,
 Vegnend via de Smolensco, ch'el Pedri
 El m' ha faa segn ciappandem la marsia
 Che dovess retiramm on momentin:
 Hoo nanch faa on pass che, traff! a la so
 Me riva lì el Luis: Cara mammin!
 Hoo sbassaa el coo.... la pò considerà
 In quell moment come doveva stà.

S' hin miss tutt e duu in pari, e mi de
 Seguitandi compagn d' on servitor:
 Dopo vesses basaa, s' hin miss adree
 Andand, inscì come se fa, a descor:
 El Luis el parlava di fatt mee,
 Di promess che s' emm faa, del nost a
 Del sò magon, del cruzi de no dì
 Ch' el gh' aveva per vess lontan de mi:

E el diseva piangend: Mi adess sont
 E lee intrattant chi sa? se vœulta ven
 La mudarà penser. Anima mia!
 Guarda, cognossem, ved se te vuj ben.
 Gh' è staa calaa nagott che no me sia
 Scappaa de bocca sti paroll. Oh almen
 Pover Luis, almen tra tanc magou
 Ghe l' ayes dada stà consolazion:

Ma me' sont trattegruda. Seguitavem
 A andà inanz tutt i dì: l'aria gelada,
 La nev, el giazz demeneman che andavem
 Pareva che cressessen: su la strada,
 E tutt in di contorna no trovavem
 Nanch on cà che no fudess brusada;
 Eren brusaa i paes de scima al fond,
 E el pariva ch'el fuss la fin del mond.

Trovavem rott i strad, tajaa su i piant,
 Deroccaa i pont, voltaa l'acqua di fumm,
 Rasaa i campagn... No se sentiva intant
 On strepit, ona vos che fass presumm
 Anipa viva; domà che ogni tant
 Al borlà giò di cà se alzava el fumm,
 E se vedeva di gràn ond de fiamm
 A scappà focura intramezz ai rottamm.

No se trovava allogg, no se trovava
 Foragg per i cavaj, roba per nùn:
 Di magazin intreggh de pan, de biava
 Se vedeven brusaa con dent nissun:
 Se dormiva sul giazz, no se mangiava
 Che on crostin de bescott al dì per un;
 E moriva cavaj, moriva gent
 De fam, de frecc, de struzi ogni moment.

Eren ridott i coss a sto brutt pass,
 Quand ne se dis che tutta la speranza
 La stava in del cercà de quarterass
 A Mosca, in dove gl'era l'abbondanza:
 A sta poca notizia, figurass!
 Con che coragg l'armada la se avanza:
 In manca de trii dì la s'è trovada
 In di pianur de Mosca già sfilada.

Semm in faccia al nemis, besogna dà
 Ona battaglia, e tutt depend de questa.
 El Pedrin a tutt i forz el me fa andà
 Dedree di fil on tocch, dove ghe resta
 I carriagg; e el vosur ch' el spetta là:
 Mi me strappi i cavij giò de la testa,
 Piangi, sgarissi, vuj stà in fila anmì,
 Vuj stagh attacch; ma l'è iuutil sgarì.

Ghe raccomandandi la soa vita e quella
 Del mè Luis, ghe butti i brasc al coll,
 El basi su. — Sta ben, cara Isabella;
 Lu el m' ha ditt, e hin staa i ultem sò paroll
 L' era lì, lì per di on quejross, ma in quell
 Se sent tucc i tamborr a sonà el roll:
 Lu el sbalza sul cavall, mi me ven maà,
 E no soo pu cossa ne sia staa.

Quand che sont revegnuda, se sentiva
 A la lontana a brontolà el canon,
 Di vos de chi sbragiava e chi sgariva,
 Cavaj, carr, tromb, tamborr daven on son
 Confus che se capiva e no capiva,
 E el metteva spavent e compassion.
 Guardava inanz, no se vedeva lumm
 Per on gran nivolon negher de fumm.

Cossa ne sarà mai del mè moros,
 Del mè fradell? Ah sant del paradis!
 Hin là in mezz, e chi sa? forse quij vos,
 Quij sgarr hin del Pedrin, hin del Luis:
 Ah Signor che penser me scondi a pos
 A on carriagg, me butti in sui valis,
 Mi tiri adoss, e me stoppi i orecc
 Per no senti quij vers che me mett frecc.

El comenzava a vegnì scur on poo,
and se sent a sbragià ch'emm vengiuu nun:
iadi a sta notizia, alzi el coo,
vedi i carr che sfla a vun a vun:

no me mœuvi de quell sit, chè soo
'hoo de spettà el Pedrin... Ma ven nissun,
n tucc in Mosca, passa on'ora... e dò,
el Pedrin nol ven minga nancamò.

Sera settada in terra col coo in man,
i gombed sui genœucc: me ziffolava
vent in di cavij: de meneman
e vegneva on quej boff, el me portava
mè ona vos che vegna de lontan:

me pariva la soa vos, alzava
zucc, guardava intorna: ma l'è nott,
è senza luna e nò se ved nagott.

Ciami Pedrin... Pedrin... nissun respond,
la vos la se perd per quij pianur.

trattanta me senti a piombà in fond
l cœur mila sospett, mila paur.

ssa ona troppa de scorbatt: je scond
la vista la nott; ma in mezz al scur
nti el freccass di àl e i vers de mort;
i sospett me devenen pussee fort.

Salti in pee, voo vers Mosca, chè sperava
'el Pedrin el podess vess là a spettamm.

pocch a pocch la luna la se alzava,
mi sentiva el cœur a insanguanamm,
è de per tutt i sit dove passava
: vedeva denanz mort e rottamm

bandér, s'ciopp, carriagg de canon,
crani e brasc e gamb e coo e galon.

Quand el dà on gran stralusc ch'el fa spavent
 E me corr al penser quella lusnada
 Che hoo vist sui sò fenester quell moment,
 Quell terribel moment che sont scappada.
 Alzi la faccia al ciel: l'è invernighent,
 I stell hin smort, la luna insanguanada,
 E la vedi lee a piang su on nivol ross
 Ch'el gotta sangu e ch'el me picœuv adoss.

Taseva tutt, ma in fin de la campagna
 Sentiva on vers ch'el me passava el cœur.
 Piangend, tremand voo inanz; vedi ona cagna
 Che la lecca su el sangu de vun che mœur:
 Quest l'è sott a on cadaver, ch'el ghè bagna
 Tutta la faccia de sanguusc; e el vœur
 Storgendes, strepitand de scià e de là,
 Come trassel de doss per refiada.

El cadaver ch'el gh'ha dessoravia
 L'è tutt insanguanent e senza coo:
 Guardi quell sott: stravedi? esumaria!
 Quell color! quell vestii... voo inanz on, pod
 Ah! che l'è el mè Luis: me se rescia
 I cavij su la front, troo on sgarr e voo
 Come on sass giò per terra adoss a lu,
 Strengendel in di brasc, basandel su.

Ghe senti a batt el cœur; sbalzi in genœucc,
 Me strasci giò tutt i vestii de doss
 Per fassagh ch'è in sul stomegh on gran boœucc
 Ch'el perd el sangu, e el lassa vedè i oss.
 Lu allora sospirand el derva i œucc,
 El me ved, el me fissa, el me cognoss;
 E inserendes in faccia, el se tira
 Ona mia man sul cœur, e poœù el me spira

El cœur el ghe batt pu, l'ha pers el fiaa :
 Mi foo per saltà in pee, ma borli giò
 A toppiccon adoss a on coo tajaa :
 Col pocch sentor che me restava anmò
 Fissi quell coo... l'è tutt insanguanaa,
 Tutt sporscellent; ma se distingu però
 La faccia. Eel forsi el coo de mè fradell?
 Esuss maria signor! l'è propi quell!

Resti lì come stúpida, insensada,
 Senza podè nè mœuvem, nè sgarì:
 Me pariva de vessem insognada,
 O che in quell menter fuss adree a dormì:
 Hoo pers i sentiment, m'han poeu trovada
 Là insci per terra in sul s'ciariss del dì,
 E m'han portada in Mosca mezza morta,
 Senza che mi me ne fudess accorta.

Sont stada fors duu mes che hoo mai poduu
 Dì de vess viva: quand che comenzava
 A vegnì on poo in sentor, hoo cognossuu
 Che sera con l'armada che scappava:
 Me trovava in su on carr, e hoo poeu savuu
 Che quell bon vecc d'on general che stava
 Chì d'allogg, cognossendem per chi sera,
 El me menava indree in quella manera.

Squas per miracol sont rivada a cà:
 Già, la m'ha vist, sera comè on'ombria:
 La se regordarà ch'el sur papà
 In collera el voreva casciamm via;
 Ma lee pietosa l'ha volsuu dà a trà
 Domà al sò cœur, e l'ha ditt: nò, l'è mia,
 Sont mader, l'è el mè sangu, l'è l'Isabella,
 Desmenteghi tuttcoss, sont anmò quella.

Adess i e on anche sont chi insci in sto lett
 Inciodada, e deslengui tutt i di:
 Gh'hoo i brasc strasi che pareu dru bacchett,
 D'on di a l'olter me spetti de mori:
 Cara mamma, la ved sto farrolett?
 La preghi a fammel seppelli con mi:
 L'è del pover Pedria, gh'è anmò su i sris
 Di ultem gott de sanga del mè Luis.

Fina che gh'hoo avuu lacrim, l'insuppava
 Standegh semper piangend buttada adoss,
 E a guardagh a quell sanga, me consolava
 De vedell revegnuu, pu viv. pu ross:
 Tanti vœult insci teved el basava,
 E me corriva i sgrisor in di oss,
 Che me pariva fina ogni freguj
 Ch'el se movess, ch'el se mettes a buj.

Ma adess che poss nanch piang e che me mœur
 I œucc in del coo, tutt quell che me conforta,
 La ved? l'è de tegnill chi sora el cœur
 Saraa, strengiuu fintant che saront morta.
 Ah mamma! per quell ben che la me vœur,
 Per quell dolor tremend che la sopporta;
 Quand sont spirada (e el pò vess pocch lontan)
 Che me le metta adoss lee coi sò man.

Che la me daga sta consolazion,
 Che poda sarà i œucc in santa pas:
 In santa pas? Ah nò! Gh'hoo anmò on magon,
 Gh'hoo on' oltra cossa anmò che me despia:
 Gh'hoo minga avuu la soa benedizion,
 Gh'è el sur papà che l'ha nanmò faa pas:
 Se poss ottegn quest, allora sì
 No desideri pu che de mori.



P O E S I E

D I

CARL' ALFONSO PELLIZZONE.



In lod del Tanz.

Quij hin ben poesij ch'el m'ha mandaa:
iuradianabacch! Quell ch'è on ingegn!
legg quell liber sont restaa de legn;
pien d'invidia hoo ditt: Per mi hoo scucaa.
Credeva ben d'ess di matricolaa
a la Badia, ma poss toèu via el segn;
odi sparmì de mettem a l'impegn
te fa vers, e brusà quij ch' hoo già faa.
Oh Tanz, car el mè Tanz, perchè set mort?
rutta Caterinin di costajœur,
ossibel che te posset mai stà fort?
Quant mai, striascia, t'è soltaa in del cœur
te mandà a spass on omm de quella sort!
Ia già l'è insci: se gh'è vun bravo, el mœur.

Sora a Giovann Gall.

Guardee che bell vedè fa Giovann Gall
quand el va attorna a spass sul sò cavall!
e guardee adoss al Gall, vedii el cavall;
om' hii veduu el cavall, hii vist el Gall.
Secch, magher e bislongh l'è Giovann Gall;
magher, bislongh e secch l'è el sò cavall;
il Gall l'è lough de coll comè el cavall;
buzz de muson el cavall, guzz anca el Gall.
Se toèu di voeult el Gall per el cavall;
hi voent se toèu el cavall per Giovann Gall,
perchè paren vun sol Gall e cavall.
No se cognoss, guardand cavall e Gall,
se staga sott el Gall e su el cavall,
se el cavall staga sott e sora el Gall.

*A vun ch'el vœur fà el poetta,
e l'è minga in cas de podell fà.*

Per corregg el sonett che m' hii mandaa,
In grazia che no gh'è nè indrizz nè invers,
No gh'è che de mudà quattordes vers,
Per fà pu prest, a div la veritaa.

Se mi vel correggess, sont obligaa
A andà a confessamm subet del temp pers:
Ghe vœur on tir de penna per travers,
E mett giust come nanch l' avissev faa.

Orsù lassee fà vers a chi sa faj;
Diversament ve farii rid adree,
E farii ona figura de sonaj.

El par nanca de cred che no sappiee
El proverbi ch'el san fina i bagaj,
Quell che dis: Offellee fa el tò mestee.

Sora a on' epidemia che gh'è staa a Soree.

Sont chì mi pover pret mezz mort in pee
De la malinconia e del spaghet,
A vedè che asquas tucc in sto Soree
Vun dopo l' olter tiren i colzett.

Chì se sballa, e no gh'è nè lu nè lee:
La mort a chi ne dà, a chi n' impromett:
Stoll negher, sotterrò, croe e carlee
L'è rar quell di che possen stà quiett.

Se la va de sto pass, Soree l'è in tocch
Ven minga duu o trii mes che no ghe rest:
Ona douzena d' omen ch'è tant pocch.

A ona brutta desgrazia com'è questa,
Se nol ghe mett la soa man san Rocch,
Vedem torna a ancamò l' ann de la pesta.

Sul dovè mudà la servitù tropp de spess.

Anca sto mobil che me riva adess,
De quell che vedi a la fisonomia,
Pocch su pocch giò, me par ch'el sia istess
De l'olter de Pojan, ch'hoo mandaa via:

Talchè se nol fuss minga on cert riflèss,
Ghe vorev fa tœu el borla quand se sia;
Ma quell barattà gent insci de spess,
Capissi anmì che l'è ona gran pazzia.

E pœu cossa dirav ch' i mee vesin?
Che incœu tœuji ona donna, e posdoman
A la pu longa la fa sammartin.

Ponn di che sont cattiv, che sont on can,
E che fan i mee serv l'istessa fin
Che fa tucc i fattor de Surian.

—
Ai sciori N. N.

Per on sò popò bell, ma bell ben.

Vnj che on pittor el ciappa in man el pennell
Per pitturà on fiœu come l'è el sò:
Vuj ch'el ghe metta tutt el sò cervell;
Ma vuj in fin ch'el ghe riessa nò.

Quest l'è on bambin de Lucca propi bell,
Grass per el latt prezios che ghe fa prò;
Oggitt negher e splended come stell,
E dò bej ganassinn bianch e ponsò.

Bell nasin, bell bocchin semper rident;
Alegher, spiritos che l'è on incant,
E ben costrutt in tutt el rimanent.

Bell el pader, la mader; e pertant
Mi no ghe troœuvi de stupiss niënt
S'è vegnuu scœura el frut segond i piant.

Retratt d' on ost.

On omm de trentasett o trentott' agn,
 De mezzana statura, tenc in volt,
 Magher e brutt, coi cavij bisc e folt
 D'ona manera che no gh'è i compagn;
 On omm che el sò mestee l'è tajà i pagn
 Amis di pocch de bon che ghe dà ascoltt;
 Villan, che mangia pan de mej e polt
 Per fa bastrozz, e mett inà i guadagn.
 Nemis giuraa di pret; somenador
 De zizzania per mett di lit in pee;
 Ippocret a la festa, traditor;
 Ona fisonomia de giudee;
 Avar, critegh, superb, cojon, dottor:
 Induvinee chi l'è: l'ost de Nusee.

Perchè el Peliscion el vegniva invidaa a Castellazz domà quand fava gran fregg.

Domò quand gh'è la nev avolta on brazz
 Quand i giornad hin brutt e i strad cattiv
 E quand el fregg l'è in grad superlativ
 Me ven l'invit grazios per Castellazz.

Ma quand l'è el bon de god quell bell palazz
 Che l'aria l'è scoldada, e l'è bell viv,
 Mi no me cerchen; e no soo el motiv:
 Besogna che me tegnen de strapazz;

O che me creden peliscion davvera,
 De mett, quand el fa fregg, e de toèù via
 Appenna comenzaa la primavera;

O che no soo nanch mi come la sia:
 El fatt l'è che se fan in sta manera,
 Comenzaroo st'inverna a stà in cà mia.

*A ona donna desgarbada che gh'è vegnuu
tanto de goss.*

N' hoo piasè che te sia vegnuu el goss;
N' hoo piasè, n' hoo piasè: magari insci
Ten vegness fœura on olter pussee gross;
Ch' el sarav propi quell che cerchi mi;
Perchè te me guardavet nanch adoss
In temp che sera tutt amor per ti;
Perchè tanc vœult che t' hoo cercaa di coss
Lecit e onest, no t' ee mai ditt de si;

Perchè con pu te fava di finezz,
Con pu mi bacol te correva adree,
E ti te me trattavet con del sprezz.

Ten mò de eunt la piva che te gh' ee,
E disingannet pur che i tò bellezz
De compensà el defett n' hin minga assee.

Adess set chi te see
Cont al coll quell boccon de mercanzia?
Te see ona donna di pu brutt che sia.
N' hoo gust: tœù; porta via;
Chè te boffavet tant. Boffa, cojona;
E boffet via el goss se te see bona.

A la miee de vun ch' ha nom Giorg.

Disa Giorgia chi vœur, che per mi tant
No disi Giorgia pu, principalment
Che a di Giorgia a di donn on poo ignorant,
Interpreten sto Giorgia malament.

S' hoo ditt Giorgia, hoo ditt Giorgia in tant in quant
Hoo creduu che a di Giorgia el fuss nient:
Defatt Giorgia coss' eel? L'è on nom d' on sant;
Donca se pò digh Giorgia liberment.

Ghe disen Giorgia tucc quij de Soree:
L'omm che la gh'ha l'è Giorg; Giorg el n
Hoo creduu che fuss Giorgia la miee.

Se pœù a digh Giorgia no la vœur se
Se gh'hoo semper ditt Giorgia de chi in
Ghe diroo Giorgia pu per l'avvegn.

Quest ghel prometti mè;
Via che, essend tant solet a digh Giorg
No disa Giorgia senza che m'accorgia.

Sicchè donch, sura Giorgi
Daj con sto Giorgia! Vuj digh Giorgia
E in l'istess temp ghe disi Giorgia an

In mart d'ona povera sposa.

Vedet cossa t'ee faa, la mia tosa!
La pressa che t'ee avuu de toèu marit
Insci bellbell l'obligazion de sposa
L'è stada quella che t'ha faa mori.

Se no te fusset stada insci pressosa,
O se t'avesset faa com'hoo faa mè,
Lassà la carna e fatt regiliosa,
Fors fors tì te sarisset anmò chi.

Te diree mò che gh'è el sò bell de
Anca in quell'olter stat, per i passion
Che bisogna fà forza a superà:

Quell de vess tant soggett ai tentazi
E dovè semper semper degiunà,
L'è on negozi scabros. Sì, t'ee reson:

Ma almanch gh'è quest de
Che tant insci no se mœur mai de pà
Ma se mœur a sò temp vergen e mart

*Al sur Arlon**che l'ha avuu de di sora i gamb**de l'Autor.*

Soo che fan brutt vedè sti mee gambett,
 r'hin gamb de tisegh, mal organizzaa;
 in senza grazia, hin come dò stasgett,
 attil e secch a segn che fan pietaa.

Coss'hoo de fagh, se sont nassuu imperfett,
 : la natura là m'ha cojonaa?

iran tucc che riguard a sto defett
 i no ghe n'hoo nè colpa nè peccaa.

Quell che poss fa in sto cas, l'è pregall lu,
 he per sgonfià l'ha on don particular,
 vedè de faj cress quejcooss de pu.

Oh sì che quest el me sarav de car,
 lodarev con gust la soa virtù;

la per mià desgrazia no me par,

Com'hoo de parlagh ciat,

he possa sgonfià gamb el sur Arlon:

l sò mestee l'è de sgonfià i mincion.

*Al sur cont Ignazi Caimm
Progett*

*Per mijorà la condizion di œeu massee, i
jendi fœura de la necessitaa de depe
per besti di bastrozzó de Saronn, col da
lu el patron istess tucc quij besti che è
pò fà de besogn.*

Ezzellentissem scior, sur cont Caimm,
Gh'hoo propi on gust de matt, sont tutt cont
A sentì che ghe piaseu i mee rimin;
Pertant me cress la vœuja e l'ardiment,
Subet ch'el dis che l'ha piasè a sentimm
De tirà a man quej olter argoment,
E, se anch sti vers ghe incontren, come sp
Han de fornì a Soree tucc i miseri.

Si; paricc che patiss di œeu pajsan,
Patiran miuga tant per l'avvegni;
Ghe vanzarà quej vœulta on poo de gran
E saran scus ogni freguj d'ess li
Col sacch sott sella e col cappell in man
A cercà del fattor de trà de chi;
Saran scus de trovass al san Martin
Senza roba in granee de dà al molin.

Chì me figuri ch'el sur cont Ignazi
Nol savarà nanch lu coss'el se diga
A sentiss intonà sto bell prefazi;
Fors el dirà che l'è ona quej vessiga,
E se l'è inscì, no vuj savenn desgrazi;
L'era mej che sparmissev la fadiga
De mett giò vers per i dolor de coo,
Chè mi stoo pussee ben quant manch en

Nò, grazia al cièl, l'è minga de sto taj,
 ome tanci ghe n'è, che quand se tratta
 de liberà el sò prossem d'on travaj,
 omà a tragh on motiv dan in la matta,
 disend che lor no vœuren savè guaj:
 qu l'è pazient, moreover, e el s'adatta
 al scior, al sbris, a quell che butta butta,
 dove el pò juttà ona man, l'ajutta.

Gh'è quattr o cinqu. massee sbiocch de manera
 che stanten verament a fà i fatt scœu:
 l'è animò de comenzà la primavera
 che i poveritt han già fornii i fasœu,
 gh'han già vœuja la pànschia e la panéra;
 caregh de debet, caregh de fiœu,
 se san meneman pu dove voltass:
 toba, per brio! de fà piang i sass.

E pur gh'han anca lor l'istess terren
 che gh'ha quij olter che gh'han pan in sul sò:
 del fors che nol lavoren minga ben?
 che faghen l'asen? Ezzellenza, nò:
 la sova part la fan; quest el proven
 del comenzà ona vœulta a crompà on bò
 d'on mercant de Saronn: a revedes;
 chi ghe dà dent l'è condannaa in di spes.

Hin i mercant de bœu la soa ruina,
 chè sott al titol de dà via a cretta
 Quell rozz o quella bestia bovina,
 ghi fan pagà dò vœult pu de la metta,
 E cont ona malizia la pu fina.
 Che sia mai, sta razza marcadetta
 Semper a furia de trappolarij
 Gabben, se ghe dan sott, i reagiorij.

L'ha besogn, per esempi, el tal massee
 De mett, come se dis, quejcos in stalla;
 Ma trovandes a l'assa de danee,
 Nè savend in che termen prategalla,
 El va à Saronn, el ciappa on marossee;
 Ma, prima de parlagh, el le regalla,
 O pur el ghe promett de regalall,
 Con quest però ch'el jutta a sassinall.

Ghe sarav, el ghe dis, mai per fortuna
 On quej para de manz de comsedè?
 Sii vegnuu giust in d'on bon quart de luna,
 El ghe respond; gh'hoo de serviv de re:
 Se finadess gh'hii vuu la desfortuna,
 Sta vœulta ve pientee de cap e pè:
 Ghe n'hoo duu bej, ch'hin propi bon per vu;
 Se no fee ben con quist, no fee ben pu.

Bœu come quist en capita de rari:
 L'è a vedè mò se podaremm giustass,
 Perchè quell omm el stà on poo tropp sui ari;
 Ma mi procuraroo de trall abbass,
 Per favi dà a bon patt, e men deciari
 Che quell che nol farà per quij del Sass
 E per mè, nol le fa nanch se vegness
 On'oltra vœulta al mond sò pader stess.

Intant s'invien de Baldissar Morand
 Per fà che reussissa ben el contratt;
 Là se mangia, se bev, se spend, se spand,
 Là se voja in pocch temp pussee d'on piatt,
 E questa chi, generalment parland,
 L'è l'usanza che ten i Saronnatt;
 No poden fà nagott, che no ghe sia
 De god prima quejcos a l'ostaria.

Adree a quell massee che va a la busa,
 On olter ghe sen tacca de maross,
 E cont on quej pretest, ona quej scusa
 El jutta pœù anca lu a pippagh adoss.
 Alto, fiœuj, che i ha trovaa in la Gusa
 I danee de drovaj inscì a l'ingross;
 Paccee senza pagura, e che la vaga:
 El marter de Soree l'è quell che paga.

Van finalment per contrattà sti bestì
 Con pien la pell, cont on freguj de ragn;
 E mi gh'hoo compassion, perchè me vesti,
 Come dis el proverbi, di sò pagn:
 Andee, el mè galantomm, ma ve protesti
 Ch'avii de sospirà per paricc agn:
 Vegnarà el temp (inscl nol vegness nanch!),
 Che se adess gh'avii pocch, gh'hii d'avè manch.
 Chi è staa a l'inferna, sa che penna gh'è,
 E per quest parli con calor e zel:
 Hoo cromptaa an'ni, come el le vœür savè,
 Duu bæu che 'hin costaa trii sold al pel;
 Gh'hoo dovuu borlà sott perchè, perchè
 I agn hin andaa maa; ma, grazia al ciel,
 En sont sortii, chè sera in d'on inferna,
 Nè mai de lor cromptaroo bæu in eterna.

Guardee, resgiò (el comenza quell mercant),
 S'hii mai veduu dò macchen de sta sort,
 Capazz de tirà adree on carr trionfant,
 De tant ch'hin spiritos, de tant ch'hin fort:
 Costen on poo, l'è vera, ma intrattant
 Sii franch d'avegh duu bæu ch'hin mai pu mort:
 Gioven de cinqu in ses, on bell mantell,
 Ben gambaa, gross de coppa e dur de pell.

Hin, a di pocch, tucc duu trent'onz d'altezza;
 L'è bell tant el sinister comè el drizz;
 Tucc duu d'on pel, tucc duu d'ona grossezza,
 E sòtt al carr, domà a toccaj on sgrizz,
 Paren duu polledritt senza cavezza;
 Van, che i e porta el vent, come dò frizz. -
 Lavoren ben? - Catt! se lavoren ben!
 Principalment a dagh inanz del fen.

Hin pœù de bona bocca? - Malarbetta!
 Appenna se gh'è daa pienna la marna,
 Che in d'on moment gh'han lì la marna netta:
 E pœù no vedii ch' com' hin in carna?
 Sì, mangen ben; ma a dilla ciara e netta
 L'è che tutta la pissà la se guarna,
 Per fà che lappen su tucc i scaron
 De mes'ciagh dent insemma al beveron.

Insomma quist hin dò gran besti bonn,
 E per la sanitaà vi doo ai statutt
 (Però ai statutt, s'intendem, de Sàronn,
 Ch'el vœur pœù di ch'hin minga san del tutt).
 Intant me l'inlocchissen pu che ponn,
 De manera che quell el stà lì mutt;
 El gh'accorda tuttoss, e el cred el bacol
 Al venditor, come s'el fuss l'oracol.

E ben, sciur tal di tal, coss' hoo de dagh?
 Ma ch'el disa domà l'ultem ristrett,
 Chè vedaroo ancami se poss rivagh.
 O possè o nò, perchè el ghe dà l'aspett,
 O almauch el fing de dall, boeugna cordagh
 Quant mai el ne partend, e lassass mett
 Del boja, per spiegalla in pocch paroll,
 Come diresem nun, la corda al coll.

Se tira a man ona polizza, e se scriv
 Quell che comanda el solet marossee,
 On prezi che chi croma no pò viv.
 »Saronn, ses giugn: Al Sass che stà a Soree
 »Per duu manz de lavò, de mantell piv,
 »D' accord (le savarà poeu lu d' indree)
 »Che s' obbliga ch'è sott... Mettii el vost nomm...
 (De stà, fina ch' el scampa, pover omm.)

Se pò dà birbaria pu esecranda?
 Ch' abbia de stà el pajsan a discrezion
 D' on marossee birbott che, s' el comanda,
 El comanda a vantagg del sò patron!
 N' occorr ch' el sagher el ghe raccomanda
 De fa i coss a dover: l' è inscì mincion,
 Se l' è salariaa per sto motiv,
 A fa mal opra a chi ghe dà de viv!

Menej a cà che sii servii d' amis;
 Ma a cunt del debet, avvertiv che vuj
 On quej coss al present. - Scior (el ghe dis),
 Mi fina pastaa tutt el mes de luj
 No podi dagh nagott. - No gh' hii on bò gris? -
 Ghe l' hoo, ma vorev mò speccia on freguj
 A vendel, per vedè se podess mai
 Fà i mee coltur senza croma cavaj.

S' el vœur avè pazienza, gh' hoo ona vacca
 Che l' ha de fa el buscin sta settimana. -
 Gh' hii nient' olter? Me la cuntee fiacca:
 L' è assee per el maross e la dovana;
 Sti vost reson mi no i valuti on' acca. - (na... -
 Ch' el senta. - Hoogia sentii. - Gh' hoo on poo de la-
 Vuj propi quell bò gris. - L' ha ben premura!
 Ch' el tira inanz on poo: coss' hal pagura?

Ma la premura l'è che in quell moment
 El ghe le cerca vun de compagnà;
 E lu, per god anch sto segond client,
 Le vœur a tutt i cunt per bastrozzà:
 Insci l'otten el scrocch tutt el sò intent,
 Che l'è de fà guadagn de scià e de là:
 A vun no ghel valuta quell ch'el var;
 A l'olter ghe le fa pagà tropp car.

Passaa che sia quell bò sott ai sò man,
 Conferma hoo ditt, anca che la campagna
 La vaga maa, che no la faga gran,
 Lu nol ghe gionta on bor, anzi el guadagna;
 L'è cattiva domà per el pajsan:
 Quell l'è a cavall, e chi pò manch caragna:
 Poll pagà nò? Sal coss' el fa coluu?
 El ghe toèù i besti, e chi n'ha vuu, n'ha vuu.

Senm chì nun in manch de quella al gran tan-
 L'è passaa luj, e l'è fornii el respir: (demm;
 Andreja, Chirighett, come faremm?
 Adess l'è quand comenzen i sospir:
 Ghe vœur danee o roba, se ve premm
 De no vedè su l'uss consol e sbir,
 Bragolla, Corbattin, Felipp del Frecc;
 O metti li lampant, o vend el lecc.

S'ciavo, resgiò; e ben come va i manz?—
 Oh s'el savess! De quell che se cognoss,
 Credi che stantaran a tirà inanz:
 El drizz de temp in temp el pissa ross,
 E el va dojos sossenn d'on pe denanz,
 E (quell che me despias) el gh'ha la toss;
 E l'olter hoo pagura ch'el me mœura,
 Perchè el patiss de spess la sanguinceura.

Quist se demanden scus per no pagamm ;
 Ma avii bell pari a sbatt che l'è l'istess :
 Sii staa vu quell ch'è vegnuu là a cercamm,
 A scongiuramm de davi ; e mò adess,
 O perchè fors gh' avii nient de damm ,
 O perchè a mettì sœura ve rincress ,
 Dopo che v' hoo juttaa , che v' hoo servii ,
 In ricompensa armee de sti partii ?

Se mai pensassev de mandamm de balla ,
 Gh'è minga el lœugh ; e cont i vost pretest
 Ve soo di mi che stantarii a cuntalla :
 Vardee che no ve giusta per i fest,
 Con menav via tucc i bæu de stalla ;
 Basta che la me solta , che foo prest
 A trav in sanquintin : guardee el fatt vost :
 Vu fee di cunt in l'ari senza l'ost. —

Oh ! carò lu , che cunt vœurel che faga ?
 M'intendi de pagall ; faga de manch :
 Soo ben che villan cria , villan paga :
 L'è ch'hin paricc i mosch che me stà al fianch ;
 E per reparaj tucc , bæugna che daga
 On slass a quij pocch grann , e no soo nanch
 Come faroo quand vegnarà el fattor ,
 A vora ch' hoo daa pass ai creditor.

Gh'è l'esattor , gh'è el calzolar , gh'è el Mella,
 Gh'è el Villabianca anch lu , gh'è el Saronin,
 Vanza el maguan mezz scud d' ona padella ,
 Gh'è on poo de debet vecc cont el Mastrin,
 E gh'è el Vital , quell de la Pertusella ,
 Gh'è el Claved , gh'è el Cadenna , gh'è el Pedrin,
 Gh'è quell che m'ha daa l'œuli , e gh'è in sostanza
 Ona gran troppa de personn che vanza.

E se no basta quest, me par d'intend
 Ch'el vocubbia tutt el ficc el nost patron;
 Anzi se dis d'intorna ch'el partend
 Ja roba ch'el n'ha daa de sovvenzion;
 Ma tant e tant m'ingegnaroo de vend
 l'prima ch'el stee de ferr vegna al monton:
 Succeda pur quell mai che sa succed;
 Me premm de pagall lu ch'el m'ha vuu fed.

Anca che cala el ficc, pocch me n'importa;
 Miracol no poss fann; questa ch'è bona!
 L'è giust che paga chi m'ha faa la scorta;
 E se l'hoo faa speccia, ch'el me perdona.
 Senza ch'el vegna pu dent de sta porta,
 Sabet che ven saront là mi in persona. —
 Guardee cossa disii... — Scior, ghe prometti. —
 Benissem donch, sabet che ven v'aspetti.

El pover omm per liberass del cruzi
 Coss'hal de fà? raccomandass ai grann:
 L'ha de prontà per sabet i pescuzi;
 El vend forment e segher e basgiann.
 Ecco dove fornissen tucc i struzi,
 Tucc i fadigh, tucc i sudor d'on ann;
 Mitaa d'ona raccolta d'on'annada
 Le porta via vun in d'ona sciampada.

In ultem, a fà el cunt, cossa ghe resta?
 Resta tant manch de ficc per el sur cont;
 E poeù l'è staa la prina o la tempesta,
 L'è staa la troppa nev ch'è vegnuu al mont;
 L'è staa quella reson, l'è stada questa;
 L'è staa ch'han minga vuu i somenz in pront
 De somenà a sò temp; l'è staa el gran succ...
 L'è staa che i Saronnatt cojonen tucc,

Patissen lor, patiss vosta zellenza,
 Ma lor pussee de lu d'on gran bell tocch;
 Chè no ghe vanza nanca la somenza
 De la sova raccolta, ch'è tant pocch;
 Sicchè de quest ne ven in conseguenza
 Che saran semper sbris, semper pitocch,
 Besognos de soccors e de ristor,
 Anca che i camp ghe fassen i spigh d'or.

Han pari a dagh de s'cenna e romp i brasc
 A rebatton de sô fina ch' hin stuff;
 Han pari a sterni brugh, paga e melgasc
 Per mott insemma di bonn mott de ruff;
 Han pari a toèu su in straa stronz e bovasc;
 Chè on poo de pan ben vescionent e muff
 Han de stantà a mangiall, via d'andà attorna
 Cercand de chî e de li de sterni el forna.

Han pari i donn a cascia via el fresch
 Prima de l'aurora con la zappa,
 Lavorand in di camp pesg che fantesch,
 Che mi no soo per quant no la ghe scappa
 La gran pazienza de strappà el nevesch,
 Là tutt el santo di a brusass la crappa,
 A fass rostì del cold i scinivej,
 A vegni tenc, a vegni brutt, s' hin bej.

Sabet el va a Saronn, segond l'ha ditt,
 Mortificaa, stremii con ses pollaster,
 Per no vegh a la man tucc i quattritt:
 Se derva e se mett lì quell liber master,
 Dove se ved de fœuja in fœuja scritt
 I tanc mincionarij, i tanc impiaster
 Ch'han faa sta gent, che fan, e che faran,
 Se de chî inanz no ghe provvedaran.

Quest (el ghe dis) l'è el cunt. Lu el so spave
 A sentì che la somma l'è inscì tanta :
 Dove el se cred d'ess debitor de trenta,
 El ved che l'ha de dà pu de quaranta ;
 Ma per no taccà lit, el se contenta
 De pagà, se fudessen anch settanta :
 El sa che s'el parlass pover mai lu !
 Hin bon, se sorta ven, de stroggià su.

Con dagh cent lira in sblozzar el le pr
 De tirà inanz on poo, chè intantafina
 Madura el mej ; ma nò, con pu el le fr
 Con pu el va cont i bonn, pussee el cost
 Ch'el vœur in sul moment la somma intr
 Chì, via de trà fœura la marsina,
 La gippa, la camisa, e andà a cà biott,
 Coss'hal de dagh de pu, ch'el gh'ha nag

Adess le pera, adess el se pentiss
 De la mincionaria che l'ha faa :
 Per duu strascion de bœu, de quij remis
 Cont on poo de panell e on poo de saa
 L'è redutt a sto stat, ch'el maladiss
 El dì, l'ora e el moment che i ha cromp
 N'occorr ch'el piangia adess, n'occorr ch'el stri
 Ghe vœur olter che lacrem, ghe vœur p

E quell aspett ch'el gh'eva faa sperà
 Prima de fà el contratt, l'è andaa in nie
 Sul vòlt, per imbonì, fan on parlà,
 Ma la polizza dis diversament ;
 El pensa el debitor de tirall là,
 E differì quej agn el pagament ;
 E pesù el se ved in manch de quella ad
 On creditor potent che vœur tuttcost.

Coss'el fa lu? Vedendes ch'el sta dur,
 E ch'el vœur falla propi de tiran,
 El vend, tant per no fà di trist figur,
 La robà in erba a ou quej mercant de gran,
 Su la speranza del raccolt futur
 Ai prezi statutari de Milan,
 Per tœussel finalment fœura di œucc:

Dagn sora dagn, e in fin piœucc sora piœucc.

Basta, intrattant l'è liber del supplizi;
 Nol gh'ha pu el manigold ch'el le strangora:
 L'ha vist e l'ha provaa el gran pregiudizi,
 E mò el le sent pussee chè l'è in malora.
 Almanch per l'avvegnl l'avess giudizi

De no lassass mai pu tirà la gora
 De fà simel contratt: ma con tant prœuv
 El torna a impiss de debet de bell nœuv.

Senza cervell, malconsejaa resgiò!
 Fors per timor de no andà in tocch affacc,
 Impazient de fà ricch i bastrozzò,
 Appenna han pagaa i boeu, ch'hin subet sacc
 De tegnij, e cercanden de miò,
 Quij gh'i dan per on oss: doppi vantagg
 Per color de Saronn; sicchè contratten,
 Bastrozzen, venden, crompen e baratten.

Se gh'han pœù on quej cavall bolz o mezz matt,
 De quij de dà a Ciocchin, de quij carogn
 Che tœujen dent per gionta in di contratt,
 Che n'hin bon de drovà, nanch per insogn,
 Pien de guarisch, de piagh, e pien de natt,
 I gonzi de Soree che n'han besogn,
 Con dagh o tant forment o tanta segher
 Ghel paghen come el fuss on bell polnegher.

Siel come se sia, pur ch' el tira,
 S'el fuss anch pesg, no ghe n'importa on figh:
 Hin bon de spend duscet o tresent lira
 Per on rozzett che corr comè i formigh;
 In fin pœù ghe succed che ona quej sira,
 O ona mattina, inabel ai fadigh,
 Quell che tirava tant, el tira i stringh,
 Lassand indree al pajsan la pell e i gringh.

Insomma hoo pari a scriv, hoo pari a dinn,
 Che, se me dass d'intend de di tuttoss,
 Cont i mee vers mai pu poss reussinn,
 E voo a pericol de famm romp i oss:
 De la rest el vorav inscì sentina,
 Se podess verament vojà el mè goss:
 Quell ch' hoo ditt el sarav domà l'esordi:
 Ghen cunti on'oltra intant che me regordi.

Perchè no paghen in l'istess prozint
 Che crompen, sicchè quell per el retard,
 S'el ciappa roba a cunt che vara vint,
 Ghe le mett dodes, a cascìa gajard;
 E mi, vedend sti usur, me senti spint
 (Magara no avess nanch specciaa inscì tard
 A supplicà umilment vosta zellenza
 Che a sti sconzert el metta provvidenza.

Quanti ringraziament el gh'avarav,
 Se con dò mila lira, a di sossenn,
 El voress liberà sti pover s'ciav,
 E tœuj fœura ona vœulta de quij penn!
 Che caritaa fiorida la sarav!
 E color che ghe sciscia el sangu di venn,
 Guardà coss' han avuu, coss' eel che vanzen
 Pagaj, e mandaj, tucc al sò dianzen.

E ch'el me disa on turch, se nol ghe trœuva
 In quij sò cunt on mondo d'imbrojer
 In dann di soeu pajsan. Sur cont, ch'el proœuva,
 Ch'el vedarà se no ghe cunti el ver.

La cà Settala, i Zittadin de Nœuva,
 El Papis hin vegnuu del mè parer;
 E cònt el temp han de fà istess paricc,
 S'han de juttà i sò gent e scœud i ficc.

Questa, a pensalla, l'è la pu speditta;
 E poèù ghe vœur on orden general,
 Minacciand, stoo per dî; penna la vitta
 Al prim che crompa besti de sti tal:
 Nè lor se fidaraven per la squitta
 D'incorr la soa desgrazia e el criminal;
 Minciòni minga; al prim che ghe dà dent,
 La denonzia del læugh in sul moment.

Allora el vedarav i soeu massee,
 Che adess deslenguen come al sò la nev,
 A vanzà ou poo de roba in sul soree;
 Tegnaran i buscitt de fà di allev,
 Per avè in stalla senza spend danee
 I sò bonn besti, chè l'è on gran sollev;
 E in quatter o cinqu agn, se la capitta,
 Se reffen se pò dî de mort a vitta.

Mi verament, riguard al morèt sò,
 No dovarev parlann nè in ben nè in maa,
 Pershè hin canaja che i compagu gh'hin nò,
 E quest ghel disi perchè i hoo provaa.
 Ma hoo mò de lassà stà, dove se pò,
 Domà per quest de fà ona caritaa?
 Vuj faghela, sebben dis quejghedun
 Che chi fa ben a villan, fa ben a nissun.

Ezzellentissem scior , sur cont Caimm ,
 Giacchè per soa grazia el se compias
 De sentì on goff , ch'el faga che i mee rimm
 Possen giovà a sta gent , segond el cas ;
 E in l'istess temp el preghi a compatimm ,
 Se coi mee lapp gh' hoo disturbaa la pas.
 E chì fornissi con cercagh l' onor
 D' ess in del numer di soeu servitor.

Memorial al sur cont Ignazi Caimm.

L'abbaa Peliscion

*Per Giovann Camp del Corbattin de Soree ,
 testó e pajsan a posta de soa zellenza ,
 ch' el domanda on assegn de caritaa
 per i reson che chì denter l'ha espost.*

Ezzellentissem scior , sont chì ancamò
 Cont i mee solet vers a fa el cercott ,
 Per vedè de juttà , dove se pò ,
 On avanz de sepolcher , on carr rott ;
 E quest l'è on olter pisonant di sò ,
 Che per miseria nol le ced nagott
 A quell de quattr agn fa , se l'ha memoria ,
 Quell Carl' Isepp , che Dio l'abbia in gloria.

Quest l'è on tal Giovann Camp, on mè vesin,
 Che per desgrazia gh'è toccaa de nass.
 In la famosa cà del Corbattin,
 On galantomm però de prima class;
 L'è vun ch'el fa el testò de stoppa e lin,
 E l'è fors l'unegh de podè fidass;
 Chè di testò se sa che la pu part
 Hin compagn di mornee, compagn di sart.

Hin sedes agn e pu che l'ha miee,
 E in sedes agn l'ha vuu già duu ficœu
 Ch'hin el retratt fettiv de lu e de lee,
 E basta remiraj per di ch'hin scœu;
 Brutt finamai, malsan, mezz mort in pee,
 Comè quij piant ch'ha denter el cajœu:
 Per i fattezz hin simel a la mader,
 E per la sanitaa compagn del pader.

Sto pover omm l'ha vuu semper la mira
 De juttà i scœu, fina che l'è staa san,
 Sudand de la mattina fina a sira
 Per ingegnass de guadagnagh el pan;
 Ma tra el sgobbà di e nocc a fà la tira,
 Tra i strapazz che ghe vœur a fà el pajsan,
 L'ha perduu la salut, e l'è in d'on stat
 De fà cantà el *suscipiat* al curat.

Quest l'è on asmategh ch'el stà fors pu maa,
 E senza el fors, el stà pu maa de vera
 De quell tal Carl' Isepp ch'hoo nominaa,
 Con tutt ch'el sia defferent de cera;
 Perchè quell ghe l'aveva d'ospedaa,
 E quest l'è grass in vòlt d'ona manera
 Che nol par uanch de complexion malsanna;
 Ma già l'esterna paricc vœult l'inganna.

È per el pu l'è d'on color tant viv,
 Ch'el tradiss tutt on bott chi nol cognoss;
 Ma vun che sappia cossa l'è el motiv
 De quell color mes'ciaa d'endegh e ross,
 El capiss subet che l'è on segn cattiv:
 L'è el sangu che ghe trascorr per la gran toss,
 Ch'el le streng e el le strozza; e l'è per quell
 Che di vœult el par ross, di vœult morell.

Lu nol gh'ha mai ona giornada bona
 Che nol sia assalii d'ona toss cagna,
 Ona toss, ghe soo di, talment barona,
 Che mi n'hoo sentii minga la compagna;
 E questa no gh'è cas ch'el le bandona,
 Tant ch'el se trœuva in cà, comè in campagna;
 Lee el le catta vestii, el le catta in lecc,
 Le catta quand fa cold e quand fa frecc.

Ghe doo mi, per vedè de sollevall,
 Del sugh de regolizia, quand ghe l'hoo,
 O quej mezza parpœura de cromptall,
 Sperand ch'el possa quietass on poo;
 Ma l'è tuttuna; e via de refall,
 Nol se jutta mai pu; l'è tropp in coo;
 E quand on maa el cammina a perzipizi,
 Ghe vœur olter che sugh de regolizi.

E tanto pu in sta sort de malattij,
 Che nanch i mej dottor, per quell che vedi,
 Gh'han minga la manera de guarij
 Con tutt i sò rizzett e i sœu remedi;
 Ponn ben trovagh la strada de spedij.
 On cinqu o ses agn prima (quest el credi);
 Ma de conossi e savè andà al ripar,
 Quist hin miracol che se ved de rar.

Sicchè donch, tra ch'el stanta a respirà,
 Tra ch'el bolziss on dusement voeult al di,
 Ch'el considera mò come el pò stà
 Con tant maa che ghe tocca de soffrì;
 E pur in mezz a quest el tira là,
 Che no soo com'el faga a no morì:
 L'è propi vera quella gran resen,
 Che dura pu on carr rott che nè vun bon.

E sora el tutt, el pu che me sorprend,
 L'è quell vedè che in mezz a tanti acciacch
 Quand ven la furugada di faccend,
 Per quant el sia mal in gamba e fiacch,
 Nol se perd in la polver, e el ghe tend
 Anca cont el pericol de restagh,
 A confusion de tanc poltron robust,
 Che come ponn stà in ozi, l'è el sò gust.

Si, ghe n'è de costor, che l'è peccaa
 A no ciappà ona stanga e fagh i freggh;
 Hin lì che mœuren in la povertaa,
 E no s'ingegnen de cattà on impiègh;
 Lavorèn per desgrazia on poo a l'estaa,
 E poeu stan lì tutt on invertegh.
 A guardà in su, specciand de mett in bocca
 Quell pocch che i donn guadagnèn con la rocca.

Content, anch ch'abbien fam, de stà a la grella,
 E soffrì, se l'occorr, quell che se sia,
 Pur che possen stà lì coi man sott sella
 A vegnì vecc in la poltronaria,
 Che senza dubbi in sto paes l'è quella
 Che porta a tanci asnon la calastia:
 Quest mò no l'è de mettes in sta raja,
 Chè l'è tutt el rovers de la medaja.

E nonostante el maa ch' el le strangora
 Ch' el dovarav stà semper in reposs,
 L'è rar ch' el staga fermo ona quej ora
 A quietà el sò corp languid e floss:
 Lu el lavora in campagna, e pœù el lav
 Anca al tiree per guadagnass quejcoss
 De juttà, com' hoo ditt, i sœu ch' hin po'
 E sora el tutt per no senti rimprover.

Perchè i sagher hin senza compassion,
 E finatant che on pover omm l'è in cas
 De resist ai fadigh, de fà el struson,
 Allora tant a quij de cà el ghe pias;
 Allora i coss van ben, gh'è l'union,
 L'armonia tra de lor, e gh'è la pas;
 Ma s'el s'inferma, e che nol sia pu in le
 De drovà i brasc, subet se muda scenna.

Subet che nol pò tend al lavoreri,
 Allora o che besogna ch' el sopporta
 On mondo de strapazz e d'improperi,
 Perchè in color la caritaa l'è morta,
 O verament, per soffrì manch miseri,
 Mi ghe direv ch' el se cattass la porta,
 E ghe sicuri con sto mè consej
 Ch' el trovarà in di strani de stà mej.

No diroo minga che faran l'istess
 Con sto tal che gh'ha l'asma i sœu par
 Via de quej paroll che possen ess
 On poo piccant, del rest hin bona gent
 Ma ghe n'è tanti (insci no ghen fudess)
 Che gh'han on cœur de tigher verament
 On cœur crudel a on segn, che ghe pro
 Che fan manch cunt di omen che di be

Se malarà, per mœud de di, ona vacca,
 On manzett, on vedell, ona buscina;
 Se corr in pressa a toèu de la triacca,
 Se va a Saronn a toèugh la medesina:
 E se l'è on omm, no ghe n'importa on'acca,
 Anca ch'el vaga in ultema ruina:
 Costen sossenn i besti (disen lor),
 E i omen nassen senza spend on bor.

S'hin poèu donn che se mala, pover donn!
 La pu part hin tratta a pesg che nè i cagn;
 Gh'hin contra tucc, no ghen fan mai de bonn,
 E se patissen, l'è domà sò dagn;
 Nè el speziee, nè el medegh de Saronn
 Ghe trœuven mai pu el cunt de fà guadagn;
 Nissun ghè va a trovaj, nissun s'insogna
 De fagh la servitù che ghe besogna.

E zert resgiò (canaja marcadetta!)
 Se no basta d'avegh minga de cura
 E de no fa quij coss che ghe s'aspetta
 Per obblegh de giustizia e de natura,
 I tegnen lì talment a la dietta,
 Che quejghedunn van in la sepoltura.
 Fors pussee per la fam, de quell che sia
 Per effett de tutt'oltra malattia.

Tutta la sova cura la consist
 In dagh quej gott de brœud amalastant
 Quand veden che no poden pu resist,
 E che ghe manca el faa de tant in tant,
 Quand el curat el ghe consegna el Crist,
 E ch'el ghe dà el bondì con l'oli sant,
 Quand in sostanza per spiegamm pu prest,
 Hin pu de l'olter mond che nè de quest.

Pover donn desgraziaa! Cossa gh'è vars
 El sò drovà la zappa, el sò struziass,
 Se per la paga di sudor ch'han spars,
 In ultem se redusen a sti pass,
 Ch'el mangià che ghe dan l'è talment scar
 Che no ghe n'han assee de sostentass,
 E no gh'han nanca on di, prima che moeuren
 De podè sagollass fina che voeuren!

E sti resgiò canaja, com'hoo ditt,
 Se quejghedun ghe parla intorno a quest
 A favor de quij pover derelitt,
 Gh'han subet milla scus, milla pretest;
 Ghe comenzen a dì ch'hin poveritt,
 E che a stragià la roba se fa prest;
 Ch'hin paricc a mangià; che n'han faa pocc
 Perchè la venden de ciappà la ciocca.

Sii poveritt domà per dà sollev
 A chi ha rancaa tutt l'ann cont i soeu bras
 (A sti balander ghe respondarev);
 Ma minga pover per empì el bottasc
 A cà de l'ost, dove se mangia e bev
 Tutt el sudor e el sangu di pover strasc
 Ch'han fadigaa, senza cavann oltr util,
 Che quell d'impì la panscia a tanc desutel.

Hoo faa sta digression, sur cont Caimm,
 Minga per mormorà nè per fà tort
 Ai mee compatriott, ma per esprimm
 Ch'hin i villan de la cattiva sort,
 E in l'istess temp per fà che sti mee rimm
 Sien avvaloraa d'on motiv fort,
 Come l'è quest, per ess pussee sicur
 D'avell condiscendent ai mee premur.

Chì l'è superfol che seguitta inanz
 A di piagh sora piagh, a cuntà su
 Tucc quant mai bin del fatt i circostanz;
 Chè senza dubbi i e capiss anch lu;
 E de miseri ghe n' hoo ditt d'avanz,
 Senza che cerca de seccall de pu;
 Pertant adess me taccaroo al mazziss:
 Vedi ch' el rid; l'è segn ch' el me capiss.

Ezzellenza, già el sa che i mee descors,
 Generalment parland, fornissen tucc
 A dà stoccad, e domandà soccors
 Per quij che no ghe n'ha per el gran succ,
 E che per quell me tacchi a di bonn bors,
 M'intendi a quij che gh'ha la pillà a mucc,
 Ma che insemma a la pillà gh'han però
 On cœur tender e dolz come l'è el sò.

L'è mò giust quell che cerchi, car sur cont,
 L'è mò giust quell che cerchi, e ch'el me scusa
 Se per incomodall sont semper pront,
 Quand la capitta, a mett in ball la Musa:
 Ma ch'el retegna poèu che su sto pont
 Quell de nun duu ch'è pussee degn d'accusa
 Sont minga mi; l'è lu, sur cont Ignazi,
 Per ess tropp facil a conced i grazi.

Ghe cerchi donch, già che l'è tant cortes,
 Quejcosc anch per sto pover ammalaa,
 Ona quej bagattella in fin del mes,
 Com'el fa con tanci olter de Turaa,
 Com'el fa con paricc de sto paes
 Ch'el ghe fa dà ogni mes la caritaa
 A tanci inabel che no gh'han risorsa
 Se no ghen catten de la sova borsa.

Senza mett quell ch' el darà via appòs,
 Che l' è trà i caritaa la pu florida,
 Senza i dott ch' el despensa a tucc i spo
 Idest a quij tosann che se marida;
 Che se nol fudess lu el papà pietos,
 Per i pu pover la sarav fenida,
 Chè no se podaraven scoeud la bramma
 Ch' han tucc i femmen de diventà mamm

Quist hin esempi che me fa coragg;
 E pertant soo cossa me poss promett
 De la bontaa d' on simel personagg
 Che fa limosen pubblègh e secrett:
 Poss sperà donca che l' istess vantagg
 L' abbia de god anca sto poverett,
 E ch' el ghe farà dà del sur Scioeu
 Ogni tant anca a lu el sò palpirœn.

Che bell sollev per st' omm a podè scœ
 Domà on quejcoss! Ghe parirav d' ess ricœ
 El podarav tanc vœult mangià a sò moœ
 Senza che i scœ podessen inebigh;
 El gh'avarav de fass on poo de brœud
 De tant in tant e mojà dent quej micch;
 Chè l'ha propi besogn de mudà past
 Per el sò stomegh che l' è già mezz guast.

Diversament besogna che tutt l' ann
 El se sforza a mangià quell che ven ven
 Come sarav fasœu, scisger, basgiann,
 Che, per lu tant, hin tosegh e velen;
 Tucc coss che juttan a fagh cress l' affan
 Olter che pocch, in scambi de fagh ben
 E de maross condii cœu l' œuli ranc
 Per fornà de trà a terra on corp mastran

Siochè donca (già el sent) el cas l'è brutt,
 per quell m'è duvis d'avè reson,
 domandi pietaa, soccors, ajutt
 e lu, zellenza, che l'è el sò patron,
 e lu che l'è despost a fà de tutt
 anz che lassà on omm in abandon:

tratta de soccorr on pover rozz
 he tant e tant l'ha de fà pocch veggiozz.

E gh'è pœù quest de bon ch'el jutta vun
 he per i sœu deport el le meritta;
 n omm che mej de quest no gh'è nissun
 er i costumm, per la bontaa de vitta,
 n omm che l'è l'esempi del comun,
 ogn d'ess ciamaa quell ver Israelitta
quo dolus non est: sottman, doppiezz
 in coss che domà el nom ghe fa ribrezz.

E per cognoss se l'è dabbe' assossenn,
 asta vedè che mai el se impazienta,
 nch ch'el se trœuva in mezz a on mar de penn
 er la miseria e el maa ch'el le tormenta:
 u el gh'ha scars i disnà, pu scars i scenn,
 pur la sova bocca l'è contenta;
 ffann, disprezz, miseri, tucc sti robb
 u i e sopporta come on olter Jobb.

Lu fà dagn in campagna, robà legn,
 obà frutt, fà despresi, guarda el ciel!
 he se pò dà magari anca in consegna
 tell che se sia, che nol tocca on pel:
 no l'è minga pocch trovà on'insegna
 e villan galantomen e fedel;
 seghe n'è, hin mosch bianch, che, s'hoo de dilla,
 e stanta a trovann vuna in tresent milla.

E quest appont l'è quella mosca bianca
 Che me trà locch, perchè cognossi a fond
 De che taj l'è el villan, che no ghe man
 El minem vizi che se trocua al mond;
 E quest ghel disi mi per cossa franca,
 E no gh'è de rebatt nè de respond
 A vun che sappia cossa gh'è de nœuv
 E che a on besogn kè pront a dann i prœt
 Quest l'è on omm del Signor, quiett, devo
 Che tend a senti mess e a dî rosari;
 L'è vun che no s'intriga de nagott,
 Se trassen anch Sorée coi pitt a l'ari;
 Lu el rispetta assossenn i sacerdot,
 Minga comè cert birbi temerari
 Che, inscambi d'ubbedij e d'onoraj,
 Tenten la strada de podè coppaj.

Ah! sì; bisogna che ghe cunta anch quei
 Già che sont a lavò, come dis quell:
 Vun de sti dî voreven famm la festa,
 Idest voreven famm giontà la pell,
 E l'è cossa tant ciara e manifesta
 Che s'è veduu de tanci el trabucchell;
 E se nol tiren via pesg che in pressa
 Forniva de componn e de dî messa.

Chè quand ghe pensi, perdarev la scri
 Contra sta razza indegna de villan,
 E se no fussen sott a cà Caima,
 Vorev propi faj corr a Marian,
 Per insegnagh se quella l'è la stima
 Che professen ai pret sò cappellan,
 E s'han de fà costor sta sort de sfris
 A vun che semper i ha tratta d'amis.

Basta, già me reservi a temp e lœugh
 A spiegagh mej quell che m'è succeduu:
 Adess no metti tanta carna a fœugh,
 Per no fà ciaccer de seccass tucc duu;
 Ma el sentirà, sì, el sentirà on bell giœugh
 Che m'ha faa sti villan becchifojuu;
 Adess gh'è quell del rantegh che me premm,
 E pœù riguard a quest descorraremm.

Tornand a nun, se fussen minga assee
 I bonn informazion de Meneghin,
 Ch'el domanda pur cunt di sœu massee
 Cossa l'è sto Giovann del Corbattin;
 Che tucc del prim a l'ultem de Soree
 Ghen faran panegiregh senza fin;
 Con patt però che nol domanda a l'ost,
 Perchè quell el dirà tutt a l'oppost.

Che s'el fudess ona balandra, on scrocch,
 O verament on quej ostariatt
 (Che tra i villan sen trœuva minga pocch),
 Per brio! no sarey minga inscì matt
 A lambiccamm la crappa e fà el pitocch
 Per fomentagh i vizi: quest l'è on fatt
 Chè no m'è mai piasuu cont i mee vers
 A fà el parcurador di caus pers.

Va ben tuttoss (el me responderà),
 Ma el Pelisicion l'è on poo d'ona seccada,
 Masseem che on olter de l'istessa cà
 El god anch lu el vantagg de la mesada,
 E che per consequenza el pò fallà
 A dispensà a Soree tutta l'entrada,
 Vojà i granee per lor, vojà i saccocc,
 E vend anca i cayaj cont i carrocc.

Verament ; s' hoo de dilla tal e qual,
 Volzava minga a mettem in sto impegn,
 Nè a presentagh sto mè memorial,
 Per no parì importun fœura de segn ;
 Ma riflettend che l'è inscì liberal,
 E che l'è daa del ciel per el sostegn
 Di pover gent, hoo ditt tra de mi stess:
 Andemm pur là ancamò ; cossa pò vess ?

E tutt pien de coragg in st' occorrenza
 A sto memorial, va pur, gh' hoo ditt,
 Sì, va liberament de st' ezzellenza,
 Chè no te gh' andaree senza profit:
 Te mandi d' on gran scior pien de clemenza
 Te mandi del papà di poveritt ;
 Basta cercà, s' otten quell che se voeur ;
 L'è grand d' entrada e pussee grand de cœur
 De sti mee supplegh ghe n' hoo già daa tre
 E de sti tre no ghe n' è staa nanch vuna
 (Per soa bontaa, minga per mè savè)
 Che possa dì d' ess torna indree digiuna ;
 E con pussee reson sperì d' avè
 In d' on cas de sta sort egual fortuna ;
 Sperì on decrett propizi che me diga
 Che l' ha fruttàa quejoss sta mia fadiga.

Oltra che ghe prometti d' omm d' onor
 Che l' avarà quatter personn de pu
 Che se regordaran de tucc i or
 De fà bonn' opra appress a quell là su ;
 E de quest garantissi mi per lor,
 Che tucc i sò premur saran per lu,
 Per ottegnigh de quell ch' el ghe dispensa
 Duplicada cent voùlt la recompensa.

E se el Signor el ne proponn de cred
 Tant in la nœuva legg quant in la veggia,
 Ch' el darà del sicur la soa merzed
 Anca a chi dà domà on poo d'acqua freggia
 Ai pover sitibond (e l'è de fed),
 Chi podarà comprend coss' el pareggia
 A chi ha come lu la bella usanza
 De dà ai pover tutt quell che soravanza?

Defatt se sperì anmì, come sensal,
 Olter ch' el sold per lira in pagament
 De sti mee pocch ottav, cossa saral
 El premi ch' el darà infallibilment
 A vun che metta fœura el capital
 Per dà ai sœu pover el sostentament?
 Ah! che quest l'è on impiegh faa su d'on banch
 Che nol falliss mai pu, nol ven pu al manch.

Al sur cont Ignazi Cairm.

*Scusa per no podè fà cert vers
 comandaa de lu.*

El vœur mettem, zellenza, in d'on impegn
 Che, per mi tant, adess l'è on poo tropp gross;
 No poss che ringraziàll, perchè l'è segn
 Ch' el me stima per vun bon de quejcoss,

No poss che ringraziàll e nient de pu:
 Me rincress tant de no possè ubbedill:
 Già el sà el sur cont cossa farev per lu,
 Se fuss in positura de servill,

Foo minga adess per rinfacciagh, ma qu-
 L'è staa che l'ha vun geni d'on sonett,
 Senza ch'el se spiegass con di comand,
 O ben o maa, l'hoo mai lassaa imperf-.

L'istess farev anmò, chè l'intenzion
 E el cœur ghe l'hoo de fa sto pocch iasè
 A chi professi on carr d'obligazion;
 Ma no poss minga, e ghe diroo el p- chè.

L'è pu d'ott ann e mezz che hoo pers la prima,
 E no trœuvi pu el cunt de mett giò i vers;
 Ghe metti on'ora inanz trovà oua i vers;
 E poeu hin rimm che no gh'ha nè indrizz i vers.

Quand me regordi che per el p- a
 Tutt quell che me metteva in coo i vers; fa,
 Ghen reussiva e con facilitaa,
 Senza masnà el cervell col tropp i vers!

L'è vera ch'eren vers come se i vers,
 Ma con tutt quest piaseven a la i vers
 Ch'aveven gust d'avemm in compagnia
 Per famm di su on quej mè com i vers.

Vuj mett che fors ghen sarà st i vers de quij
 Che già m'avaràn faa l'adulator,
 Mostrand sul vòlt d'avè piasè a i vers
 E pos ai spall me l'avaràn daa i vers.

Ma mi, che fassen, che disessen pur
 Sta razza traditora de personn,
 Anch che capiss quej vœulta i sò i vers,
 No lassava per quest, nè, de com i vers.

Foo cunt che per cusì la bocca i vers tucc
 On poo difficultosa l'è l'impresa:
 Ghe vœur del reff sossenn e sossenn i vers gucc,
 Sicchè, diremm, no porta nanch la spesa.

Per el restant el manch che me dà peuna
 Hin sti mincionarij: el me rincress,
 Come gh' hoo ditt, domà che quella venna,
 Ch'eva ona vœulta, ghe l' hoo minga adess.

Chi non usa, desusa; l'è pur vera:
 Hoo comenzaa a fà l' asen; quest l'è assee
 De fà che per on pezz nissun ghe spera
 Nanch on para de vers di fatti mee.

Tanto pu adess ch'el m'ha cattaa in d'on' ora
 Che, a digh la veritaa, no sont pu mi:
 Sont rabbiaa, sont stremii, sont sott e sora
 Per el sessantacœuv ch' ha de vegni.

Se l'è vera che i desma han d' andà a spass,
 S'ciavo sur vers, s'ciavo sur Meneghin:
 Ghe vœur olter che Mus e che Parnass
 A vun che sia ridott in sanquintin.

Calava giust sta poca per reciocch
 D' on numer senza numer de travaj;
 E travaj, ghe soo di, minga de pocch,
 Che metten s'cess domà a senti a cuntaj.

Per dincio bacch! se me succed auch quest,
 Lassand de part i burla, sont in strada;
 Sont giustaa, come disen, per i fest,
 Perché consist là tutta la mia entrada.

Oh! (diran mò) te gh' ee on massee a Scesaa
 Ch' el paga vintiquatter mœusg de gran:
 Son negozi! l'è quell che m'ha strappaa
 Domà in cinqu agn che l'ha mangiaa el mè pan.

Hin d' ona certa stampa de ficciavol
 Che quand capiten sott a vun tropp bon,
 Che no je manda subet al diavol,
 Se strappen lor, e strappen el patron.

Ch' el giudica mò lu, sur cont Ignazi,
 Se poss servill per quell ch'el m' ha faa scriv,
 Cont avegh imminent sti pocch desgrazi,
 Che asquas asquas son pussee mort che viv

E pœù, se mi accettass tal incombenza,
 Vorev fà la figura del Calotta;
 E in fin se pentirav vostra zellenza
 D' avèlla dada a vun bon de nagotta.

Lu sì che senza scriv in milanés
 El pò respondègh con di vers latin,
 O verament in meneghin franzes,
 E fass pu onor che on noster meneghin.

El podarav respondègh in todesch;
 Ma me figuri ch'el sarà on languacc
 Che corrott l'avarà de l'arabesch,
 E nol s'intendarà nient affacc.

Basta ch' el me perdona; ma per mè
 De sto boccon d' impegn vuj stammen soeur
 Vuj minga che la gent abbien de di
 Che on asen el vœur fà el cavall de scoeur

Che mi, com' hoo de dilla ciara e nett
 Anch che fuss come prima in esercizi,
 Nanmò vorev ris'ciamm scriv a on poetta,
 Chè el parirav ch' avess perduu el giudizi.

A mè me rincess manch che su la facc
 Me daghen el mè titol d' ignorant,
 De quell che me riucessa incorr la taccia
 D' on supponent o pur d' on petulant.

De fatt che presonion sarav la mia,
 Se voress coi mee vers damm a d' intend
 De respond a on omon che in poesia,
 De quell che senti e vedi, l'è stupend?

Quand hoo capii con chi eva de compett
 Hoo ditt subet tra mi: no voo pu inanz;
 Per stà a coppella con de sti soggett
 Ghe vœur di Magg, di Balestree, di Tanz.

Hoo leggiuu con gran gust quij sò quartinn,
 E segond el mè pocch intendiment
 Hin tant bej che no poss feni de dinn:
 Capissi che l'è on omm de gran talent.

E soo de pu che in milanes l'ha scritt
 Assee de fa stampà di volumm gross:
 E pœù già, coss'occorr? Come s'è ditt
 Don Gerolem Biragh, s'è ditt tuttoss.

Mi nol cognossi minga, idest de vista,
 Ma el cognossi de fama tant che basta;
 Se no m'inganni, l'ha de vess leggista,
 E on bon cavalier de bona pasta.

Almanch podess cognossel, che vorev
 Propi congratulamm cont i fait sœu;
 E inscì sottvìa ghe domandarev
 Se mai el voress vend quell sò vignœu.

L'è ben on poo piscinin, per quell ch'hoo intes;
 Ma el fa nagott; per mi ch'el le sia pur
 Com'el vœur lu: l'è mej dà el coo in di sces,
 De quell che sia dall denter in di mur.

Sal perchè disi insci? Perchè in tal cas
 Che me fassen tocù el borla de Soree,
 Quella l'è giust on'aria che me pias
 Tant come questa e fors on poo pussee.

E la sarav segond i mee besogn
 Tant present che futur giust a dover,
 Tanto pu de vendembia, che a Cologn
 El gh'è sœura sto bon cavalier.

Chì fors el ridarà: ch'el vaga a pì: :
 No gh'è de rid su sto particular.
 Ch'el rifletta in che læugh sont cappelan,
 E de che santa sont el titolar.

De reson l'è ben lì dove confidi
 E dove foo el mè cunt de repellamm:
 Che faghen come vœuren; mi men ridi:
 Nanca per quest no moriroo de famm.

On pezz a cà d'on scior, on olter pezz
 A cà d'on olter, e s'ciavo; a lor tocca
 Soccorr on pover pret ch'è mai staa avvèzz,
 De che l'è mond, a fà patì la bocca.

D'amis me par d'aveghen quejghedun,
 E tucc de cœur, tucc de la bona lesg;
 De quij che no descascia mai nissun,
 No soo pœù mi che gh'hoo sti privileg.

El pu che sia l'è de cercà quej læugh
 Dove se sa che tutta la mattina
 Senza mai refudà lavora el cœugh,
 Dove la va de quatter in cusina.

E grazia al ciel dove andaroo a mett giò
 Faroo vedè cossa sont bon de fà;
 Già zerimoni mi no soo fann nò,
 E mangi anch che no disen de mangià.

Me diran ben cavalier del denc;
 Che mel disen; e ben? cossa fa quell?
 Intantafina mi vegnaroo lenc,
 E senza spend faroo tirà la pell.

E pœù gh'hoß ona reson dove me scusi,
 E l'è che no l'è minga on disonor
 Che faga al personal; gh'è di olter musi
 Mej che nè el mè che fan l'istess anch lor.

In somma per fornilla in dò paroll,
 On sconcert l'ha de vess tutt el mè ajutt:
 l'occorr che disen; via che a l'oss del coll,
 'er el restant gh'è el sò remedi a tutt.

Con sti ciaccer intant tremi de frecc,
 de maross sont locch comè ona tappa;
 lin già sett or; l'è vora d'andà in lecc,
 intant ch'hoo on poo de sogn, che nol me scappa!

Anzi capissi ch'el maggior piase
 che al present poda fà al sur cont Caimm,
 enchè el disa nagott, l'è de tasè,
 chè lu l'è staff e nol vœur olter rimm.

Donch tasi lì mortificaa e confus
 'er no avell ubbedii in quell tant ch'el vœur;
 ch'el me perdona; ghe foo milla scus;
 forev almanch ch'el me vedess el cœur.

Intant el preghi quant mai poss pregall
 che nol me vaga in collera per quest:
 finalment fornissi de seccall
 lou dagh in l'istess temp anca i bonn fest.

No mancarà occasion de desmostramm
 n tutt'olter che sont e che saront,
 ie per tal nol refuda d'accettamm,
 iervitor umelisseem del sur cont.

Versione dello Stabat Mater,

La Madonna in att pietos
 La guardava el sò car tos
 Ch' el pendeava de la cros.

La soa anima l'è stada
 Anca quella tormentada
 E ferida d' ona spada.

L'eva in cas de mancà via
 Per la gran malinconia
 La gran Mader del Messia.

De ver cœur la sospirava
 Tucc i vœult che la guardava
 El ficœu che tormentava.

Chi sarav in st' occasion
 Che, vedend tanta affizion,
 No piangess per compassion?

In quell stat vun ch' avess vist
 La Madonna e Gesù Crist,
 Senza piang pòdel resist?

I peccaa de tanta gent,
 E di mee prenzipalment,
 Del Signor hin staa el torment.

L'ha veduu destes su on legn
 Quell sò car unegh sostegn
 Che l' amava a l' ultem segn.

Oh gran Mader, tutta amor,
 Sti mee œucc fej piang anch lor
 Per dolor del vost dolor.

Sto mè cœur infiammell vu,
 Perchè possa amà Gesù,
 E che sia tutt de lù,

Ah! vorev che se scolpiss
 In mi i piagh del Crocefiss,
 E in mi stassen semper fiss.

Del vost tos, ch'el s'è degnaa
 De soffrì per mi tant maa,
 Di sò penn femmen mitaa.

Con vu fee che piangia anmi
 El Signor ch'han faa morì,
 Senza mai desmett on di.

Sul Calvari vorev ess,
 Ch'el sarav el temp adess
 De stà là a piangev appress.

Oh gran Vergin, no guardee
 Che sia staa vun di giudee;
 Giust per quest femm piang pussee.

Fee che anmi per mè confort
 Possa avè la bella sort
 D'ess a part de quella mort;

Fee che sia anmi ferii,
 E el mè cœur tutt imbibii
 De quell sangu che gh'è sortii.

Cara Vergin, femm servizi,
 No lassemm andà in perdizi
 In quell di del gran giudizi.

Oh, Signor, quand vegnarà
 Quell gran pont de mudà cà,
 Per mezz sò femm trionfà.

Quand sto corp l'andarà in fin,
 Fee che in ciel coi Serafin
 Possa stagh anch Meneghin.



P O E S I E
DI
FRANCESCO BELLATI.

Vol. XI.

6



Per onomastico.

Sui nomm de paricc sant che gh' ha la gent.

Quij ch' ha faa i taccoin antigament
Gh' han cascias dent i sant per devozion ;
Ma s' è veduu che a pocch a pocch la gent
La gh' ha faa su la sova conclusion
Sul nom di sant e sora el temp che vegnen,
Introdusend di usanz che se mantegnen.

La festa di grubbian e desgarbaa
L' è sant Brugnnon , sant Rustegh e sant Satter:
Sant Mattee e sant Vicenz se sa ch' hin faa
Per quij ch' hin tócc in del nomine páter:
Santa Teccola e santa Lisabetta
Hin per ona ratella e ona sabetta.

Quella di fragnocch e di tarlucch
L' è san Gervas e l' è sant Timotee:
Quella di ciai, di goff, di mammalucch
Sant Giorg, sant Semplizian e sant Tadee:
Sant Cornèli l' è quella di marl:
E quella di Innozent l' è mia de mi.

Sant Mansuett e sò fradell sant Plazet
L' è el dì di pappatas ch' hin tutta flemma:
Santa Savina, sant Modest, sant Tazet
L' è el dì di savi e onest, e che gh' han temma:
Sant Grazian, sant Simon hin per i spos:
Sant Desideri l' è per i moros.

Per quij ch'hin grand e gross l'è sant Cristofen
 Sant Grisostem per quij di cavij bianch:
 Sant Ferm per quij che calzen alt e boffen
 E per i maghet, ch'hin scansii in di fianch
 Longh de vita e de coll, e sganzerlon,
 La soa grau festa l'è sant Luguzzon.

Sant Onoraa l'è el dì de quij ch'hin gius
 E fan quell ch'ha de fà la gent dabben.
 Sant Bonifazi l'è per quij ch'ha gust
 A fà servizi a tucc e a fà del ben:
 Per quij ch'hin piscinitt l'è sant Bassan;
 E sant Tranquill l'è el protettor di nan.

El dì di marsinon coi barolè
 L'è quell de sant Ambrœus nost glorios:
 Semm che la festa de sant Lazzer l'è
 Quella di sporscellent e schivios:
 Sant Marzellan, e inguaa santa Marzella
 Per quij ch'han la basletta e la macella.

Sant Silvester l'è el dì di sprell, di cœugh
 Di servitor ch'hin longh come la famm:
 Sant Genee l'è per quij che stan al fœugh
 Coi gamb pieun de scires fin sui ligamm:
 Sant Lusc l'è per chi sa la soa man drizza
 E per i fortunaa santa Felizza. (chen

Sant March per quij che de tuttoss s'immoc
 Ma han de grazia a fà quell che ghe despias:
 E per quij che no creden se no tocchen
 Cont i sò propi man l'è sant Tommas:
 Sant Dazi l'è quell sora i presentin;
 E quell di sonador sant Viorin.

Sant Gajtan l'è sora i matrimoni ;
E per quest i tosann gh'hin tant devott :
Sui desgrazi del fœugh l'è sant Antoni ,
Che l'è anca sui bon numer per el lott :
El di de sant Donaa l'è sui regaj :
E sant Bartolomee sui baravaj .

Ma gh'è anch di sant ch'hin sora paricc maa ;
Che chi s'invoda a lor guariss secur .
Per mœud de di, sant Maver, ch'era abbaa ,
L'è sora i gandion e sui freggiur :
Sant Bias sul goss : el santo Ciod sui strij :
Santa Pelagia per chi no ha cavij .

Sant Andreja sui mort a l'improvvista ;
E sui pover orbitt sant Peder marter .
Santa Luzia per chi ha patii in la vista :
E sant Serafin fraa sui donn de pârter ;
Ma sui facc di comaa , su la segunda
La protettriz l'è santa Redegonda .

Sant'Agata sui tett che se indurissa :
Santa Pollonia sul dolôr di dent :
Su quij ch'ha i calcol e el brusor de pissa
L'è sant Libori papa ; e finalment
Sant Rocch , sant Sebastian hin di de festa
Per i croser di piagh e de la pesta .

El gh'è però di sant sul taccoin
Che quand vegnen despiasen a paricc ;
Come l'è sant Michee con sant Martin ,
Perchè l'è quell el temp de pagà i ficc ;
E ai quatter de november ven quell sant
Che ai ficcu che va a scœula el rincess tant .

Ma a l'opposit de quist ghe n'è poèù tanc
 Che quand riven i vedem volentera :
 A Natal corr regaj e corr di manc ,
 E i servitor ne fan de bella cera ;
 Se paccia i panatton, e van attorno
 Aned, occh e pollin cott in del forno.

Ai Mort gh'è tempia e scisger a bressacc;
 Se mangia a Pasqua i ciapp o di frittad ;
 Quand ven sant Giorg se mangia pan e lacc,
 I mascarpon , la pánera e i cioncad ;
 A sant Gregori gh'è i navisellitt ;
 E a sant Niccola i fraa dan via i micchitt.

La Madonna d'agost tucc i scolar
 Dan l'aneda ai majster di sò scoeul :
 A sant Bartolomee se toèù i pampar
 Con taccaa su i bombon e i bandirœul :
 E ai tant de giugn el dì de sant Giovann
 Gh'è el mazz che ne regala i ortolann.

Fina el temp e i stagion , giuradianna !
 Han miss su paricc sant la soa sentenza :
 Se dis che l'è la dota de sant'Anna
 Quand el dì dopo ven ona gran slenza ;
 E se la ven el dì de sant Modest ,
 Se dis che l'è pesg l'acqua di tempest.

A sant Andreja va in cardega el frecc ;
 A la Madonna de la Zericeura ,
 Perchè deslengua giò la nev di tecc ,
 Se dis che de l'inverna semm già fœura ;
 Ma se ghe gionta , che se sorta ven
 Ghe podem anca ess denter pussee ben.

Quant l'è seren la festa de sant Gall,
 Se dis ch'el bell fina a Natal el dura;
 El dì pu cold, ch'el sò ne tacca ai spall,
 L'è sant Lorenz, quell de la gran caldura;
 Santa Balbora insemma a sant Simon
 Hin per guardanu de la lusnada e el tron.

A sant'Antoni disen in Milan
 Che on' ora bona al dì se porta via:
 A sant Sebastian gh'è dò or in man:
 Santa Luzia l'è el dì pu curt che sia:
 E gh'è el proverbi in fin che a santa Agnesa
 Se ved corr la luserta per la scesa.

Ma quij che fan onor pussee ai sœu sant
 Hin propi i bottiatt e i operari:
 Quell dì fan tucc di spes o pocch o tant,
 Anch ben ch'el sò borsin no l'abbia pari:
 Gh'è musega, gh'è mess e offizi in gesa,
 E in secrestia se paccia a la destesa.

Sant Isepp l'han elett per protettor
 I fuserocch e tucc i legnamee:
 Sant Luca l'è quell sora i intajador:
 E sant Onofer l'è di perucchee:
 E semm tucc che sant Ors e sant Crespin
 Hin sora i calzolar e i sciavattin.

Sant Eligi l'è quell di ciovicœu,
 Ramee, orees, ferree, peltree e magnan:
 Sant Diodatt l'è di ost del pidricœu:
 Di barbee l'è sant Cosma e Damian:
 Sant Genés l'è de quij che fa i bombon;
 E di mercant de merz l'è sant Leon.

Sant Omobon l'è protettor di sart ;
 E de quij che fa tila l'è sant Lin:
 In conclusion tucc i mestee , tucc i art
 Gh'han el sò sant de spendegh di quattrin ;
 Fina i pitocch , quand l'è sant Salvador ,
 A cunt di caritaa fan sciali anch lor.

Dopo tanc sant , me savaraven mò
 Indicià adess el dì de donna Pavola ?
 Santa Pavola vergena l'è nò ,
 Perchiè a lee , con licenza de la tavola ,
 Questa la ghe pò minga convegno ,
 Se l'haa avuu trii fiœu e duu mari.

La soa festa l'è donca sta giornada ,
 Che l'è de santa Pavola matrona :
 Sì , questa l'è benissem adattada
 Per vuna come lee prudenta e bona ,
 Che la se fa stimà senza mett s'cess ,
 E la fa i facc de cà senza smargess.

E già che l'è el sò nom , hoo volsuu inceœ
 Vegni a impimm ai sò spall el malarbett ;
 E gh'hoo menaa anch la donna coi fiœu ,
 Per desmostragh pussee el mè respett ;
 Donch che la disa a tucc e che la scriva
 Che sò cugnaa bevend gh'ha faa on evviva.

*Ode a Silvia molto bella,
 D'on. autor de conclusion, (*)
 Staa tradotta in manch de quella
 In languagg de buseccon,
 Per amor de quella gent
 Ch' el toscan ghe liga i dent.*

Cossè l'è sta novitaa,
 La mia sura Regolizia?
 Gh'è pu el vell inamedaa?
 Coss' èt faa, brutta sporchizia?
 T'ee scovert i spall e el sen,
 Mostrand quell che no stà ben?

Per che cossa t'ee tolt via
 Quij sgonfion faa col ramett,
 Che a bon cunt quattaven via
 La pell tencia col gossett,
 E no se vedeva on pel
 Con quell piatt de laccemel?

Credet fors che la stagion
 La comenza a vegni calda?
 Ch'el panett faa su a sgonfion
 El sofféga e el te rescalda?
 Cara ti, cuntel ai mort:
 Fa anmò frecc, e de che sort.

(*) È questa l'Ode scritta dall'abate Parini, e che incomincia: *Perchè al bel petto e all'omero, ecc.*

Vedet nò che gh'è sui tecc
 La nev volta tant inscì?
 E che anch ben ch'el temp del frecc
 El sia vora de fornì,
 El par propi che l'inverna
 El s'incoccia d'ess eterna?

Eel inscì? o eel fors perchè,
 Ambiziosa che te see,
 T'è piasuu de fatt vedè,
 Brutta squinzia, a corr adree
 Ai usanz di olter donn
 Per fass cred gran chiccheronn?

Chi ha daa el nom a sta toa usanza
 Che fa ved tucc i sporchizi?
 Ela stada petulanza,
 Eel staa el cas, o eel staa on caprizi:
 O l'è stada, giuradina!
 La madamm de la guardina?

Cossè l'è? te vegnet rossa,
 E te fee la vergognosa?
 Te me mettet propi ingossa
 A vedett inscì smorfiosa.
 Parla ciar, o stortacoll;
 Mi no vuj di mezz paroll.

Dì su donca. Ma hoo capii.
 L'è on canaja razza porca
 Quell ch'ha miss a sto vestii
 Quell brutt nom, quell nom de forca,
 Tolt d'on porch d'on istrument
 Ch'ha mazzaa tanci innocent.

Istrument che ne fa orror,
 Istrument d'iniquitaa,
 La vergogna e el desonor
 De sto secol d'empietaa,
 Che l'ingura ai mod di donn
 Conseguenz i pu baronn.

Con sta moda i tò bej grazi
 Paren propi in man di strij:
 No minaccen che desgrazi,
 Baronad e porcarij;
 E la toa figura bella
 La diventa de porscella.

Cara Silvia, trà al malann
 Quella vesta bolgirona.
 I donn savi no han de usann:
 Quella moda l'è giust bona
 Per i donn ch'hin leggerinn,
 Sguansg, baltrocch e facc bronziinn.

Quand gh'è el dolz, ah no ghe vœur
 Minga i argen nè la mènera
 Per guastà, per voltà el cœur
 D'ona donna che sia tenera:
 In pocch temp lee la diventa
 Ona turca reneghenta.

T' avaree, Silvia, sentutu
 A descorr de quij matronn
 Che in Roma even cognossuu
 Donn de cà, modest e bonn;
 Che i sœu oper hin staa in somma
 Per tanc agn l'onor de Romma.

Set coss' è success in fin
 De sti donu tant vertuos
 Dopo ch' han traa via el cossin ,
 E no hin staa pu studios ,
 Che han lassaa in bandon la cà ,
 E s' hin miss a baltrocà ?

Petulant comè ona sprella
 Se vedeven per i piazz
 A dà ment ai porcinella ,
 Ciarlatan , buffon , pajazz ;
 E sentiven con savor
 I porcad che dis costor.

E l' istoria de Medea ,
 E de tucc quij olter boja
 Eren coss per lor de ea ;
 E i sentiven con gran gioja
 Quant pussee gh' intrava dent
 Crudeltaa e mazzament.

Han poduu dopò resist
 A vedè sti istori in scenna ;
 Con piasè costor han vist
 Ona mader che la svenna
 Cont on still i sœu fancitt
 Che al ciel alzen i manitt.

Insci avend faa denter l' oss
 A sta sort de cagnitaa ,
 S' hin stuffi de ved sti coss
 Solament rappresentaa ,
 Han volsuu poèù in quej manera
 Vedenn anch de quij davvera.

S'hin faa lecit sti sciarbatter
 D'andà a ved a fa la lotta
 Cont i tigher in teater
 Ona troppa de gent biotta
 Che sgariva e urlava fort ;
 E paricc restaven mort.

Lì gh'aveven on gust matt,
 Tant el popol che quij damm,
 De ved i omen a combatt
 Cont i besti mort de famm,
 E i vedeven con legria
 A dà i ant a bagnaria.

Anzi poèu quij crudelasc
 Sangu de scimes, cœur de can,
 Han avuu pussee el corasc
 De vedè coi still in man
 Omen e omen a strappass
 I cavij e sbuseccass.

E mezz fœura di palchitt
 Tucc vosaven e rideven
 A vedè quij spadazzitt
 Insci biott che se batteven :
 E quand daven di ferid,
 Se metteven pussee a rid.

Lor l'aveven per on spass
 De vedè a morì quij gent ;
 De sentij a lamentass,
 Tappellaa, tutt sanguanent,
 Senza gamb o senza brasc,
 Voltaa in terra come on strasc.

Vœutt sentinn de pesg anmò,
 La mia Silvia, de costor?
 Quatta i œucc e bassi giò,
 Che l'è roba de fà orror:
 Sent al segu ch' hin arrivaa
 In lusuria e libertaa.

Quij baloss de spadazzin
 Negher, ruved e pelos,
 Facciann rustegh de facchin,
 Spuzzorent e desgustos,
 Paricc vœult hin staa per lor
 Bej giojeit per fà l' amor.


E insci dopo ch' han perduu
 La vergogna tutta affacc,
 Cara ti, l' è succeduu
 Che s' è vist in su quij facc
 On cert anem preparaa
 A ogni sort de crudeltaa.

Per quest lor no han avuu s'cess
 De tradi, de dà el valen
 Ai parent e ai mari istess,
 E fagh cred de voregh ben:
 Se mazzaven in del venter
 I fiœu che gh' even denter.

Ecco li; d' on piase piccol,
 Ch' el gh' è pars lecit e onest,
 No han poduu schivà el pericol
 De fass femmen desonest;
 E in pocch temp l' è andaa al malann
 El bon nom de quij Romanu.

Donca, Silvia, lassa andà
Quell vestii de brutta nomina :
No te lassa ingattià
De la moda che predomina ;
Perchè l'è propi on indizi
De mandatt in perzepizi.

Reflett ben sora el motiv
Che ha voltaa quij donn antigh :
Sia modesta , e pensa a viv
Del guadagn di tò fadigh :
Cerca d'ess graziosa e umana ,
E ona bona cristiana.



I PRIMI DUE LIBRI DELL' ENEIDE

Travestiti in dialetto milanese.

AL LETTORE.

Il Lalli fra noi , lo Scarron tra i Francesi , e di fresco ancor più felicemente l'argutissimo Blumauer fra i Tedeschi trasportarono già in berniesco il gran poema del Cantor mantovano. Non da meno di essi mostraronsi varj scrittori di dialetto italiano ; e quindi un Giannicola Sitillo la recò in napoletano , un Gian Giuseppe Busiz in friulano , un Tommaso d' Aversa in siciliano , ed altri in altri dialetti. Noi crediamo quindi che riuscirà cosa gradita il trovare in questa Collezione se non tutta almeno una parte dell' Eneide recata anche in dialetto milanese. Molti più libri di questo poema , che non sono i qui riportati , uscirono già dalla penna del valente nostro traduttore ; ma questi due soli , ed anche a gran fatica , ci venne fatto d'ottenere da lui che , avendo dettate questa ed anche le altre sue milanesi nella prima sua gioventù , fu poscia occupato in cure ed in istudi di maggior momento i quali non gli concessero più tanto d'ozio quanto bastasse per dar loro l'ultima mano.

LIBRO PRIMO.

Démm, sciori, a trà, che vuj cuntav l'istoria
De quand che la bon'anema d'Eneja,
Vedend che in Troja i Gregh faven bandoria,
L'ha tolt su el duu de copp con la fameja;
E per quant che per rompegh la zuccoria
La fass Giunona, che l'era ona deja,
Per tegnill via d'Italia, pur lu in somma
El gh'è rivaa a pientagh el regn de Romma.

Bosia del Borgh di Goss, mè car messee,
Avii de tramm in ment per che reson
Quella dea la voreva a tucc i stee
Tirà el pover Eneja in del merdon;
E che motiv la gh'aveva colee
De toèù a perzipità quell scior tant bon:
Che i donn sien pienn de rabbia l'è de fed;
Ma rabbia in d'ona deja, s'hal de cred?

In de l'Affrega gh'era veggiamment
Cartagena postada in riva al mar,
Ricca assossenn e pienna aras de gent,
Che no ghe n'era on'oltra de stà al par;
Ghe calava de fatt quell gran nient,
Asca el só quand nol lus e nol fa ciar,
Talchè podèven di che in sta cittaa
Gh'eva dent ligaa i sces de cervellaa.

Sta cittaa l'era tant cara a Giunona,
 Che, dopo avè daa on bell canton in pe
 A la soa cà, el le fava de patrona,
 Trattandes a la granda al maggior segn;
 Perchè in sostanza quella gajnona
 In del sò coo l'aveva faa el dessegn
 De diventà l'imperatriz del mond,
 E regolall de lì de scima in fond.

Ma per via che l'aveva presentii
 Che di Trojan sarav vegnuu ona razza
 Che cont el temp ghe sarav reussii
 De fà ch'el popol de Cartagen spazza,
 La stava cont el cœur strengiuu e stremi
 De vedess tolt el regn e restà in piazza;
 E tanto pu savend d'ess stada lee
 Che contra Troja l'ha movuu el vespee.

De l'oltra part ghe purisnava i onc
 De falla in barba a la nazion trojanna
 Tant perchè Parid gh'ha faa vegul el fo
 Con quell giudizi de pilatt puttanna,
 Quant perchè Ganimed l'ha avuu el post
 De portà a Giove sul tond d'or la man
 Tujendel ditt e fatt a soa ficœura,
 Come la fuss mezza ona bo e fœura.

Con sta gran rabbia e sto magon sul
 L'aveva tolt a termen i Trojan;
 Nè podeven cercà de soltà el foss,
 Perchè l'era già scritt in del sò pian
 O de manduj a trovà el duca Boss,
 O de tegnij d'Italia ben lontan.
 Sanguanon, che impegn gross e che affar
 L'è staa quell de pientà Roma e el sò imp

I nav trojann velland a maravilia
 Vegneven via corrend minga de pocch:
 Eren già rivaa in faccia a la Sicilia,
 E l'even anch passada d'on bell tocch:
 Giunona allora ciappa la mantilia,
 E coi man e coi denc la le trà in tocch,
 E la dis: Vorev mò ved anch sta boreja
 Che abbiën color de faghela a ona deja.

Sur Giove, ovej, come la femm? Hii pur
 Faa desperd ona vœulta ai Gregh la flotta,
 E quest l'avii faa in grazia di premur
 D'on' oltra deja: ma mi resti in botta
 A ved che me fee fà de sti figur,
 Che no poda ottegnì de vu nagotta
 Contra i Trojan: se la va inscì, l'è on fatt
 Che me stimaran manch del strasc di piatt.

E infuriada rognand la corr de slauz
 Dove gh'è i vent sàraa in d'ona caverna
 Che no poden andà nè indree nè inanz
 Senza licenza de chi je governa;
 Là dent ruscissen pesg che tor o manz,
 E paren tanc demoni de l'inferna;
 E quij che passa o stan de cà lì adree
 Senten ballà la terra sott ai pee.

E per quest Giove l'ha volsuu saraj
 In d'ona grotta scura a buttonass,
 E el gh'ha pettaa de sora per stringaj
 Di gran prej gross e di moutagn de sass;
 E de pu el gh'ha miss anca on re a curaj
 Perché no faghen ruzz nè tropp frecass,
 E ch'el se tœuja, quand occorr, la briga
 De lassaj fœura, o de tegnij in riga.

Sto re el gh'ha ona facciona rossa rossa,
 I ganass sgonfi e i œucc grand, bottornu,
 Pelos, onc e besonc ch'el mett ingossa,
 E on venter tanto faa che fa per duu;
 A boffà l'è el sò fort, e el gh'ha ona coss
 Ch'el boffa con la bocca e cont el cuu:
 Su sota la caverna el stà settaa

Cont ona picca in man d'azzal molaa.

Giunon la solta in scoss a sto bell re;
 La ghe trà i brasc al coll; e la ghe dis:
 Sappiee che in mar vers la Sicilia gh'è
 Paricc barch de Trojan pitocch e sbris,
 Che vegnen con l'ideja de podè
 Andà in Italia a pientagh giò i radis
 D'on regn tutt nœuv, e fall a mè despect
 Ma mi vorev inscambi faj tucc frecc.

Sont chi donca a pregav, femm el favor
 De lassà andà i venton pussee rabbiaa,
 Che manden al diavol tucc color,
 O che ghe faghen almanch perd la straa.
 Gh'hoo paricc bej tosan, e la maggior,
 Che ha nom Bibin, l'è quella che hoo guarna
 È destinaa de davela in miee,
 Che ve farà i bagaj bej come lee.

Caspita, el ghe respond, che zeremoni!
 Olter no l'ha de fà che comandamm,
 Che mi prest a ubbedilla me desponi,
 Senza che la se incomoda de damm
 Per compens ona tosa in matrimoni;
 Sarev on gran ingrat a no prestamm,
 Savend ben che l'è tutt in grazia sova
 Se anca mi tra i deitaa meni la cœva.

E subet con la picca el ròmp i port,
 fœura tucc i vent a scurl l'ari:
 tronad e i sajett che s'cioppen fort,
 barch che hin buttonaa di vent contrari;
 i Trojan che gh'è dent patoffi e smort
 tand in genœucc coi man alzaa per ari,
 lin coss per bacch che se fa prest a dij,
 fa che a vedej fan drizzà in pee i cavij.

Enea, vedend sta poca paccagnizza,
 el resta lì palpaa comè i scigoll;
 el dis con gran magon e pien de stizza:
 lin pur staa fortunaa quij Trojan soll,
 che quand i Gregh n'hin vegnuu a rompla rizza,
 lin mort per la soa patria, e mai de cioll,
 come me tocca de fà mi chì adess
 toll'andà senza gust in bocca ai pess.

Tutt a on bott el se sent a inorbì i œucc
 l'on gran vent ch'el trà in tocch i remme i vell:
 vedend che in barca riva già ai genœucc
 l'acqua che la ven denter a rebell,
 strengiuu in di spall se unissen tucc in crœucc
 per stà a vedè la fin de sto bordell;
 la nav in mezz a quest la stà anmò a galla,
 tant che i vent la fan giugà a la balla.

I olter nav che gh'era in compagnia
 anch lor per bincio la vedeven brutta:
 se ingegnaven de juttass al mej che sia
 con la speranza ch'el Signor je jutta,
 la i fianconad di ondonu che ghe ven via,
 el gran vent che je butta e je rebutta
 che metten tanto scagg che, con perdon,
 assen giò la speranza in di colzon.

Tre nav ch'hing iust appont i mejch'el gh'abb
 Tonfeta, van a sbattes in di scœnj,
 E tre van a incastrass dent in la sabbia,
 Restand mezz ingeraa e mezz a mœuj: .
 A vedess quella gent saraa su in gabbia,
 Oh questa, disen, la ne smerda ei fœuj!
 S'emm de marscì, i scorbatt avran premi
 De metten a boccon in sepoltura!

La nav de Oront, che con la soa brega
 Unii ai Trojan l'eva anca lu vegnuu,
 Avend per el dedree tolt su on'ondada,
 La s'è veduda a mett sott'acqua el cutu:
 El pilott, dandegh ona bicoccada,
 L'è voltaa in mar, e nol s'è pu veduu;
 La nav l'ha faa trii o quatter gir redond
 E in manch de quella l'è colada a fond.

Se sent i sgarr, se ved i test e i brasc
 De quij meschin che van adree a negh:
 Vell scarpaa, pagn, cappej, remm, banch, paj
 Scià e là sul mar se veden a nodà.
 La nav d'Acatt e i olter pussee strasc
 De Abant, Alett e Lionee che hin già
 Mezz squinternaa e redutt in sanquintin,
 Hin quij che pu ghe n'han in cinqu quattr

Nettun, ch'el sent a andà sottsora el mar
 Con tant d'œucc infogaa come la brasca,
 El vens fœura di ond, per vegni al ciar
 Chi l'è mai che ghe ven a romp la fiasca
 Vedend i nav trojann, el ved anch ciar
 Che l'è on tir de Giunona sta borrasca,
 Chè ghe voreva pocch a quella volp
 ▲ capì de che part vegneva el colp.

El ciama ditt e fatt a l'ubbedienza
 Tutta la ciurma de quij vent rabbios,
 E el sbragia: Olà, coss'ela sta insolenza
 De vegnì petulant e ardimentos.
 In di mee stat, e senza mia licenza,
 A fà el sassin de strada, e mett in cros
 Quij che viaggia in bona fed?... Che si....
 Ma per sta vœulta, via, la lassi insci.

Se ardirii anmò, ve la faroo mi bella,
 Mudemm el nom se no ve lassi el segn;
 Spazzee via inanz che drœuva la cannella:
 Disii al vost re che l'è on brigant indegn,
 Che el mar l'è mè viv e morir in quella,
 E che in di vost bæuggiatter l'è el sò regn,
 Dov' el pò stà col ziffolin s' el vœur
 A tirà al roccol i asen o i tegnoeur.

Intant ch'el parla, el mar el se quietta,
 Spariss i niyol, e ven bell seren;
 Corr i pagg de Nettun e i sœu trombetta
 A tœu giò i nav di sœuj, ch'even su ben;
 Nettun el smonta de la carocchetta,
 E tutt grazios con la trienza el ven,
 E dandegh su de s'cenna anch lu el libéra
 I olter tre nav ch'hin impiccaa in la gera.

Come se ved di vœult in di borgh piccol
 Quand nass in piazza ona quej lit tra i picch,
 Che fan on gran bordell coi sbragg e i giccol,
 E fan corr bastonad, pesciad e micch;
 Ma che se pœu compar in quell pericol
 On quej villan dottor o on fattor ricch
 Che abbia vos in capitol e ch'el stimen,
 Subet fan tucc el sciatt e se padimen:

Inscì è success quand l'è compars Nettun
 In ghicch tiràa de duu cavaj marin
 A sambruccà su i vent a vun per un
 Con faccia brusca e ioss comè on pollin,
 Che tra quanc eren no gh'è staa nissun
 Ch'abbia pu ardi de alzà gnanch on didin,
 Ma tucc unii, senza voltass indree,
 Han faa i gamb subet e hin andaa a pollec.

I Trojan stracch per la cattiva vitta
 Ch'han dovuu fà per tutt quella mattina,
 Inanz che ghe succeda oltra desditta,
 Se unisser in consej, e se destina
 D'andà a la prima riva che capitta
 De l'Affrega, che l'era lì vesina;
 E gh'hin rivaa de fatt in manch de quella
 Alegher come tanc poricinella.

Esaminand quij riv, en veden vuna
 Abbandonada fina di lusert,
 Ch'ha la figura d'ona mezzaluna
 O pur d'on gamber cott coi zanch avert:
 Denanz gh'è on' isoletta per fortuna,
 Che la ghe serv de tegnilla, al covert
 Di ond del mar, e se pò di adrittura
 Che l'è on port bell e faa de la natura.

Scià e là gh'è di sceuj doppi faa a spaller
 Che tegnen regolecc el mar e quacc:
 Ghe se ved a l'intorna di filer
 De piantonn folt che manden l'ombriacc
 Cont on freschin continov e legger,
 Senza che possa el só fagh passà on racc,
 Talchè l'è comè a vess in di stanzett
 Faa su de frasch in l'ostaria a Lorett.

Gh'è ona grotta fodrada d'erbettinn
 E de fior bianch e blœu, giald e ponsò ;
 Gh'è on ronsgin d'acqua fresca, e i banchettinn
 Scavaa dent in del sass per settass giò ;
 Gh'è fina per dà spass ai signorinn
 L'ecco ch'el ghe respond tre vœult o dò :
 In somma quell sit lì l'è propi a taj
 De lassagh dent i barch senza ligaj.

Lì donca Eneja el pensa a mett a tecc
 Tutta la soa gent sloffia e sobbattuda :
 Tran fœura i pagn ch'even pesant e frece
 Per tant'acquascia che aveven bevuda,
 E senza zeriimoni nè apparecc
 S'accorden tucc a dagh ona spremuda,
 E pœù mezz biott se tran in terra stracch,
 Che a vedej paren tanc Carlin di vacch.

Vun el batt l'azzalin, e coi bacchitt
 E di fœuj secch, ch'el trœuva, el pizza el fœugh ;
 I olter, che già se senten del petitt,
 Van a tœù voltra el gran, ma a lœugh a lœugh
 El trœuven bagnaà mezz in di sacchitt,
 Sicchè hin in truscia tucc a cercà el lœugh
 De destendel al sò per fall seccà,
 E pœù coi sass sel metten a masnà.

Eneja intant el va con l'occialett
 Guardand se in mar el ved quej barch di sœu ;
 Ma no vedend nè barca nè barchett,
 El cred che tucc abbien sonaa el zucœu :
 In quella solta fœura d'on boschett
 Corrend in riva al mar trii cavriœu,
 E dopo quist trii o quatter a la vœulta
 El ved a soltann fœura ona missœulta.

Credeva mi che mè fiœu l' avess
 D' andà propi in Italia a stabeliss,
 E rivagh prest alegher comè on pess;
 Almanca inscì, car pa, m' ehev promiss:
 Ma vedi i coss che muden faccia adess,
 Nè soo el motiv de sto ibis redibiss:
 Nè hoo mai creduu che avessen i Trojan
 D' ess a sta fœusgia chì trattaa de can.

Dopò d' ess staa tradii, perseguitaa,
 Hal mò semper de vess veduu inevit?
 Antenoree anca lu l' è pur scappaa
 Con tanc Trojan, e viaggiand polit
 L' è pur riyaa in Italia, e l' ha pientaa
 La soa cittaa de Padoa in d' on bell sit,
 Dov' el menna con lor vita quietta,
 E adess el ghe comanda giò a bacchetta.

E lu, che l' è di voster descendent,
 E m' hii promiss d' avell in ciel cou vu,
 L' ha, per vuna ch' el le odia ingiustament,
 De patì tant e ess semper su per su?
 Eel quest el regn che per refiziament
 Avii fissaa per mè fiœu? mai pu.

Cossè ghe serviran i vost finezz
 Dopò d' avegh giontaa l' inguent e i pezz?

Giove, ridend, cont on cerin mostos
 El basotta su Vener, e el ghe dis:
 Cara, quiettet pur, chè del tò tos
 Succedarà quell ch' hoo fissaa e decis;
 Quand el trarrà l' ultem pett glorios,
 Tel menaree tì istessa in paradis;
 Ma se te see pressosa de savè....
 Tas che in secrett te cunti come l' è.

Rivaa in Italia Eneja, el prim salut
 El sarà quell de contrastagh el post;
 fa lu el rivarà a dà di bonn fottut,
 a mett giò quij che se saran oppost;
 Dove adess gh'è di terr che no dan frut,
 El farà di cittaa; là o tard o tost
 Con di bonn legg e con di bon menister
 El farà a quella gent mudà register.

In quell paes salvadegh e de buli
 El regnarà trii agn senza olter begh:
 Ascani, sò fiœu, ch'el ciamen Giuli,
 Dopo lu el regnarà trent' agn intreggh;
 E el pientarà con di bej torr e guli
 La cittaa d'Albalonga, per avegh
 In quell sit on palazz de residenza,
 Per stagh dent lu e la sova descendenza.

Sti descendent per tresent agn e passa
 Regnaran lì tegnend corta bandida;
 Finchè el dia Mart a ona Vestal nol lassa
 L'impegn de pettagh lì in d'ona sbottida
 Minga on fiœu, ma duu gemej de massa,
 Senza che la comaa l'abbia assistida.
 A sti bambin fina d'adess già semm
 Che gh'han de mett a nom Romol e Remm.

Romol, che l'è el primgenet, no dovend
 Ess trattaa e mandaa al torno per bastard,
 L'avrà ona lova con di pecc stupend
 Per fagh la baila, e el vegnarà pettard
 (Sentet che coss inaraviglios de intend,
 Hin staa fissaa chì in ciel a sò riguard!)
 E per memoria de sta baila sova
 El portarà la pell de quella lova.

In lu comenzerà la nœuva razza
 De re per comandà su quell paes ;
 El farà fà ona bella cittadazza ,
 Senza guardà nè a resparmi nè a spes :
 E el popol unii tutt in su la piazza ,
 A onor del fondator , l'andarà intes
 De nominalla Roma , e inscì i Trojan
 D' allora in poi se ciamaran Roman.

Te diroo anch che l'imperi de Romma
 El durarà fina al dì del giudizi ;
 E Giunona , che adess fa roma e tomma
 Per mandà i tœu Trojan in perzepizi ,
 Allora l' ha de voltà vella in somma ,
 E per proteggi e fagh di benefizi
 Te vedaree che l' ha de uniss con mì :
 E stà pur franca che l' ha de ess inscì.

Quand poèu saran passaa di agn paricc ,
 Sti Roman , che in sostanza even Trojan ,
 Propi de quell paes dove i sœu vicc
 Hin staa di Gregh trattaà inscì tant de can,
 Andaran lor a fassen pagà el ficc ,
 E tornaran a tœugh fœura di man
 Tucc quij tai sit che prima eren de lor ,
 Senza che poden nè soltà nè cor .

De la fameja Giulia , ch' ha avuu el nomm
 De quell tal Giuli , unegh fiœu d' Eneja ,
 Quand che saran passaa millia agn e on pomm ,
 E no gh' pensaran pr' guanch per ideja ,
 Vegnarà Giuli Zeser , quell gran omm
 Che l' ha de fà scurattà ai re la preja ,
 E avegh on regn ch' el s' ha de andà a confond
 Col ciel e el mar doye foruiss el mond.

Dopo che glorios e trionfant,
 E careгаа de roba de bottin
 El tornarà sto Zeser del Levant,
 El vegnarà anch lu in ciel a fa settin.
 Allora el mond, tegnendel per on sant,
 El ghe farà fa in ram i majstadin,
 E el mettarà el sò quader su i altar
 Con de deuanz i lamped a fagh ciar.

E comenzand allora a fa miracol,
 Staran tutt quacc, nè ghe sarà pu guerr;
 No nassaràn mai pu pontili o raccol
 De senti a mett resij in del patèr;
 E de tucc i arm, che ghen sarà on spettacol,
 De ram, bronz e lotton, d'azzal e ferr,
 Sen farà on mucc in piazza con la mira
 De vendi per ferr rott a on tant la lira.

La pas, la religiou e el bon costum
 Faràn che vegna fœura di bonn legg,
 E la reazon poèù anch lee cont i sceu lumm
 I e savarà anca mantegnì e protegg;
 Faràn a la discordia ballà el fumm;
 E settada sui arma a fagh cortegg
 La mettaràn in di cadenn stringada
 A crenà col muson a la ferrada.

Giove, appenua fornii sta filastrocca,
 L'ha spedü via a Cartagena on correr,
 Con l'orden de visà subet chi tocca
 De ricev i Trojan con bej maner.
 La regina Didon, sentend sta pocca,
 Prest la fa visà el cœugh e el cardenzer
 De proved, e stà pront de di e de nocc,
 E la preparà i beliett d'allocc.

Enea, che l'è staa fœura a la serenna
 Tutta la nocc al ciar di lusirœur,
 Subet ch'è spontaa l'alba a malapenna
 Tant de guardass di fopp e di tajœur,
 El va a scovrì terren, e che aria menna
 Per podè di ai compagn a vœur a vœur
 S'hin capitaa in montagna o pur al pia
 E se l'è on sit de besti o de cristian.

El ved li in riva al mar ona caverna
 Granda e fonduda ben, e scura scura;
 Quest per custodì i nav l'è el sit ch'el sc
 È el ghe je fa mett denter adrittura,
 E pœù con l'arch e i frizz el va, e el s'in
 In di bosch del paes senza pagura,
 In compagnia del sò fedel Acatt,
 Stand però in guardia ben coi œucc de

Appenna faa quej pass in de quij bo
 L'incontra ona gran bella signorina
 Coi cavij che voland cascen via i mosc
 Con regolzaa su i socch a zandalina
 Per quattà quell ch'ha de ved gnanca il
 E taccaa l'arch dedree de la vitina.

Ma per quant el l'ésamina e el le squ
 Nol s'accorg che l'è Venera soa madra

L'è stada lee la prima a interrogaj:
 Che disen quij bej gioven, han lor vis
 Vuna di mee compagn in sul mè taj,
 Cou su ona pell de lôff de color mist
 Che l'è tutta in di smani e in gran tr
 Per podè inzanca on loff beccofottrist?
 Eneja el ghe respond: Nò, cara lee,
 La n'è minga vegnuda per i pee.

Ma, con sea grazia, se porrav savè
 Con chi mi adess hoo l'onor de parlà?
 S'hoo de dì, mi in lee vedi on non socchè
 Che con la gent del mond no l'ha a che fà,
 Perchè a la faccia che la fa vedè,
 E anca a la vos, al portament e al fà
 La me par ona deja ben dedrizza,
 Vegnuda chi per mincionà la rizza.

Ma sia che sansessia, sciora, la preghi
 A vorè dinn almanch in che moud semm,
 Perchè l'è on pezz che cci compagn mi freggi
 El mond scià e là no savend dove vemm:
 L'è ona gran pretension la mia, nol neghi,
 Ma se la fa sta grazia, ghe faremm
 I finezz e l'onor che la meritta,
 E ghe andarem adree come a la pitta.

Oibò! ghe respond Vener, quist hin cess
 De no dì minga gnanch per rid con mi,
 Che mi sont ona donna in carna e oss,
 E minga quella che lor vœuren dì:
 E quant al rest in prima de tusscoss
 Ghe diroo che hin Tiries quij che stan chì,
 E che nun donn de Tiria con la caccia
 Provedem a la nostra e a la soa paccia.

Tutt el paes per olter el se ciama
 L'Affrega, e la soa gent l'è in general
 Gent ch'ha del cœur, e spad de bona lama.
 Didon l'è la regina, quella tal
 Che in grazia d'on'azion barona, infama
 Che gh'ha faa sò fradell, porch animal,
 L'è scappada de Tiria in nascondon
 Per no lassass ciappà de quell birbon.

Se nol fuss de dì e dì, ghe cuntarev
 L'istoria di desgrazi, e tucc i fatt
 De sta regina: ma s'el me ricev,
 Già el sa che i donn gh'han memoria de gatt;
 E poèù sarev tropp longa, e sentirev
 A dimm adree la corona di ratt;
 Sicchè mi pensi ch'el n'avarà a sbacch
 Che cunta domà i fatt pu masiacch.

Sta sciora l'eva per mari Sichee,
 Ch'even duu corp, ma d'on'anema solla;
 Lu l'era on gioven scior, pien de dance,
 Ma a fall savè l'è staa ona bella ciolla;
 Perchè Pigmalion, fradell de lee,
 Ciappaa de l'avarizia e de la golla
 De sgraffignaghi tucc, quand l'ha poduu,
 El gh'ha taccaa pu d'ona brugna al cuu.

Finalment sto birbon, ch'el le vedeva
 Giust volentera come el fum ai œucc,
 E che per fa i sò gabol el voreva
 Tira-sel al pu prest fœura di œucc,
 Coss'hal faa lu? Me l'ha curaa che l'eva
 In orazion su ona brella in genœucc,
 Pattatin, pattaton, gh'hoo s'cess a dill,
 El me l'ha traa li mort con tant de still.

La povera Didon che sa nagotta,
 Nè la pensava a quest gnanch per insogn,
 Vedend pu sò mari, la resta in botta,
 Savend che no l'è omm d'avegh mascogn;
 Ma lu l'ha studiaa la magalotta
 De fa cred ch'el gh'avess di donn de fogn,
 E a sta manera chi l'ha menaa via
 La povera Didon per strasciarìa.

Quand el pom l'è madur, bœugna ch'el croda;
 L'è inutil, el proverbi el parla ciar.
 Ona nocc che Didon l'è in lecc, che nodà
 In di penser cattiv, te ghe compar
 L'ombra de sò mari con faccia soda
 Che, dopo d'avè traa su fort on sgar,
 El ghe fa ved i zaff che gh'eva faa
 In del cœur quell sassin de sò cugnaa.

E li el ghe dà el parer de no fermass,
 De scappà via e de scondes pesg che in pressa:
 E perchè dove l'andarà a cascias
 La possa mantegniss de prencipessa,
 El gh'ha insegnà d'andà sott a on cert sass
 A toèu el tesor che l'ha mettuu in soppressa,
 Con la mira che avcva fraa Zenever
 De mett inà quejcossa per la fever.

· Sto lavativ vegnuu tra cap e coll,
 Auch ben che on poo assossenn ghe rincressess,
 El gh'ha faa perd cont el stremizi el foll,
 Per fà gambetta in quell moment istess:
 La toèuss su el bell e el bon, e a rompicoll
 Lee e i Tiries che l'ha poduu trà appress,
 S'hin casciaa su di nav dent a rebell,
 E li via, vatt a fà strascià cappell.

Cont on bon vent quij nav volen, e vegnen
 In sto paes che chì, dove tra pocch
 El vedarà di ingegnee che dessegnen
 De fà ona cittaa nœuva cont i fiocch;
 I Tiries chì tant ghe se mantegnen,
 E van adree a slargass a pocch a pocch.
 Ma lu mò, in grazia, se porrav savè
 De dove el ven, in dove el va, e chi l'è?

Eneja el trà on sospir grand de sta posta,
 E pœù el dis: Sciora, nuu vegnem de Troja:
 In mar gh'emm avuu semper quej battosta,
 Vuna adree l'oltra, a fann fa vitt de boja,
 E in fin semm staa buttaa ch' in su sta costa;
 E se no succed olter che me imbroja,
 Pensi d'andà in Italia, e pettamm là
 Al post che Giove el m' ha volsuu fissà.

Eneja l'è el mè nom, e giugarav
 Che la sa già chi sont, e chi è mè pader.
 Semm scappaa via de Troja con vint nav,
 Tegnend la straa ch'ha ditt Vener, mia mader;
 Ma adess hin domà sett, e ghe dirav
 Cheanch quist el parche sien staa in mandilader;
 Ma mi ch' in sto desert troo via i pass,
 Nè poss mettem che a fà l'œuli de sass.

A senti sti descors la deja Venera
 Ghe balla el cœur, e no la pò pu resg,
 Che l'è el sò cœur on fœugh sott a la scenera
 Quattaa giò cont el test d' on quej lavesg;
 Pur la ghe dis con vos pietosa e tenera:
 Nà, ghe podeva fors succed de pesg,
 Che nol se cascia minga, e ch'el s'imagena
 Che gh'è domà duu pass a andà a Cartagena.
 Ch'el trotta là; pœù quand l'è là, ch'el vaga
 De la regina a fagh salamelecch;
 Là el trovarà i nav pers, e in quest ch'el staga
 Pur sicur, chè ghel doo per forment secch:
 Hoo studiaa a fà i gabol d' ona maga,
 E se no hoo faa ona gabola del tecch,
 Mi d' on cert vol de usij hoo poduu ved
 Quell che ai sœu nav aveva de succed.

In quella solta foèura dè la testa
 De Vener on ciaror a l'improvvista,
 E la spariss, ma con su on'oltra vesta
 Piena d'or e de gemm che tocù la vista,
 Lassand indree on odor acutt che pesta
 D'acqua de gessumin e de rœus mista.
 Già Eneja quand l'ha vist quella sciorina,
 El l'eva ditt che gh'eva sott cantina.

Ah cara mamma, el dis, sii tant crudela
 De fav ved travestida in sta manera,
 E poèù damm on sghimbiett? Ma catt, com'ela
 Che poda mai vedev propi davvero?....
 Ma cossè fal con sti lolli lollela?
 Se la gh'è pu, no occorr ch'el se despera.
 Douca patocch e sloffi col sò Acatt
 A la cittaà pass pass el se le batt.

Vener, che l'è lì intorna che je scolta,
 Senza che vun nè l'olter s'accorgessen,
 I ha contornaa d'ona scighera folta,
 Fasend quest con l'ideja che podessen
 Sentì tutt per savè menà la polta,
 E vedè tutt, ma senza che i vedessen:
 Se no la fava insci, ghe andava adree
 Tucc i bagaj a fa turee turee.

Poèù ditt e fatt senza dì biff nè baff
 Venera in d'ona nivola per aria
 La trotta a Cipro in la cittaà de Paff,
 Che l'è la residenza soa ordinaria,
 Dove cobbiada insemma ai sò schignaff
 La fa i sœu conclusion, e la se svaria
 Coi amoritt che coi ghirland de fior
 Ghe van intorno a fagh sentì l'odor.

Eneja e Acatt adree a on sentee sei
 Su on montesell che guarda la cittaa
 De li veden i torr e i mur che fan
 In lœugh de quij besasc ch'hin deroo
 Veden a fà i palazz, e i arch che tra
 E tucc a dragonà comè dannaa,
 E veden anca ch'hin adree a fà on s
 Per fà on gran port de mettegh dent

Insci fa i avi in primavera anch lo
 Quand volen in di praa coi soeu fioeu
 Che trusciant e fasend on gran sussor
 Part se triga a fà el mel in di bisœu
 Part stà a regœuj o a ricev i erb e i
 Che ghe porten su i olter a basgiœu,
 E se unissen pœù tucc in battaglion
 Per cascia via i vesp e i galavron.

Oh fortunaa vujolter Tiries,
 Eneja el dis, che almanca podii ved
 A nass e cress i voster cà e i vost ge
 E viv quiett su quell che pò succed!
 Intant van in cittaa sconduu e difes.
 De la scighera, e, el par roba de no
 Passen in mezz a tanta gent follada
 Senza tœù su on button nè ona spall

In mezz a la cittaa gh'era on bosc
 In dove i Tiries, scavand quell sit,
 Ghe trovènn sotterraa comè in secrett
 On gran coo de cavall peraa polit.
 Giunona el l'ha preditt; sicchè in effl
 De quell coo l'han capida a mennadi
 Che cont el temp el popol de sta ter
 El se sarav faa on gran onor in guerr

Giust in quell bosch la regina Didona
 La gh'aveva faa dent ona gran gesa
 A gloria e onor de la deja Giunona,
 Con tutta magna, e senza guardà a spesa,
 Con la statoa de bronz in d'on'ancona
 Che la var cert tant or come la pesa,
 La scalinada e i port de bronz tant bell,
 Che quij che passa caven el cappell.

El va Eneja in sta gesa, e gironzand
 El speccia la regina che la vegna;
 E intant el se tratten esaminand
 El gust d'architettura che ghe regna;
 Quand'el s'imbatt a ved di quader grand
 Con di figur che spiega e che dessegna
 'Tutt la guerra de Troja e la soa fin:
 Oh chi l'è dove el par propi on crosin.

Car el mè Acatt, el dis, guarda mò on poo
 Com'hin vegnuu fina a sto segn lontann
 I notizi che i Gregh n'han rott el coo,
 E che n'han faa soffrì tanci malann!
 Vedet quell re de Troja? te diroo
 Che l'è Priamm, no gh'è de dubitann:
 Se chi donch se compiangen i Trojan,
 Emm de sperà d'ess capitaa in bonn man.

E seguitand a esamina i pittur,
 Là el ved quand i Trojan fan scappà i Gregh,
 E chi i Gregh sott a Troja a scala i mur
 E a mett sottsora el popol tutt intreg;
 El guarda attentament tucc i figur,
 E el ved o ghe par propi de vedegh
 I fatt pu principal, cont i ritratt
 De color che l'han faa diventà matt.

Là el ved el camp del re di Turch Ores
 Ch'era vegnuu per juttà i Trojan,
 Ma che pœù Diomed el l'ha sorpres
 De nocc e in del prim sogn senz'arma in man,
 E el gh'ha traà li tucc i soldaa destes
 Comè fan a assa brutta i mazzacan;
 E pœù el gh'ha menaa via tucc i cavaj,
 Perchè i sò Gregh podessen doperaj.

De li el ved Trovcl, sò parent anch quell,
 Che avendegh gnanmò succ el camiscœu
 L'ha volsuu sfidà Achill in d'on duell;
 Ma essend staa ferii a mort, pover fiœu,
 L'ha stimaa ben de fà parent de quell,
 E montà in ghicch per andà a fà i fatt sœu;
 E el ghe se ved là dent bell e tiraa
 Ch'el perd el sangu sui pagu e adree a la straa.

Ll'apress on rosc de damm trojann l'osserva
 Umel e magonent con giò i cavij,
 Vestii che paren fiœu de la serva,
 Che battendes el stomegh coi quadrij
 In genuggion presenten a Minerva
 On sciall recamaa tutt a fior e usij:
 Ma lee, che no la vœux vedè quij facc,
 La ghe sgiacca quell sciall in del mostacc.

Pœù el ved Ettor, fiœu del re Priamm,
 Taccaa coi gamb dedree al birocc d'Achill,
 Che, dopo avell ligaa comè on salamm,
 Cont on cœur pesg de quell d'on cocodrill,
 El l'ha strusaa a gran corsa quell infamm
 Attorna ai mur de Troja per fornill,
 E in fiu l'ha venduu el corp de quell meschin,
 Come se fa in Verzes cont i pollin.

El ved su l'ultem quader finalment
 Lu istess taccaa coi Gregh pu valoros,
 Contornaa de Mennon, re d'Orient,
 Ch'el gh'ha adree on corp de truppa numeros,
 E in l'oltra part scortaa d'on reggiment
 De Amazzon, ch'hin donn fresch e coraggios,
 Che van vestii mesz d'omm e mezz de donna,
 Con l'arch in man e i frizz in la patronna.

Intant ch'Eneja el guarda e el se conforta
 On poo con rabbia e on poo con del magon,
 El ved a vegnì denter de la porta
 La regina vestida in gran poncion,
 Con paricc damm e cavalier de scorta,
 Che va a settass sul trono in cardegon,
 Per dà udienza, e provved, e dà via i post
 A quij che gh'han di impegn, o hin taccaa ai cost.

E dopo el ved a comparì ona folla
 De quij Trojan che l'eva creduu pers:
 A sta vista ghe manca la parolla,
 Anca perchè je ved patocch e invers;
 El vorav fass cognoss, e in quest el molla
 Acatt anch lu, ma pensen pœù divers,
 Stimand mej che la nivola je quatta
 Fin che san cossè buj in la pignatta.

Vegnen presentaa tucc a la regina:
 E Lionee, che l'è el pu vecc de tucc,
 Zellenza, el dis, ch'el ciel el le destina
 A stà chì a tegnì in riga i coo de brucc
 Che fan superciarij, per trà in ruina
 Anch quij che no ghe n'ha per el gran succ;
 Intuitù de quest semm chì, eccellenza,
 A supplicalla d'ona provvidenza.

Nun semm Trojan che, viaggiand sul mar,
 Ona borrasca la n'ha traa chì in tocch:
 El popol ch'è a la riva el n'ha ditt ciar
 Ch'el vœur brusann i nav, domà sto pocch!
 Sciora, semm gent d'onor, nè emm el gatar
 De vegnì a fà man bassa con di scocch,
 Nè manch de rebuttà: poss deciaramm
 Che in nun no regnen sti penser infamm.

Andavem vers l'Italia coi compagn,
 Quand la borrasca la n'ha sparpajaa;
 E nun semm staa sbattuu chì in sti campagn:
 Ma in che razza de gent semm capitaa,
 Che con desgarb refuden fina on scagn
 De settass giò a nun pover desgrazaa?
 Che se regorden che no semm de strasc,
 E che in fin el Signor l'ha longh i brasc.

Adess ghe cuntaroo: l'ha de savè
 Che on cert Eneja, che l'è on omm de valia,
 Giust e dabben, che tratta comsedè,
 El comandava su la nav miralia;
 No semm pu dov'el sia: ma se anmò el gh'è,
 E s'el pò san e salv rivà in Italia,
 La vedarà ch'el sarà miuga ingrat
 Ai favor che avaremm in de sti stat.

El sarav el prim noster desideri
 De podè tirà a riva i noster nav,
 E la ne permettess anch, come sperì,
 D'avè coi nost danee ciòd, ass e trav,
 Tant de pezzà quij nav ch'hin in miseri;
 Perchè, se al cas el trœuvem nò, vorav
 Che andassem in Sicilia bell e prest
 A ricev i bonn grazi del re Acest.

Didon, con gravitaa e con grazia insemma,
 La dis: Trojan, no avl de tœuv ombria,
 No ve scoldee la pissa, ma abbiee flemma.
 Se i mee guardi ai confin v' hin vegnuu via
 Coi cattiv termen, l'è perchè gh'emm temma
 Che ne sia faa ona quej superciaria,
 Chè essend quest on regn nœuv, pò dass el cas
 Che quej brigant voress cascigh el nas.

Del rest credii che semm tucc ben al fatt
 De Troja, di Trojan, del sò valor,
 E che sto popol, anch ch' el sia monatt,
 El sent la compassion, el sent l' onor.
 Se vorii andà in Sicilia, andegh pur: catt,
 Pensaroo mi a dav quell che ve pò occor:
 Ma se vorir fermav in sto paies,
 Starii de bon fradej coi Tiries.

E magari fuss chì anca el vost Eneja,
 O savess dove el poda capità:
 Ficoej, no ve fee minga maraveja
 Se mandi intorna i pagg a fall cercà
 Per fà che con tucc lor el sé conseja
 Su quell che poda convergnigh de fà:
 S'el trœuven, ve prometti in vos e in scritt,
 Ch'el mandi a tœu coi tambel e i trambitt.

Sentend Eneja e Acatt sti bej paroll,
 N' even assee de stà a la musiroeura.
 Ghe dis Acatt, trandegh i brasc al coll,
 Ovej! i nost compagn hin soltaa sœura,
 E hin tucc chì in salv coi nav, asca quell soll
 Ch'emm vist a borlà in mar prima ch'el mœura;
 Donch quell ch'ha ditt pocch fà la toa mammin
 El s'è verificaa propi a pontin.

Se ved in quella a desrariss bellbell.
 E spari la scighera che je quatta ;
 Eneja el compar li comè on usell
 Che sia scappaa di ong d'ona quej gatta.
 Resten li tucc de marmor a vedell ;
 Ma lu, savend già ben come se tratta ,
 Subet el se presenta a la regina,
 E col cappell in man el ghe se inchina.
 Ecco, el dis, quell Eneja che la vœur,
 Eccol salvaa del mar per on miracol:
 Ma lee mò che graziosa e con tant cœur
 La se interessa per nun pover bacol
 A segn de pettà fœura i sò parpœur
 Per alloggiann con tucc i nost trabaccol,
 Cossa vœurela mai che mi ghe diga?
 No poss che digh, el ciel le benediga.

Car Signor, come podem insci sbris
 Compensagh i favor come conven?
 A portagh di regaj, me sa duvis
 De fagh on tort, e che farev on pien:
 I pover mort e i sant del paradis
 Savaran mej lor rendegh ben per ben,
 E fagh senti in del cœur el gust di grazi
 Che la ne fa in sollev di nost desgrazi.

Oh fortunaa sto secol che l'insegna
 Che ona regina ha d'ess benefattora;
 Sia benedetta la pariglia degna
 Di genitor che han miss al mond sta sciora!
 Per mi pregaroo el ciel ch'el le mantegna
 In salut fin che vegna la sov'ora.
 Ditt quest, el sporg la man a Lionee,
 E pœù el brascia su i olter ch'è dedree.

Didon, vedend Eneja insci a assa brutta,
 La restè come quell de la mascarpa;
 La s'è sentida a vegnì freggia tutta,
 Talchè la s'è tirada su la sciarpa;
 E vedendel redutt insci a la frutta,
 La se sent propi el cœur ch'el ghe se scarpas
 In fin, dopò d'avell ben squadraa in cera;
 La solta su a respond in sta manera.

Lu, fioeu d'onà de ja, el s'ha de ved
 Comè on strasc de la polver su per su?
 Lu donch l'è Eneja, unegh fioeu e ered
 De quell Anchis che cred ch'el ghe sia pu?
 D'on princip de sta sort s'ha mò de cred
 Ch'el sia in stat d'andà attorna a cercà su?
 La soa persona la m'è minga nœuva,
 E ch'el me scolta che ghen doo la prœuva.

Teucher de Salamina, dopo ess staa
 Casciaa via de cà soa per on beschizi,
 L'è capitaa a Sidon, e l'ha pregaa
 Mè pader de permettegh in servizi
 De podè mett giò in Cipro el consolaa
 Per retirass, e viv a sò caprizi:
 Allora l'è staa quand l'ha svojaa el goss
 E de Eneja, e de Troja, e de tussoss.

Allora hoo anca sentuu Teucher istess
 A menzonà i Trojan per gent de vaglia,
 E anch che con lor tant bon sangu nol gh'avess,
 Pur semper el diseva che in battaglia
 Quant a valor de mett pagura e s'cess
 No gh'era barba d'omen che jè eguaglia:
 E de pu el se vantava con la gent
 D'ess coi re vicc de Troja on poo parent.

Basta inscì per adess: alto, alto andemm,
 I mee car giovenott, al mè palazz:
 Anni sont stada a ris'c d'andà a patremm,
 Di desgrazi n' hoo avuu de tucc i razz;
 Ma sont vegnuda pœù ancami al tandemm
 De salvamm chì, dove comandi a brazz,
 E i mee desgrazi istess m'han insegnaa
 A soccorr e proteggh i desgraziaa.

Ditt quest, la ciappa Eneja per la mau
 E el le menna in d'on bell appartement:
 La manda al mar per sagollà i Trojan
 Tra mauz, porch e vedej circa on tresent;
 L'ordenna cors de barber e de nan,
 E l'illuminazion coi torc a vent,
 E che on gran pranz sia prest miss a la via,
 Servii in or e in argent, con sinfonia.

Ma Enea, che in mezz ai trusc el gh'ha el coo a cà,
 El gh'ha sul cœur el sò bagaj Ascaui,
 Che no vedend sò pader a tornà,
 Fors nol vegna a stremiss e dà in di smai;
 El prega donch Acatt subet d'andà
 A digh che no è success nient de strani,
 E de portaghel li magara in brasc
 Per sentill a dè su i sò resonasc.

Pœù el dis de portagh su per dà a Didona
 Quell zendalin cont el scossaa de zizz,
 La rama de fior secch fada a corona
 E el lavativ sul piatt d'argent mazizz
 Che usava la regina d'Iliona
 Quand la sentiva in de la panscia i flizz,
 E anca el vell de tull bianch recamaa in seda
 Ch'ha donaa a Lenna la regina Leda.

Venera, che l'è scrocca fina ai oss,
 La stà minga coi man sul consolaa:
 La vorav che Didon sora tuttoss
 La gh'avess per Eneja el cœur brusaa,
 E che Giunona, che ghe l'ha sul goss,
 No la cercass de fagh de l'olter maa;
 Sicchè la pensa a securà la balla
 Col pientà on trabucchell de innamoralla.

La va donch del sò tos, el dia d'Amor,
 E la ghe parla inscì: Sent, già te see
 El motiv de la rabbia e el mal umor
 Che gh'ha Giunona a Eneja, e quant colee
 L'ha già faa per mandall al creator
 Denanz rivà in Italia a mett giò i pee.
 Adess mò, sét, la regina Didona
 Ghe l'ha in cà soa fasendegh la mignona.

Mi no soo cossa pò succed de quest;
 Ma, caro ti, mi sont comè in di penn
 Che Giunona la ciappa on quej pretest
 Per bolgiram Eneja, e fann di scenn;
 Vorev donch che t'andasset ti, ma prest,
 De Didona a scoldalla su assossenn,
 Per falla innamorà d'Eneja a segn
 De no podè spartiss gnanch cont on legn.

Come t'abbiet de fà, tel disi mi.
 Ascani adess l'ha de andà de Didon
 A portagh di regaj: mi faroo inscì:
 El scondaroo a fà on sogn in quej canton
 Per no ch'Eneja el l'abbia de scovri;
 E ti che te see minga di mincion,
 E Ascani tel cognosset, adrittura
 T'ee per sta nocc de fing la soa figura.

Ti in lœugh de lu te andaree a tœù i regaj,
 E tej daree in persona a la regina,
 Che te la trovaret a menà baj
 Settada appress a Eneja ch'el gingina ;
 Lee, tirandet in scoss comè on bagaj,
 La te basottarà su la bocchina ;
 Ti allora , gaboland coi tò artifizi ,
 In quell moment te ghe faree el servizi.

L'Amor el scond i alett e el se trasforma,
 Ch'el par Ascani li spuaa spuisc ,
 E Venera in d' on' ombra la se forma
 Corrend de Ascani a fà quell tal menisc:
 El le trasporta a Cipro, e perchè el dorma
 La scerna apposta ona gran bella nisc,
 El le ponda su on vas de maggiorana ,
 E la stà li a curall ch'el faga nana.

L'Amor el va adree a Acatt, e lu el le menna
 A cort de la regina col regall,
 E el riva giust in temp a malapenna ,
 Che se metten a tavola , a portall.
 Didon se setta su on sofà de penna
 Con su la quattadura de percall ;
 Appress a lee gh'è Eneja, e van dopò
 I olter Trojan sui tamboritt ponsò.

I servitor con su i livrej pu ricch
 Presenten l'acqua ai man e i serviett ,
 E i camerer porten i zest de micch
 Fiorentinn e franzes , trezzaa e boffett ;
 Cent pagg e cent tosann vestii in gran spicch
 Fan i portad , e metten i tond nett ;
 Intant dent in di sal gh'è ona calchera
 De quij ch'han i beliett per la ringhera.

Guarden i Tiries con gran premura
 Quij coss ch' ha portaa Ascani, e tucc en loden
 El valor, e el bon gust de la fattara,
 E sora tutt se fan stupor, e goden
 A ved la grazia e la bella figura
 De quell bagaj; ma in l'istess temp anch poden
 Capì che tra el regall e el tos tant bell
 Didon l'è tra l'incusgen e el martell.

El fint Ascani, dopo ess staa on bell pezz
 Ben taccaa al coll d'Eneja coi manitt,
 El va de la regina a fagh carezz,
 E el ghe ten fiss in faccia i bej oggitt:
 Lee, trasportada a ved quij tenerezz,
 La se le tira in scoss a fagh basitt.
 Ah povera Didon, se te savissct

Chi l'è che te gh'ee in scoss, te tremarisset!

Ma quell finton d'Amor, che ghe stà a cœur
 De servì la soa mamma cont i fiocch,
 E ch'el sa ben che in de sti coss ghe vœur
 Di bonn simonarij e di bonn scocch,
 El fa tant e pœù tant che in del sò cœur
 Didona la gh'ha on fœugh minga de pocch;
 La pensa pu a la mort de sò mari,
 E ghe ven vœuja de no stà pu insci.

Fornida appenna la prima portada,
 S'è impii i biccier col vin de la ciavetta;
 I cvviva e i sbragg se senten fina in strada,
 E in quell moment deventen tucc poetta;
 Dopo ch'è staa la sala illuminada,
 Didon la ciappa in man ona tazzetta
 Piena de vin de Cipro, e col didin
 La fa sega de stà zitto on momentin.

Giove, la dis, che in di vost legg stà scritta
 Quella de fà del ben ai desgraziaa,
 Fee ch'è sto dì, el pu bell de la mia vitta,
 Sia quell che ingura i nost felicitaa.
 Tì Bacch, mercant de vin e d'acquavitta,
 E anch vu Giunona trenn giò insemma on faa;
 E vujolter Tiries, sgonfiand la piva,
 Fee che se senten a fiocchè i evviva.

Dopo sto bríndes col biccier, la voja
 Quatter gottinn de vin su la tovaja,
 E la passa el biccier a chi no soja,
 E anch quest in del ciappall el ne sparpaja,
 E poèù tutt in d'on faa se le strangoja
 Lassand scappà di lávor la brodaja:
 E i olter tucc, senza gnanch di jesuss,
 Tran al coll i peston, e inscì ghen fuss.
 : Soltè poèù scœura on improvvisador
 A cantà i istori de Guerrin meschin;
 Poèù duu bositt a fass senti anca lor
 Coi bosinad sul carnevaa e sul vin;
 Finalment l'è compars a fà sussor
 La troppa del Tirazza e poèù on orbin
 A cantà su cont el cappell in mai
 La gran lienda de sant Ballaran.

Intant Didona, che la sa nagotta
 Di malefizi che gh'ha faa quell piva,
 La se sent per Eneja giamò cotta,
 E già ghe corr per bocca la saliva:
 La trà per lu sospir e oggiad che scotta;
 De lu semper la parla, e mai la riva
 A vess contenta de' savenn l'istoria,
 E tucc i salmi van a fornì in gloria.

In fin la dis: Soo già che l'è sett agn
 Che la sfortuna la le menna a bev;
 Ma gh'hoo appenna on'idea di sò dagn;
 Donch se no ghe rincress, el pregarev
 De informamm ben de tucc i sò campagn,
 E particolarment aggradirev
 De savè propi ben come l'è stada
 Che i Gregh hin andaa in Troja, e l'han brusada.

LIBRO SECONDO.

Staven lì tucc con tant de bocca averta
 Per senti Eneja a comenzà l'istoria,
 E la regina anch lee la stava a l'erta
 Chè nissun no vegness a romp la gloria;
 E per fagh spiret, la ghe fa l'offerta
 D'on biccerin che jutta la memoria:
 Lu el se alza in pee senza pu fassel di,
 E umel e respettos el parla inscì:

In somma lee on tantin la me comanda
 De' digh come la fu, come l'andè
 La destruzion de Troja, e la borlanda
 De no avè pu nagotta del fatt mè.
 La mia disgrazia, vedela, l'è granda;
 Domà a sentimm, l'ha de scaggiass comè,
 Chè hin robb, per bio, che mettaraven s'cess
 Anca a quij can di mee nemis istess.

Ma anca ben che la nocc sia già vanzada
 E che ghe possa vegnì quij de Pisa,
 E anch ben che senta a damm ona stoccada
 Col regordamm de chi m'ha traa in camisa;
 Pur se la vœur senti come l'è stada,
 Cosse vœurela, sciora, che ghe disa,
 La serviroo, mettaroo giò la s'cenna,
 Ghe direo tutt anch con la panscia piennà.

Stuff, sacc i Gregh de no avè mai poduu
 Metten giò nun Trojan dopo tanc agn,
 Han gaminaa de fà, sti becch fottuu,
 On cavallon, ch' hoo mai veduu el compagn,
 Tutt de ass unii ben e ben strengiuu,
 Senza crepp, senza bus nè olter magagn;
 Domà a toccagh la panscia, andà a descor,
 Ghe voreva di scal de paradòr.

Coss' han faa lor? Han faa poeu corr la vo
 Che avend resolt de stà con Troja in pas,
 Han volsuu fà a Minerva on att grazios
 Col fagh sto vot che l'era propi al cas;
 Ma el fatt l'è che quij birbi malizios
 Gh'han impii i gamb, la panscia, i ciapp e el nas
 De soldaa di pu fort e pussee scrocch,
 Tucc ben armaa de sciabel e de stocch.

El gh'è in faccia de Troja on' isoletta
 Che temp fa l'eva de reson de nun,
 Ricca assossenn, e di Trojan protetta,
 Ma adess l'è diventada on lœugh comun,
 Perchè la gh'ha ona riva maladetta
 Dove no pò mettes in salv nissun.
 Che la tœuja mò, i Gregh secretament
 Ona nocc s' hin sconduu giusta là dent.

Nun emm creduu che ciappand l'aria bona
 'ussen andaa color a fass squartà,
 icchè tucc compagna de quij che sona
 emm vegnuu fœura aлегher a guardà
 dove se s'hin battuu a la bolgirona,
 e dove i soldaa staven a loggia;
 e in del quarter d'Achill emm vuu el caprizi
 che andagh dent per despresi a fà el servizi.

Intant paricc che stava intorno in croeucc
 quell cavall, disend che lì l'imbroja,
 in del bell parer tucc quij linœucc
 che convegniss de menall dent in Troja;
 la quij che aveven pussee longh i œucc,
 lan ditt inscambi de mandall al boja
 col pizzagh di fassinn de sott al venter,
 e almanch sbusall per ved cossè gh'è denter.

Ma intant che stan sti duu partii in contrast,
 volta in mezz Laocoont con del sussiegh;
 l'iceuj, el dis, sii propi asen de bast
 e dà scolt ai regaj che fan i Gregh;
 sta macchina l'è fada per dà el guast
 a sto paes, e per spià e vedegh
 stand avolt cossè femm in la cittaa,
 e fors gh'è sconduu denter di soldaa.

In quella el dà ona botta con la picca
 a gran forza in la pancia del cavall,
 che a sto gran colp l'ha rebombaa a la ricca,
 e el pars che dent ghe borlonass di ball:
 se era lì mi, el diavol el s'impicca
 se no ghe dava dent a squinternall,
 E allora fors, e senza el fors sigura,
 sera anmò in Troja a fà la mia figura.

De lì on poo rivè on mucc de paisan
 Cont on gioven in mezz patocch patocch,
 Che l'è borlaa, ma apposta, in di nost mau,
 Confessand che lu l'era on pover sbiocch,
 E che per guadagnass on poo de pan
 L'eva promiss ai Gregh, giugand de scrocch,
 De arvigh i port de Troja a mezzanocc
 Per sorprend i Trojan e dagh di strocc.

Tutta la gent la ghe se folla intorna
 Per vedè sto birbon cattaa sui œuv;
 Chi ghe spua in là faccia o ghe fa i corna,
 Chi el le buttona per vedell d'apprœuv;
 E lu, fingendes come on locch e on storna,
 El se lassa fà tutt e nol se mœuv:
 La senta mò cossè l'ha ditt sta porca;
 La capirà se i Gregh no hin gent de forca.

Costù appenna el s'è vist in mezz a tansc
 Che per sentill ghe staven tucc al pel,
 Fingend de avegh el trèmer e de pianse,
 L'ha traà on sospir e l'ha alzaa i œucc al ciel,
 Pover mi, el dis, che serven i mée sciansc?
 Che speranz gh' hoo in del mè cas crudel?
 Se torni a cà, l'è on pal che in cuu me ficchen,
 E se stoo chì, sti sciori già m'impicchen.

I Trojan, ch'han el cœur de Milanesc,
 Gh'han mò creduu, e s'hin most a compassion,
 Sicchè ghe fènn su spiret; e cortes
 Ghe dènn anca ona tazza de vin bon,
 Disendegh ch'el cantass ciar e dèstes
 La soa patria; el sò nom, per che reson
 L'è vegnuu a fass nost presoner apposta;
 E lu allora el ne molla sta risposta:

A dess ch'hoo ciappaa siaa, car sciori, in grazia
 Che me scolten, che sont per ubbedij.
 Mi hoo nom Sinon, e el ciel per sova grazia
 M'ha daa on-bon pader e di bon fradij:
 Confessi che sont Gregh per mia desgrazia,
 E che sont poverett; ma de bosij,
 Che staghèn cert in su la mia parolla,
 Che no sont bon de dinn. (Guardee che tolla!)

Avaran sentii fors a menzonà.
 On tal che se ciamava Palamed,
 Che han volsuu i Gregh mandall al mond de là
 Cont el pretest d'avegh mancaa de fed;
 Ma el motiv l'è che nol voreva fà
 La guerra contra lor: ma adess mi cred
 Che trovandes i Gregh a on gran brutt pass,
 Avraven geni ch'el resuscitass.

El mè pover papà, jesuss per lu,
 Che con Palamed l'era in parentella,
 Vorend ch'el me insegnass i sò virtù,
 El m'ha consegnaa a lu; quand sont staa a quella
 D'ess vegnuu grand, el m'ha volsuu condù
 Con lu in guerra a fà el vappo con la mella,
 E fin che l'è scampaa quell omm, mi poss
 Dì che sont staa consideraa quejcos.

Ma quand el poverin l'è restaa mort
 Per tradiment de quell birbon de Uliss,
 Piangend, no fava che inguramm la mort,
 E me lassava ved gnanca di biss:
 Avend poèù ditt a tucc che se per sort
 Quand manch el pò pensagli me reussiss
 De inzanca Uliss, voreva fann tonina,
 Lu el cercava de mettem in berlina;

Disend che sera matt, e che per quant
 Sparlass de lu, sera on bosard infamm;
 E el studiava di gabol intrattant
 Per tiramm in bordell, e per giugamm;
 Fina che l'è rivaa anch on cert Calcant
 De serviss a fornì de bolgiramm:
 Ma cossa serva a cuntà a lor sti baj,
 E che ghe secca tant i baravaj?

A lor sciori ghe basta de savè
 Che mi sont Gregh nassuu in cattiva luna;
 E se coi Gregh lor ghe l'han su comè,
 Che me cascen pur subet in comuna,
 E che me impicchen pur a sò piase,
 Che mi l'avaroo semper per fortuna
 D'avej servii a sò geni come sperì,
 E quest l'è anca d'Uliss el desiderì.

Chì inscì el fè pont, bassand el coo modest,
 Fingend de stà a speccià d'ess impiccaa:
 Ma nun, che no pensavem minga a quest,
 Gh'emm ditt che avravem mej desideraa
 Ch'el seguitass a cuntann tutt el rest
 Di raggir di sœu Gregh matricolaa.

Lu, fasend mostra d'ubbedì per temma,
 El parlè inscì cont ona vos che tremma:

I Gregh, stuff de sta guerra mai fornida,
 Voreven torna a cà per mudà l'ari,
 Ma gh'han vuu semper ona quej puvida,
 Semma i borrasch, e semma i vent contrari;
 E fina quand la truppa s'è incazzida
 De vorè pettagh chì sto lampedari,
 L'è soltaa voltra on temporal tant brutt,
 Che han dovu corr a scondes de per tutt.

Subet ch'è staa fornii quell temporal,
 an mandaa a ved cossè diseva Apòll.
 d'on moment l'è torna indree quell tal,
 isend ch'el s'è spiegaa con sti paroll:

Don la mort d'ona vergena vestal
 Gregh hin vegnuu a Troja a rompicoll;
 Se on mas'c adess vorran sacrificà,
 Gh'ayaran on bon vent per tornà a cà.»

Sentend sta poca, allora s'hin miss tucc
 tremii e immobel a guardass in faccia;

Uliis anch lu, fingend d'ess in di gucc
 er savè minga a chi molà sta caccia,
 l fa ciamà Calcant, e li succ succ
 ont aria el ghe comanda e el le minaccia
 he come strolegh tocca a lu a dà foëura
 quell tal ch'el ciel l'ha destinaa ch'el mœura.

Tucc han capii de quell birbant la gabola,
 diseven: Sinon, guarda el fatt tò;

la Calcant (guardee mò che cossa el gabola)
 l mett la s'cenna al mur e el vœur dill nò:

Uliis in furia, e desfodraa la sciabola,
 el ghe intima de dighel, se de nò....

Ma allora el canta subet ch'el destin
 l'è mi ch'el vœur che vaga in angerin.

Appenna di, l'eva già li tutt pront,
 l m'even quattaa i œucc cont el panett;

Ma mi, el confessi, l'è staa quand me sont
 determinaa de dagh on bell sghimbiett,

l camminand sont soltaa giò d'on pont
 ter andà a scondem dent in di cannett,

l sont staa li comè on gattin quacc quacc,
 ma che hoo vist i Gregh a fà viacc.

Intant mi soo che hoo persa la speranza
 De podè tornà a ved i mee fioeu ;
 Mā sora tutt me dœur anmò la panza
 Minga per vess scappaa di Gregh incoeu ,
 Ma perchè lor ponn fà pagà in sostarza
 El mè delitt a quij mee car borlœu.
 Ah , sciori , che compiangen el mè cas ,
 E , se ponn , che me lassen viv in pas .

Sti paroll n' han faa tant inteneri ,
 Che volentera gh'emm donaa la vitta :
 Gh'emm ditt de pientà i Gregh e de stà li
 Con nun ch' el trattaremm com' el meritta ,
 Ma el disess se el cavall che han lassaa lì
 L'era on sega de fortuna o de desditta ;
 Se l'era ordegn de guerra , e se de dent
 Gh'era ona quej gamina o tradiment .

Sinon cont el coll stort de basamur
 El volza i man al ciel e el dis : Signor ,
 Perdonemm se , costrett a vess spergiur ,
 Pienti ona patria che no me fa onor ,
 E se in publegh palesi i sò congiur
 Contra i Trojan : ma speri ben che anch lor
 Mantegnèn la parola che m' han daa ,
 Se col digh tutt ghe salvi la citta .

Quand comenzènn i Gregh sta guerra infamma ,
 Sperand ajutt s' hin invodaa a Minerva :
 Ma quand Diomed e Uliss han faa la tramma
 De vegnì in Troja , e andà senza riserva
 In la soa gesa a tralla a fœugh e fiamma ,
 E a robagh la soa statova ... che serva ,
 Allora la fortuna in manch de quella
 L'è quand pientandi in ball l' ha voltaa vella .

De fatt appenna missa in mezz al camp
 Sta staoa, la s'è subet inviada
 A soltà e strepità coi gamb e i sciamp,
 E a girà i œucc intorna de rabbiada.
 Calcant el dis: Semm in d'on brutt inciamp,
 E già vedi per nun la malparada:
 Tujemm su donch la staoa e tutt el rest,
 E dee a trà a mi; cavemmesela prest.

Quand l'avaremm portada là a cà nostra,
 Diremm del ben e di misereree,
 E ghen diremm fintant che la desmostra
 Che del nost pentiment la ghe n'ha assec.
 Allora, essend sicur che l'è tutt nostra,
 Semper sperand in de l'ajutt de lee,
 Podem uniss anmò fasend el sciatt,
 E tornà a Troja a dagh el foj del gatt.

In lœugh pœù de la staoa de la deja,
 Han desponuu de mettegh sto cavall,
 Ch'el fuss de sta grandezza, con l'ideja
 Che i Trojan no podessen mai tirall
 Dent in cittaa, e succed pœù la boreja
 Che lor col fagh giò i busch e festeggiall
 Vegnessen de Minerva a vess protett,
 E i Gregh andà a dormì cont on mocchett.

Che se mai de lor sciori se voress
 Trall in tocch, o mostrà d'avell in cull,
 Dia guarda, nassarav on gran smargess,
 E el regn de Troja l'andarav a sbull:
 Ma se per custodill el succedess
 Che san e salv vegnessen a introdull,
 L'era già scritt che lor even d'avegh
 El gust de mett la corda al coll ai Gregh.

Nun ciał, credendegh a sti sò bambann,
 Stavem lì insci a fagh sora i nost comment;
 Quand tutt a on bolt se sentem a visann
 De corr per andà a ved on gran spavent.
 Gh'era lì in riva al mar, lontan dò spann,
 Laocoont col pìviaa d'argent,
 Ch'el fava on sacrifici al dia Nettun,
 Scannand on bò pu gross de ses de nun.

Quand' ecco che se ved vegù vers riva
 Duu serpentasc che noden in del mar:
 Sbatten la cova e sgonfien su la piva
 Come fa i gamber miss in d' on caldar;
 Gh'han i œucc che paren torc a vent che riva;
 Trau su e pœù strangojen el gatar;
 E buttand l' acqua in aria avolt sossenn,
 Ziffolen comè quij che muda i scenn.

Nun prest tœujem su el borlo per el squitt,
 E vedem de lontan che van de slanz
 A intortiass attorna ai duu fancitt
 De Laocoont, ch'el gh'era lì denanz:
 A vedej a sbranà comè cavritt
 Con quij denciatter che pareven lanz,
 Che dolor per sò pader l'è staa mai
 Quella d'ess lì senza podè juttaj!

Tucc duu dopò camminen a stringhà
 Anca sò pader in del coll e el sen;
 Lu a tutta forza el cerca de faj stà,
 E el sgariss come on asen che ha fam ben;
 Ma lor coi denc se metten a sgrìa
 El crani e i œucc, lassandegh su el velen:
 Lu no podend resist, l'è, con rispet, t,
 Borlaa in terra a trà fœura l'ultem pett.

I serpent, fasend largo con la cova,
 Van a cà de Minerva a refugiass.
 Ognun de nun ha volsuu di là sova,
 Perchè Laocoont l'è restaa bass;
 Disend ch'el meritava adoss la scova
 Quand contra sto cavall l'ha faa tant ciass,
 E l'ha ditt che la staoa de Minerva
 S'ess de portalla anmò in la soa conserva.

Conveggen tucc su quest, e ditt e fatt
 Sbatten giò i port e i mur per fà ch'el passa,
 Per tirall dent se unissen tutt a on tratt
 Omen e donn e gioven e bardassa;
 Sonen intant la sinfonia di piatt,
 E con denanz i tromb, battend la cassa,
 Cont allegria comenzen la fonzion,
 Mettend fœura i tappee per devozion.

Quatter vœult quell cavall l'ha avuu di scoss,
 E emm capii che dent gh'era ona quej fottà;
 Ma nun balocch e ostinaa fina ai oss
 Semm andaa a cercà minga chi l'ha rotta:
 Cassandra anch lee la n'ha preditt tusscoss,
 E pur, sur sù, gh'emm volsuu cred nagotta:
 E emm seguitaa la nostra festa in Troja
 Per quij ch'even de vess i nester boja.

L'era giò el sò, l'era già vegnuu nocc,
 E squas tucc eren imbriagh e stracch;
 Sicchè, borland attorna comè bocc,
 S'hin lassaa andà sul lecc giust comè vacch.
 I Greggh coi nav, che s'eren miss d'allico
 Depos a l'isoletta che è lì attacch,
 Fan su sacch e fusella, e al ciar de luna
 Vegnen lott lott vers nun a la fortuna.

Quand hin staa appress, color han faa ona fianz-
 Che l'è staa el segn fatal del nost scompilì; (ma
 Sinon derv l'uss-ch'è in del cavall, e el ciamma
 Quij che stava dent quacc comè conili:

E se la vœur de quella gent infamma
 Savenn el nom, ghe le dirà Vergili:
 El fatt l'è che i Trojan hin daa in la stria,
 E i Gregh ghe n' han faa dent la beccaria.

Dormiva anca mi streng, quand me compar
 Ettor in sogn, zopp, sanguanaa e dojos
 Comè l' hoo vist ligaa da Achill dree al car,
 Quand l' ha traa sœura l' altem pett glories:
 L' era lì immobel come on paracar,

Smort smort, tutt sporch de sangu, e senza vos:
 M'è pars d'ess staa mi el prim a saludall,
 E de vess anch staa el prim a interrogall.

Oh Ettor, oh speranza di Trojan!

Dì su, car Ettor, cosse gh'è de nœuv?
 Dopò d'ess staa tant temp de nun lontan,
 Vegnet a portamm forse di bonn nœuv?
 Ma dimm on poo, de chi sét staa in di man?
 Coss' eel quell sangu e quij scrit lì apprœuv?
 Lu, mettendes a piang, el me se costa,
 E pœù el trà su on sospir grand de sta posta.

E el me dis: Scappa, car Eneja, ah scappa
 Intant che te see a temp, de sto gran fœugh:
 L'è ch' el nemis coi torc e con' la zappa
 A squinternà cà e tecc e a dagh el fœugh.
 Va via donch subet prima ch' el te ciappa,
 Ch' el ciel t' ha destinaa per olter lœugh.
 E in quella ch' el spariss el me dà in segn
 De soa memoria on coronin de legn.

El freccass, ch'el passava su di tecc,
 L'è staa tant s'ciasscr ch'el m'ha rott el sogn;
 Tiiri su la baretta di orecc
 E capissi che in Troja gh'è di rogn;
 In sul moment solti focura del lecc,
 E voo su la baltresca inscì de fogn,
 E vedend in cittaa quell gran fogheri,
 Me figuri el deslass e i piangisteri.

Vedi andà giò per terra i bej palazz,
 E a lusi el mar per via del gran ciaror;
 Vedi i donn a strusaj per i covazz,
 E a scannà i omen e i fiœu anca lor;
 Senti i giccol e i sgarr de tucc i razz
 Mes'ciaa col son di tromb e di tambor:
 Mi corri con la sciabla e el sangu che buj
 Per morì cont onor in quell garbuj.

Appenna che sont fœura incontrii Pant,
 Che l'eva on bravo sacerdot d' Apoll,
 Ch'el scappa coi reliqui di nost sant
 Protettor, che ghe penden giò del coll,
 E el tira adree el fiœu, che o pocch o tant
 El menna anch lu i gambett per el gran foll.
 Oh Pant, ghe disi, che speranza gh'emm?
 Corrii inscì in pressa per andà a patremm?

E lu trand on sospir el me respond:
 Ah car Eneja! Troja la gh'è pù,
 L'è ruinada tutt de scima a fond,
 E tal l'è l'intenzion de quell lassù.
 Sinon cont i sò vada e baraond
 Ne l'ha propi friccada, e adess colù
 El trà paroll de fœugh de quella bocca,
 E cojonanden el ne fa anch la mocca.

Quell' stortacoll fottuu, quell magatton,
 Ch' el n' ha faa cred che quell cavall el fuss
 Comè on vòt de trattà con devozion,
 L' è andaa sta nocc a dervigh fœura on uss,
 E a fà sortì ona troppa de birbon
 Che insemma ai olter a fluss e reffluss
 N' han ciappaa su la pissa indormentaa,
 Mettend a fœugh e fiamma sta cittaa.

Inviperii pussee col sentì quest,
 Me troo de desperaa dent in la folla,
 E adree con mi se tacchen bell e prest
 Paricc Trojan de quij ch' han bona tolla:
 E tra quist vedi, ma patocch e mest,
 Florind spos de Cassandra, che de ciolla,
 No avend volsuu cred quell che l' ha preditt,
 El s' era fermaa lì per fagh i oggitt.

Ficœnj, ghe disi, se gh' avii coracc,
 Quest l' è el temp de mostrall; vegnii cou mi:
 Già vedii Troja ruinada affacc;
 El cas l' è desperaa, bæugna morì.
 E lor, no cognossend priguer nè scacc,
 Se butten dent in mezz de quij bai
 Col cœur e l' intenzion de fann on scempi,
 E mandaj lor inanz a dann l' eserapi.

El spettascee de quella nocc tant trista
 L' inguri de vedell nemanh ai can:
 In tucc i straa gh' era ona troppa mista
 De mort e de ferii gregh e trojan:
 Se quella beccaria l' avess vista,
 Che sarav pars de ved comè in Milan
 Quand metten fœura i banch in del Verzee
 Pienn de cappon scannaa che tira i pee.

El prim che vedi che me ven in faccia
 L'è on sargent gregh cont on corpett de truppa,
 Che, toejendem per gregh, el me rinfaccia
 Che la mia gent l'è infenciscia e galuppa
 No cercand i Trojan per dagh la caccia,
 E el seguitava a dammen oua suppa.

Ma quand l'ha vist ch'el n'eva tolt in fall,
 L'ha pers la vos e el s'è strengiuu in di spall.

E come on cacciador passand di spin,
 Che senza accorges l'ha schisciaa on serpent,
 Che avenden su la pell in cinqu quattrin
 El fa quij bej scarpett in sul moment;
 Insci lor recludand passin passin
 Voreven dà on sghimbiett quietament;
 Ma nun i emm serciaa su comè la ronda,
 E i emm traa li tucc mort sott a la gronda.

El moros de Cassandra avend creduu
 Con sto fatt chì ch'el ciel ne favoriss,
 Sala cossè l'ha faa? l'ha proponuu
 De sbiottà quij Gregh mort, e travestiss.
 Sto progett anch ai olter l'è piasuu,
 E ditt e fatt s'hin miss a desvestiss,
 E a mett su i vestii gregh de man in man,
 Senza guardà se han dent di trottapian.

Prima che i Gregh s'accorgen de la ronfa,
 Nun se unissem a lor con sto vestii,
 E quand l'è staa el bell trà, gh'emmdaa ona tonfa,
 E n'emm traa li di mucc mort o ferii:
 I olter, vedend ch'el nost coragg trionfa,
 Part scappen, e part ciappen el partii
 De tornà a scondes dent in del cavall,
 Per speccia el contrattemp de tornà in ball.

De sto fatt ch'è andaa ben n'era duvis
 Ch'el ciel l'avess favorii i fatt nost;
 Ma emm vist ch'el ciel l'aveva anmò i barbis,
 E che per nun l'era gnanmò despost.
 Vedem Cassandra in mezz ai nost nemis
 Ligada comè on puj sul menarost,
 Faccia de pann lavaa, con giò i cavij,
 Che la pariva stada in man di strij.

El sò spos ch'el le ved in quell brutt stat,
 Vatt a salva, chi l'è che pò tegnill?
 El corr lì inanz a menà giò sciablat,
 Ma nun sevem tropp pocch per sostegnill.
 I Trojan del castell traven sassat
 Addoss ai Gregh, ma (me rinress a dill)
 No savend che i nost pagu eren de noll,
 Ne ciappaven anch nun tra cap e coll.

Ma pur i emm faa straved, e ghe l'emm tola
 Che l'eva asquas asquas in angonia.
 I Gregh rabbiaa e con faccia tutt stravolta,
 Ostinaa de portannela anmò via,
 Han faa su pesg che in pressa ona raccolta
 De gent de fà paura a chi se sia.
 Nun, vedend cressuu tant quij ch'el le scorta,
 Cercavem de podè ciappà la porta.

Hin soltaa sœura fina quij puttann
 Che pocch temp prima avevem miss ai strecc,
 Ch'even poduu, moland i gamb, scappann,
 E corr in del cavall per andà a tecc.
 Costor chi hin quij ch'han poèu scovert l'ingann,
 Disend che nun gh'avevem faa el despecc
 De trasvestiss de gregh, per fagh l'azion
 De tiraj con sta finta in del merdon.

In mezz a quest no gh'emm avuu pagura,
 Anch ben che cert d'avegh de lassà i oss,
 E intaitù de quest bæugna che giura
 Che se semm battuu tucc a pu no poss.
 El prim ch' ha faa la cattiva figura
 L'è staa el spos de Cassandra a stoppà on foss;
 E tanc di mee compagno, essend' staa oppress
 Del gran numer di Gregh, han faa l' istess.

Ve ciami vu, Signor, in testimoni
 Se no hoo con' del gran cœur miss là la pell;
 Se no me sont battuu comè on demoni,
 E se ancamì no ghe n' hoo faa on stragell:
 Sì l'è on dover se adess mi me desponi
 A vegniv a fà tanto de cappell;
 Per ringraziav che in mezz a sti boltrigh
 M' abbièe salvaa la panscia per i figh.

Dopo d'esses cavaa de quella zuffa,
 Sentem che a cort faven di gran voseri,
 Come che fuss nassuda ona baruffa.
 La mia truppa sentend' sto freccasseri,
 Anch ben che la fudess già saggia e stuffa
 De vedè di desgrazi e di miseri,
 L'è rivada là tutta in quatter salt,
 E vedi i Gregh ch'hin adree a dagh l'assalt.

Aveven miss intorna ai mur i scal,
 E già eren anch rivaa fina su in scima:
 I Trojan traven giò sass, copp e pal,
 I cavriad e acqua bojenta a stima:
 Aveven miss ai port di caporal
 Cont on bon corp compost d'omen de zima
 Voltaa coi bajonett per impedì
 Che no podess i Gregh fà bus de lì.

In quell moment m'è vegnuu in coo on pensee
 Che a mè cunt el pariva bell e bon.
 Saveva che in cà d'Ettor gh'è on sentee
 Dove l'andava a cort de sfugatton
 Andromeda a fa visita al messee,
 E a menagh sò fiœu a toèu el bombon.
 Mi donca e i mee compagn per quella strada
 Semm rivaa dove gh'era i camarada.

Quand sont staa dentr'hoo trovaa che mancava
 Ai nost Trojan la monizion de guerra;
 Ma vedend la gran torr che la dondava,
 E che l'era lì lì per borlà in terra,
 Emm ciappaa el contrattemp che la ballava
 De andagh intorna a scolvà sott la terra,
 E patarlagh, la s'giacca giò in d'on bott
 Adoss ai nost nemis; chi è sott è sott.

Mi credeva che sott a quella tór
 Mitaa di Gregh la fuss andaa in spettasc,
 E che redutt el numer de color
 Podessen i Trojan avè assee brasc;
 Ma n'è cors di olter pussee anmò de lor
 A mettes dent in furia in quell miscmasc:
 E i noster auca a quist ghe tran adree
 Tutt quell che ghe vegneva per i pee.

Intrattant Pirr l'era rivaa de sora,
 E el s'era miss lì franch in su la porta
 Sgonfi comè on pollin che fa la sciora,
 Coi œucc invernighent e faccia smorta;
 Fasend girà la sciabla a vora a vora,
 E guaj a chi gh'andass a romp la torta:
 Domà a vedell bæugnava dè che l'era
 El capitani Spaccamond davvera.

Col securin l'è staa el prim lu a trà dent
 Tucc dò i ant de la porta e a fà del lœugh;
 I sœu soldaa adree a lu coi torc a vent
 Rampegaven sui mur a taccà el sœugh:
 Han faa in di mur boggiatter del spavent,
 Che se podeven ved a lœugh a lœugh
 I sal de quell palazz e i gallarij
 Negher comè i bottegh che fa tortij.

Cara lee, la pò ben immaginass
 El stremizi e el bordell de quella cà.
 I donn piangend andaven a intanass
 Sott ai lecc, sui cammin, sui spazzacà:
 I fiœu tucc correven a taccass
 A la socca di mamm per fass salvà,
 E in de quij stanz gh'era on ris e fasœu
 De vicc, de donn, de guardi e de fiœu.

Pirr cont i sœu soldaa subet el sforza
 I guardi a dagh el pass e el va a mazzaj;
 E el comanda che tucc vaghen per forza
 A mazzà omen, donn, vicc e bagaj,
 Che nol vœur pu vedè gnanca la scorza
 De la razza trojana a menà baj.
 Se podel dà in d'on omm on cœur tant trist?
 Ghe n'è di tigher pu crudel de quist?

Vœurla de pu? Intant ch'el re Priamm
 L'era in gesa a pregà Dia benedett,
 L'è vegnuu dent in furia quell infamm
 A sbuseccall de slanz comè on cavrett.
 (Me senti vegn fregg a regordamm)
 A vedè a sassinà quell car veggett
 Gh'era lì soa miec coi sò fiœur
 Che hin borlaa là mezz mort del crepacœur.

Ghe cuntaroo mò adess, sciora regina,
 Come l'è staa a morì sto pover re.
 Lu, quand l'ha vist la cort a andà in ruina,
 E piena ras de Gregh, el se incoccè,
 Desperaa comè on' anema tappina,
 De vorè, oh bella! faghela vedè;
 E el ciappa, pover vecc! in man la spada
 Per andà anca a morì se la ven fada.

In del giardin de cort gh'era on altar
 Appress a on pianton vecc de làvor regg,
 Dove i Trojan tegneven pizz i ciar
 Ai statov di scœu sant che je proteggh:
 La miec de Priamm, che l'ha vist ciar
 Che doveven i coss andà a la pegg,
 La s'è andada lì a mett in genuggion
 Insemma ai sò tosann a fà orazion.

De lì a pocch temp ghe se compar denanz
 Sò mari armaa ch'el pars on paladin.
 Ah Priamm, la ghe dis, i nost speranz
 Vedii, hin confinaa tucc in sto altarin:
 Cossè pol fà in di noster circostanz
 On vecc coi gamb che ghe fan genuggin?
 Nà, stee chì con nujolter, abbiec flemma,
 Che o scamparemm o moriremm insemma.

Ghe tocca in quella de vedè Polit,
 Che l'era el sò prim mas'c, e el sò carœu,
 Bianch comè on pann lavaa, pien de ferit,
 Ch'el corr e el solta come on cavricœu,
 Per scappà via de Pirr che in tucc i sit
 El voreva fà on scempi di fatt scœu,
 E che l'è rivaa lì quand l'è staa a tjr
 De trà in brasc del sò pà l'ultem soqpir.

Priamm, anch beu che de morì el fuss franèh
 A vorè toèulla contra quell giudee,
 Pur a quell colp no l'ha poduu de manch
 D'andà fœura del birlo, e soltà in pee;
 E mettend con franchezza i man sul fianch,
 E cont ona vosascia de strascee
 El va contra de Pirr con brusca cera,
 E infuriaa el ghe parla a sta manera:

Ah car sassin, de tucc già cognossuu!
 Se gh'è giustizia in ciel che la castiga
 E crudeltaa e i delitt di becch fottuu,
 Ah nol staga quell ciel per la fadiga
 A casciett e rebattet in del cuu
 On pal de ferr sbrojent, e ch'el se sbriga
 De mandatt a bargniff colzaa e vestii,
 Come vorav sto vecc che t'ee tradii.

Ti su la faccia mia e de soa mader
 Te n'ee mazzaa on ficœu, birbon indegn.
 Divers de ti l'è pur staa Achill, tò pader,
 Chè anch ben ch'el me odiass al maggior segn,
 Pur per famm ved che l'era minga on lader,
 El m'ha donaa el corp d'Ettor e el mè regn,
 Quand el m'ha vist denanz a lu in genœucc
 A domandaghi in don con l'acqua ai œucc.

In quella ch'el forniss de parlà insci,
 El fa per tirà a Pirr ona stoccada;
 Ma lu, ch'el l'eva veduda a vegnì,
 Col pettagh contra el scud el l'ha schivada,
 E el ghe diss: Vecc balotta, speccia a mi
 Che, se no te l'ee minga anmò imparada,
 Te la insegnaroo mi, birbon, l'usanza
 De trattà cont onor e con creanza.

E ditt e fatt el ciappa quell bon vecc
 Per i pelucch tirandel in despart,
 E senza zerimoni nè apparecc
 El le passa col stocch de part e part,
 Disendegh, Mœur, e godet el provecc
 De andà a trovà mè pader e dagh part
 Di mee cattiv azion che t'è andaa al nas,
 E famm pur quell vestif che pu te pias.

Inscì l'è andaa a foinè quell re tant bon
 Che l'era già patron de l'Asia tutta:
 Lu in d'ona sola nocc l'ha avuu el magon
 De vedè Troja brusada e destrutta;
 E in quella nocc l'ha lassaa giò i colzon,
 L'ha pers el regn e el s'è trovaa a la frutta,
 E el sò corp, come el fuss roba de strasc,
 L'han traà sui straa a fà ruff cont i melgasc.

Sto spettacol, ch'el m'eva toccaa el cœur,
 El m'ha faa vegnì subet in memoria
 Che mè pader el fuss a vœur a vœur
 D'andà, o ch'el ciel el l'avess già su in gloria;
 E m'è vegnuu anca in quella el batticœur
 Che no ghe fuss success quej brutta istoria
 A la mia donna e al mè car tos Ascani,
 O che in quell sœugh no fussen in di smai.

Guardi intorno per ved se gh'era appenna
 On quej Trojan, e trœuvi giust nissun;
 Ma vedi inscambi la regina Lenna
 Scrusciada giò come a stà al lœugh comun,
 Per el squitt de dovè pagà la penna
 Di maa che l'ha faa ai Gregh tant comè a nua,
 E d'avè coi sò fogn e baraond
 Faa spedì sò mari per l'olter mond.

Ah m'è vegnuu la bozzera a vedella,
 E mordend i ong in tra de mi dīseva:
 L'ha de viv sta birbona, che l'è quella
 Che m'ha faa perd la patria che gh'aveva?
 L'ha costee de passalla per la bella,
 E tornà anmò al sò regn?... E già voreva
 Andà a scannalla, se no me sovven
 Che a tœulla cont i donn sta minga ben..

Intant che voo me vedi a comparimm
 De botta salda la mia mamma Venera,
 Vestida in gran poncion, giust comè i primm
 Deitaa che stan in ciel e che se venera.
 La me ciappa per man per tartegnimmm,
 E inscì cont ona vos graziosa e tenera
 La dis: Coss'è sta furia, car Eneja?
 Penset minga a curà la toa fameja?

Perchè no corret a salvà puttost
 Tò pader, tò fiœu, la toa Creusa,
 Che se no gh'era mi semper ai cost
 Staven là insemma ai Gregh a la rinfusa,
 E forsi a st'ora eren già cott a rost.
 Lassa che Leuna vaga pur in strusa,
 Perchè già tegnel cert che el ciel l'è quell
 Che vœur che Troja e el regn vaga in bordell.

Guarda mò on poo là adess che hoo faa andà via
 La nebbia che quattava tutta Troja.
 Esequiss a pontin l'intenzion mia,
 E guarda ben che in quest nissun t'imbroja.
 Vedet là inscì Nettun com' el ven via
 Con la soa forza a lavorà de boja
 In mezz a quell gran sum e al polvereri,
 Per trà giò i mur e fann on spettasceri?

Vedet ch' in l' oltra part la dea Giun
 Che con la spada in man su quella t'or,
 Menasciand propi de caporiona,
 La sbragia ai Gregh ch' hin là sui nav a
 Vedet su avolt su quella nivolona
 Minerva armada come on battidor?

E Giove anch lu ch' el broja e el fa coi
 Ai Gregh de destrugg Troja e fann affa

Vœutt, Eneja, on parer? Rompet pu el
 Lassa che vaga Troja, e corr a cà;
 Chè mi su per la straa te scondaroo
 E te vegni in persona a compagnà.

In quella la spariss. Mi subet voo
 Per la straa curta, e in fatt in de l' an
 Vedi che i fiamm denanz a mi scappave
 E che perfino i Gregh no me guardaver

Quand sont rivaa a cà mia, l'è staa el prim
 De andà d' Anchis per tœummel su la c
 E portall sœura de cittaa a salvass

Scondendel in quej mucc de paja o sto
 Ma lu inscambi el se mett a rebeccass,
 Disend che an ben ch' el gh'abbia i pee in la f
 El voreva puttost morì coi sœu,
 Che stà coi paisan mangiand fasœu.

Ti, el me diseva lu, car el mè Eneja
 Che te see fort e gioven ancamò,
 Pensa a salvà con ti la toa fameja

Fasend con tutt i sforz quell che te pò.
 Se de salvamm el ciel l' avess vuu ideja
 No l' avarav permiss sto gran falò.

Ah ch' hin tropp i desgrazi ch' hoo avuu a
 E in fin di fatt sont poeu anca scampaa a

Lassem pur chî, famm chî l'ultem basin,
 Chè savareo mazzamm quand fuss el cas,
 O pur i Greggh, sperand de fa on bottin,
 Bell e tiraa me mandaran in pas.

Già soo che me perseguita el destin,
 Perchè a Giove gh'è andaa la mosca al nas
 Quand che senza giudizi hoo palesaa
 I amor che tra mi e Vener gh'eva staa.

Mi ancamò con Creusa e cont Ascani
 El preghem d'ess pœù minga ostinaa tant,
 Chè i sò desperazion gh'han tropp del strant:
 L'è inutil, insci el vœur, e l'è costant.
 Mi allora ciappi su tutt in di smani
 Per andà anmì a morì; ma tant e tant
 Torni indree, e pœù ciappandegh i scolcion
 Ghe disi: Marcadetta ostinazion!

Eel possibel, car pà, che mi ve lassa
 Chî de per vu, senza avè pers l'ingegn?
 Giurabacch, eel possibel che ve passa
 Per la ment on penser de vu insci indegn?
 Se avii piase de vedenn tucc su l'assa,
 Prest vegnarà chi Pirr a dav el segn,
 Che l'ha gust e l'è solet a fa frecc
 I ficcu su la faccia di sœu vecc.

Me volti allora cont i man al ciel
 E disi: Mamma, avii volsuu menamm
 Chî insci per famm vedè sto cas crudel?
 Per ved sti pover marter a mazzamm?
 Alto là, sbragi ai mee soldaa fedel,
 Corrii ficcuj, vegnii con mi a juttamm,
 S'emmm de lassà chî i oss a sti birbant,
 Vuj ch'en lassen anch lor quatter vœult tant.

Ghì donca torni a ciappà in man la sp
 E foo per andà fcura de la porta,
 Ma vedi cont Ascani ingenuggiada
 La mia cara Creusa mezza morta,
 Disendem che se ciappi l'inviada,
 Lor no gh'aveven pu' nissun de scorta.
 Lee la piangeva, e sò ficeu el sgariva...
 Chi poteva resist a quella piva?

Intant che piangi insemma a lor, se
 Che va sul coo de mè ficeu ona fiamma
 No savend cosse possa mai succed,
 Corri a toèu l'acqua, e corr anca la man
 Ma in quella Anchis, ch'el gh'ha la vera
 L'olza su i œucc al ciel: Signor, el sch
 Quest chì l'è on segn di vost favor che
 Ma demmen cont i fatt de quij pu ciar
 Vegnen dopò dò o tre lusnad insemm
 E poèu anca ona tronada che spaventa,
 E vedem a passà con tutta flemma
 Su per l'aria ona stella ben lusenta
 Che in de l'andà la brigola e la tremm
 Borland giò appress a nun comè content
 E in de l'andà la perd e la spantega
 Lughèr che sa de zolfer che tosséga.

Pocch gh'è volsuu a mè pader a trà
 Di giccol d'allegria, de contentezza:
 Adess che vedi, el dis, che quell lassù
 L'ha spiegaa ciar la sova gentilezza,
 Son pront, Eneja, de vegnì con vù,
 Ma conservee con tutt la tenerezza
 Quell car ficeu, perchè el pò vess, chi
 Quell che ha de tegnì in pee la nostra

Cressend el fœugh a la pu maladetta,
 L'eva anch faa cress el ciar in la cittaa;
 Sicchè disi a mè pader ch'el se metta
 In sui mee spall coi brasc al coll saraa;
 Al fiœu, ch'el cognossi a la colzetta,
 Ghe raccomandì de stamm ben taccaa,
 E a la mia donna pœù ghe foo promett
 De vegnim dree, curand anch el tosett.

E pœù me volti a la mia gent a digh
 D'andà in scima de quella montagnœura
 Che gh'è lì appress piena de piant antigh,
 E che vaghen in quella gesiœura
 Tutt contornada de piantonn de figh,
 Chè anca nun prest saressem vegnuu fœura
 Per ona straa diversa, e che pœù là
 Se saressem intes coss'emm de fà.

Vu intant, car pà, ciappee, mettii in gajoffa
 Sti reliqui di sant nost protettor,
 Che mi no poss ciappaj perchè a la toffa
 Me senti attorna di cattiv odor:
 Me troo adoss on sortò de pell de scroffa;
 E el tœuvi su, pregandel cont amor
 De vegnim in sui spall senza fà ruzz,
 Ma de no strengem tant el canaruzz.

Ascani el me se tacca a la marsina,
 E el me tappascia adree comè on omett:
 La ven Creusa anch lee, ma, poverina!
 No la pò minga tant menà i polpett:
 Mi pœù che sont de quij che giuradina
 In tanci guerr n'hoœ mai avuu spaghet,
 Adess domà ona mosca che se mœuv
 Eva pagura d'ess cattaa sui œuv.

Serem rivaà già al pè de la montagna,
 Quand senti e vedi inscì tra el ciar e el scur
 Di gent armaa che batten la campagna,
 Che cicciiaren, e fan del gran sussur:
 Senti Anchis ch' el me tira la zaffagna
 Pregandem d' andà a mettes al sicur,
 E de pettass in d' on quej ait a scondes,
 Guardand ben per la pressa a no confondes.

No soo com' el Signor abbia permiss
 Che perdess in quell pont i sentiment;
 Hoo ciappaa subet i sentee di biss
 Per fà de no incontramm in quella gent;
 Ma no soo se Creusa la vegniss,
 Che no la vedi nè lontan nè arent;
 Soo domà che me trœuvi a quella gesa,
 Che con quij ch' è andaa inanz me sera intea.

Lì hoo miss giò prima a repossà su on banch
 El mè papà, ch' el gh'eva rott i brasc:
 Hin restaa tucc de gess, e hin vegnuu bianch
 I mee gent a sentì quell poverasc
 A digh ch'emm pers la mia miee del franch,
 Chè la stentava a mœuves el pettasc;
 Ma mi intertant andava adree a aussì,
 E avarev maladett no soo gnanmì.

Cossè foo mi in sto cas? Ciappi el fiœu,
 E Anchis cont i reliqui ch' el gh' ha al coll,
 E tucc duu i cascì dent in d' on scurœu,
 Fasendegh spìret con di bonn paroll:
 Pœù ciappi i arma, e banfand come on bœu,
 Ditt e fatt corri a Troja a rompicoll,
 Despost magari de menà a la busa
 Quij che sa damm indizi de Creusa,

Voo giò del montesell per i sentee
 E rivi ai mur de la cittaa lott lott ;
 Rughi tucc i campagn che gh'è li adree,
 Ma no senti olter che a cantà i quajott ;
 Troo el ziffol cognossuu de mia miee,
 Che serva? anch quest el m'ha giovaa nagott.
 Cara lee, in d'on silenzi de sta sort
 No saveva de vess nè viv nè mort.

Corri in cittaa a cà mia, chè vuj vedè
 Se mai l'avess creduu de tornà a cà,
 Ma n'hoo gnanca poduu tœumm el piase
 De portagh dent i verz per osservà,
 Per via di fiamm in faccia, e poèù perchè
 Gh'era on fumeri s'ciasser de negà ;
 I mobil tucc eren andaa al diavol,
 Nè gh'era dent on pignattin d'on pavol.

Volti strada e cammini vers la cort ;
 Sia malanaggia, trœuvi anch là l'intopp.
 D'on mucc de guardi pientaa là sui port
 Che curaven i stanz con montaa i s'ciopp
 Dov'è el bottin di coss prezios e el mort,
 Che grazia al ciel ghe n'evem anca tropp,
 E dove gh'è di donn trojann sossenn
 Ligaa insemma ai fiœu cont i cadenn.

Ma gnanca li no trœuvi la mia donna,
 Sicchè mi no soo pu cossè me faga :
 Pregli prima el Signor e la Madonna
 De fammela trovà, che me le daga ;
 E infin, bestemmiand comè Simonna,
 Corri scià e là, nè soo dove me vaga,
 No fasend che andà attorna furios,
 E domandà Creusa a quanta vos.

Me se presenta in quella in d'ona streccia
 On' ombra longa longa in sui duu pee,
 Che la me dis: Coss'è sta furia? speccia;
 Damm a trà, chè mi sont la toa miee.
 Resti on poo lli sospes inanz toèu leccia
 Se l'è on fantasma, o se l'è propi lee,
 Ma di paroll che la gh'ha miss in cova
 Hoo vist che l'era in fatt l'anima sova.

El mè car omm, la diss, no te despera
 Se te me trœuvet pu; tas lli, e fa el sciatt,
 Chè el patron spotegh de la melonera
 El vœur che sia pu toa in vita de ratt,
 E el vœur che on pezz te vaghet in stondera
 Finatant che te rivet a pettatt
 Là giò in Italia dove el te destina
 On gran bell regn, e on' oltra mierina.

Consolet donch, car el mè car Eneja,
 Ringrazia el ciel, e pensa mai pu a mè:
 Almanch adess che sont sott a la preja
 Vedaroo minga i Gregh a restà chli
 A fà i corna a la nœura d'ona deja,
 E insci no i faran minga gnanch a ti:
 Va pur in pas, conserva el nost fiœu,
 E vœubbiagh ben a quell caro borlœu.

Dopo quest, in d'on boff la m'è sparida,
 Lassand l'aria in quell sit on poo nebbiada;
 Mi, dubitand d'ess vist de lee inevida,
 Tre vœult hoo faa per dagh ona brasciada,
 Ma oltertant vœult i man no l'ban sentida,
 Sicchè hoo capii che l'era propi andata;
 Mi allora, senza olter cinquantà,
 Torni dov'eva miss el tos e el pà.

Quand sont sul montesell vedi a vegnim
 Incontra i mee compagn pu curios ;
 Ma quell che pu de tutt l'ha faa stupimm ,
 L'è staa ona troppa de Trojan grazios ,
 Che staven lì speceiandem per offrimm
 Sacch de ciovitt , e roba e coss prezios ,
 E de vorè vegnim adree per tutt ,
 S'el fuss d'andà magari in Calicutt .

Ma vedend sui mont d'Ida a spontà el sò ,
 E i guardi ai port de Troja per curai ,
 Mincionaria ! sont minga insci cocò
 De famm vedè , nè de stà lì a specciaj :
 Tucc quanc se mettem subet a lavò ,
 Femm su sacch e fusella e quant e mai ;
 Ciappi su Anchis , e cont el mè bardagna
 Tucc unii trottem dent per la montagna .

La regina , che l'era minga locca ,
 E ghe pareva ch' Eneja el fudess
 On poo stracch , la interromp sta filastrocca ,
 E la ghe dis : Se pur no ve rinress ,
 Suspendii , chè ve vedi arsa la bocca ,
 E me par che spuee ben ben de spess ;
 E voltandes , la sbragia : Ehi Benedett ,
 Fee portà ch' di acqu e di sorbett .



IL PRIMO CANTO
DELL' ORLANDO FURIOSO
recato in dialetto milanese.

AL LETTORE.

Dalla vita dell' Ariosto scritta da Baruffaldi vediamo l' Orlando furioso stato tradotto in varj dialetti italiani in veneziano , in padovano , in bergamasimi. Ci facciamo quindi un piacer serirne in questa Collezione uno s in dialetto milanese. Il Canto che portiamo vide già la luce in Milano 1773 per Giuseppe Mazzucchelli , n viene per noi riprodotto assai meglio corretto. Più altri canti in seguito a furono a quell' epoca recati dalla stessa nel nostro dialetto ; e due di fatto trovano ancora mss. nella libreria del poeta milanese il sig. Carlo Porta; ma re non ci permise di stamparli come che, uscitigli così di primo getto dalla non furono mai più da lui riveduti tutto nè in parte.

Canti i guerr e i amor a mesturon
Di sciori e di sciorinn, ch'han faa tant clatt,
In temp che i Mori fènn on' union
E andènn in Franza a trà giò a sacch de gatt,
Per fà a mœud del sò re, quell bardasson
Senza ingegn de Gramant, che in fin di fatt
El s'è impagaa del re Trojan a dagn
De quell pover omasc de Carla Magn.

D'Orland in l'istess temp ghe cuntaroo
Di coss, per bacch, de fà pissà in la socca,
Che d'omm bravo che l'era e d'omm de coo,
L'è vegnuu matt in grazia de la gnocca;
Purchè però possa stà a botta on poo
A tegni via i penser da ona baciocca
Che ogni pocch pocch la vœur tramm matt anmì,
Tant che quell ch'hoo promiss possa fornì.

O car sur don Impolet, gloria e onor
Di nost dì, fiœu d'Ercol tre vœult degu,
Ch'el ciappa, e ch'el gradissa in segn d'amor
Quell che ghe dà on sò servitor indegn.
I obbligazion che gh'hoo poss ben, car scior,
Scassann on pizzegh con sti vers de legn:
Ma se l'è pocch, ajutt, ch'el scusa on poo,
Chè in fin no ghe poss dà quell che ne gh'hoo.

Tra i pezza d'omen brav e vertuos,
 Ch'el sentirà in sti vers a nominà,
 Descorroroo de quell Rugger famos
 Che l'è l'origen de la sova cà;
 Ghe faroo sent i sò oper glorios,
 I sò virtù, el coragg;-el sentirà.
 Ma ch'el manda i penser fœura di dazi,
 S'el vœur scoltamm, chè mi no vuj desgrazi

Orland, che l'era propri de coo a pee
 Innamoraà d'Angelega d'on pezz,
 E che in Levant l'aveva lassaa indree
 Per amor sò tanc glori e tanc ricchezz,
 L'è tornaà ch'ì in Ponent insemma a lee,
 E con quell marcantoni l'andò in mezz
 Al camp de la battaja, e el l'ha menada
 Dov'era Carla Magn con la soa armada,

Che l'era lì per batt e fà pentì
 Gramant e el re Marsili, e tonfaj sù;
 El prim per avè faa vegnì fin lì
 Tutta l'Affrega in corp contra de lù,
 L'olter anch lu per avè faa vegnì
 Tanci Spagnœu contra di sò Monsù.
 Lì donca el vens Orland; ma l'ha veduu
 Che l'ha faa ona scarpiattra a vess vegnuu

Perchè gh'hantolt la gnocca (Ecco che gioeng
 Fa la fortuna, ecco i piàsè del mond!):
 Quella, che l'ha difes in tanci lœugh,
 Con tanc fadigh d'on coo a l'olter del mond
 Adess, toppa, ch'ì a cà senza fà fœugh,
 E in mezz a tanc sœu amis ghe la fan scond
 Ma l'è staa Carla istess ch'ha volsuu inàci
 Per troncà i lit ch'en pœdeva vegnì.

Quatter di prima el cont Orland l'aveva
 Col sò cusin Rinald faa ona gran guaja,
 Per via che vun e l'olter partendeva
 De vorè avegh quella bella bagaja.
 Carla, che con sti guaj el prevedeva
 Che no avraven vuu el coo per la battaja,
 El ghe l'ha fada toèù, e tal qual l'era
 El l'ha consegnaa al duca de Bavera.

E el l'ha impromissa a quell poèù de lor duu
 Che in quella gran battaja se fuss faa
 Pussee onor con la mella, e avess savuu
 Fà portà la vittoria ai sœu soldaa:
 Ma tutt a l'opposit l'è succeduu,
 Perchè inscambi hin staa lor ch' hin staa zollaa;
 E essend anch staa faa el duca presoner,
 Restè lì bell e biott: el sò quarter.

La tosa, che doveva ess el regall
 Del vincitor, e che l'ha avuu el spaggett,
 La ciappè i quart denanz cont el cavall,
 E a temp e lœugh l'ha faa quij bej scarpett;
 Chè el cœur già el gh'eva ditt che senza fall
 Avrav pers i Cristian, comè in effett
 La va, e la cœr dent in d' on bosch, e lì
 La ved vun a cavall vers lee a vegnì.

L'era vestii de ferr tant che sia assee,
 Corazza, scud e spada e moriott,
 E el corriva in quell bosch comè on lecchee,
 Dent e fœura di piant comè nagott.
 E lee, senza speccià olter, presto indree
 La dà ona girivœulta tutt a on bott,
 E via ficeuj tutta stremida e smorta,
 La va ch' el par ch' el dianzen le porta.

Quell tal l'era Rinald de Mont Alban,
 Ou paladin de vaglia e de riguard,
 Che gh'era sghimbiala fœura di man
 El sò cavall, che l'eva nom Bajard.
 Quand el l'ha vista, benchè el fuss lontan,
 L'ha faa comè la gatta cont el lard,
 E el diss: L'è chì quell spigorin d'amor,
 L'è chì, oh che gust, e el mandè giò el savor.

Lee donca avend faa volta indree el cavall,
 El le fa andà in quell bosch de tutt galopp;
 No la se cura minga de guidall
 Nè in di bosch spess, nè de guardass di fopp.
 Sur nò; ma tutta strengiuda in di spall
 La lassa fà de lu, ch'el corr anch tropp,
 Cont el cavall pien de riann de scumm,
 Finchè la s'è trovada in riva a on fiumm.

Lì su la riva gh'era Ferrau,
 Sudaa, strabuffaa, stracch e pien de terra,
 Per scœud la set, ch'el ne poteva pù,
 Perchè el vegneva allora de la guerra;
 Ma per la gran gordisia de bev sù,
 Gh'era borlaa giò el moriott in terra,
 E borland l'era andaa in del fium; sicchè
 L'era lì in truscia per podell avè.

La tosa, intant che la correva lì,
 La trava di gran giccol e di sbracc:
 Ferrau el solta su sentend sgarì,
 El guarda, e el ved là quella, e el n'ha quej racc;
 Ma quand l'è stada on poo pussee in vers lì,
 El l'ha subet sguisida in del mostacc,
 Anch ben ch'el fuss on pezz che giuradina
 No el n'eva savuu pu gall nè gallina.

E per via che quell scior l'era nassuu
 Cortes de sort, e l'era anca lu cott,
 L'è cors a fà tutt quell che l'ha poduu;
 Anch ch'el fudess li senza moriott,
 L'ha desfodraa la spada, e l'è corruu
 Contra a Rinald, ch'el n'eva fil nagott:
 Già lor se cognosseven che l'è ajbella,
 E de spess even miss a man la mella.

Quand ch'hin staa arent tucc duu coi durlin-
 Han comenzaa ona brutta giromella, (dann,
 Se pettaven giò botte del malann,
 Che pariven legnad de porcinella.
 Angelega, vedend quij brutt andann,
 L'ha stimaa ben de tœu su el borlo, e in quella
 La sperona el cavall cont i calcagn,
 E giò per vall, per bosch e per campagn.

Dopò esses battuu on pezz come se dè,
 Senza che fuss restaa nissun desott,
 Perchè tucc duu la voreven vedè,
 E tucc duu no even minga duu quajott,
 Rinald, che l'era innamoraa comè,
 El bassè l'arma, e el diss: Fermet on bott;
 Mett giò la mella, caro tì, on moment;
 Speccia on freguj, abbia pazienza e sent:

Te credet fors con quest de famm despecc
 Domà a mì? nò franch vè; tel fee anch a tì.
 Se sta premura che t'ee de famm frecc
 L'è effett de gelosia che t'ee de mì,
 Balocch, che guadagn gh'èt, che bell provecc?
 Che anch che te reussiss de pettamm chì,
 Te pò nettatt la bocca? Guarda, o tappa,
 Che in tant che nun se fermem, lee la scappa.

Ma se te sét innamoraa de lee,
 No eel mej andà a tœugh prima l'avvanta
 A tartegnilla, e a falla voltà indree,
 Che no la vegna a fà pussee viacc?
 Quand l'avremm chî, se mettarem pœù ad
 Tra: nun a falla fœura inscì quacc quacc;
 Se de nò emm pari a stà a scoldass l'ori
 Se no gh'emm olter, emm scuccaa vani
 Ferrau l'ha capida la reson,
 E el diss subet de sì con gran piase.
 Tœuj li, cerchen de rompes el muson,
 Pœù tutt a on bott se fan amis comè:
 Anzi Ferrau pien de discrezion,
 No vorend che Rinald l'andass a pè,
 El le invida, e el le fa montà su in grop
 E adree ai pedann d'Angelega el galopp:

Oh com'eren dabben e onoraa
 I cavalier del temp de Carla U!
 Sentiven anmò i bott che s'eren daa,
 Eren divers de religion tucc duu,
 Eppur senza sospett van per cert straa,
 Per cert bosch ch'han mai vist nè cognoss
 Batten tucc duu el cavall, e riven giò
 Dove la straa la se spartiss in dò.

Ma perchè pœù lì inscì lor no saveven
 Ben destingu de che straa la fuss andada
 Per via che in vuna e in l'oltra se vede
 I pedann in de l'erba spettasciada,
 Subet se s'hiu spartii comè doveven,
 Vun d'ona part, l'olter de l'oltra strada
 E Ferrau in del corr per la brughera
 El s'è trovaa anmò al fium, in dove l'e

Sur sì mò el s'è trovaa là anmò a quell fiumm
 Dove gh'è borlaa dent el moriott;
 E lì pœù andandegh la speranza in fumm
 De trovà la soa Angelega on quej bott,
 El va giò de la riva, e per i piumm
 El vœur cercà s'el pò tirall de sott;
 Ma perchè l'è incastraa tant in la sabbia,
 L'ha de pestà i pee ben inanz ch'el l'abbia.

L'eva tajaa ona brocca con la mella
 E el l'eva fada comè in d'on baston:
 E lì, on poo de sta part e on poo de quella
 El ruga in fond al fium inscì a taston.
 Ma intant ch'el se inrabbiss con sta cannella
 Perchè l'ha mai poduu dagh on streppon,
 El ved de mezz a l'acqua in l'istess menter
 On omm a vegnì su per fina al venter.

L'era vestii de ferr, via de la testa,
 E el gh'eva scià quell moriott in mau.
 Ferràù immobel el ghe guarda e el resta:

Lu cont ona vosascia de magnan
 El diss a Ferràù: Catt, ela questa
 Quella parola che t'ee daa, o forlan?
 T'ha de riuress a avè de lassamm chi
 Quell che mò adess te vorisset de mi?

Te regordet già pu quand t'ee mazzaa
 Giust ch'el fradell d'Angel'ga? Sont mi quell.
 T'ee impromiss che in sto fium t'avrisset traa
 E i arma e el moriott. Donca, se quell
 Che te dovevet fà, che no t'ee faa,
 L'è seguii adess in fall giust a pennell,
 Lumentet nò se tratti in sta manera;
 Lumentet d'ess ona balandra vera.

Che se te premm d'avè on moriott fin,
 Va a fattel dà del Miggia cappelée:
 El gh'è Rinald ch'el gh'ha quell de Mambrin,
 E Orland on olter anmò bell pussee:
 Tœutt via donca de chì, spazzacammin,
 Vatten a compra vun coi tò danee;
 E inscì te podet finalment lassamm
 Quest, che t'avevet taut temp fà de damm.

A ved a vegnì su del fium quell omm,
 S'è drizzaa in pee i cavij a Ferràu;
 L'è vegnuu smort, e el cuu el gh'ha faa pompomm,
 E l'è restaa lì come on turlurù;
 E vedend d'ess staa minga galantomm
 Sentendes rinfaccià quij coss che lù
 L'eva promiss, e che pu nol s'insogna,
 L'è vegnuu ross de rabbia e de vergogna.

E per respond no avend che di scus froll,
 E vedend che quell l'eva anch tropp reson,
 El restè lì insensaa senza paroll:
 Ma in quella gh'è vegnuu tant el ghignon,
 Che l'ha giuraa lì inscì su l'oss del coll
 De no vorè mett olter baretton
 Che quell d'Orland, ch'el l'eva tolt a Almont,
 Quand temp fa el l'ha faa frecc in Aspermont.

E el l'ha ben lu osservaa sto giurament,
 E minga come el prim de biridœu;
 Ma l'è poeu andaa via inscì tant malcontent,
 Che l'ha piançiuu on gran pezz comè on fiœu
 Per quest adèss l'è in truscia, e tutt intent
 Per cercà Orland scià e là per i streccioeu.
 Ma andemm in l'oltra strada a ved mò adem
 Anca quell che a Rinald ghe sia success.

Nol fè gran straa Rinald ch'el sent per li
 Ona pedana e on son comè de fibbi;
 El guarda, e el ved Bajard: Ah, caro ti,
 El dis, Bajard, Bajard, fermet: ah cribbi!
 Bajard el fa parì de no senti;
 E s'el corriva, adess le porta el nibbi.
 Rinald tutt quant rabbiaa el ghe corr adree;
 Ma andemm a ved Angelega anca lee.

Dent per i bosch e per i sces la corr,
 Dent e fœura di vall, e per i briccol;
 Quand se toccaven dent i fœuj tra lor,
 Ghe se scaggiava el sangu, la trava giccol;
 La se mudava tutta de color
 Se passava on usell, e per on piccol
 Moschin che la sentiss o la vedess,
 L'aveva el foff d'avegh Rinald appress.

Comè on legorattin che l'abbia vista
 Tra i piant del bosch, in dove l'è nassun,
 La mamma a fà ona quej figura trista
 Sott ai ong d'on quej lóff beccocornuu,
 Ch'el cerca de scappagh via de la vista
 Corrend cont el covin fáccaa giò al cuu,
 E s'el ved che se mœuva quej fojasc,
 El cred d'avegh adoss quell bestiasc.

Quell dì e la nocc, e mezz anch l'olter dì
 L'è corsa no savend dove l'andass:
 A on bosch l'è poèù vegnuda a reussì
 Che ghe tirava el fresch che l'era on spass;
 Gh'era dò ronsg che andaven lì per lì
 A tegnì fresca l'erba e falla nass,
 E se sentiva quell tricch tricch che fava
 L'acqua quand coi sassitt la se incontrava.

Lì inscì vedend che la podeva vess
 Franca, e lontana de Rinald di mja,
 La stabeliss de stà in quell bosch istess,
 Chè l'era sloffia e stracca ben, per bia:
 La desmonta, e la lassa andà li appress
 El cavall per el praa senza la bria;
 Che vedend la bell'erba adree a quell' acc
 El ne fa dent tonina, e el le scialacqua.

La guarda attorna, e la ved li vesin
 In mezz a tance piant avolt e gross
 On mucc de rœus trezzaa coi frasch e i sp
 Mes'ciaa su i bianch con quij de color ro
 In del mezz gh'era giust come on stanzin
 Propi a pennell per repossagh i oss:
 I frasch eren unii, no gh'era on boeucc
 Guanch de spionà cont el poppœu de l'œu

El scœul de denter l'era bell talment
 Ch'el diseva domà de buttass giò:
 Angelega defatt la se mett dent
 E la ciappa ronchett comè on popò:
 Ma prest la se desseda, chè la sent
 Ona pedana che la ghe pias nò;
 Sicchè l'alza la testa pian pianin,
 E la ved vun armaa lì al fontanin.

La se stremiss, la resta lì incantaa;
 Ghe par e no ghe par ch'el le cognoss
 La guarda cont i œucc tutt spaventaa,
 E la stà a ved cosse pò vess sta cossa:
 Quell el se butta in terra tutt sudaa,
 El ponda el coo sul brasc, e lì el repo
 E el resta penseross inscì tra lu,
 Ch'el par comè de sass, nè el se mœuv

E con la ment intenta ai sœu penser
 El resta lì quasi mezz' ora bona,
 E pœù el sospira coi pu bej maner,
 E inscì sott vos lu de per lu el tontopa,
 E el sfoga e el canta su el sò cœur sincer
 Con di paroll pu bonn de l'erba bona;
 Quej vœult el gran magon el ghi je intoppa,
 E el trà sospir che paren minn che s'cioppa.

Oh trist penser, el dis, che te me stee
 Semper ai cost taccaa comè on lifrocch,
 Coss' hoo de fà se sont restaa mò indree,
 E se quejghedun d'olter m'ha faa el fiocch?
 Quell se le pippa tutta de coo e pee,
 E mi gh'hoo parlaa appenna, e ben per pocch.
 Ma se m'ha de toccà nagott defatt,
 Cossa me serva che diventa matt?

Ona tosa l'è giust comè ona rœusa
 Che sia in d'on bell giardin su la soa brocca,
 Che fintant che nissun ghe va in la proeusa
 A zinzinagh adree, e nol le tocca,
 Ch'el sò nol le impassissa o nol le cœusa,
 E che no la se derva o la se sfiocca,
 I gioven e i tosann gh'han gust comè
 A avenn denanz e a metten sul topè.

Ma se per desfortuna mò succed
 Che del ram dove l'è la se destacca,
 Allora tant a cred come no a cred
 S'ciavo suo, no la var ona petacca.
 Inscì l'è ona poppola; se se ved
 Che l'abbia on poo de muffa e la sia stracca,
 I morosott che la gh'aveva prima
 Ghe fan adree la mocca e en fan pu stima.

Magara tucc l'odiassen, e l'amass
 Domà mi sol, già che l'hoò amada tant;
 Ma ti, Fortuna, te m'ee traa in sconqua:
 Lassand che on olter se le pippa intant.
 Donca l'ha d'andà semper de sto pass?
 A sta manera donch la m'ha daa el sant
 Puttost che avè de fà cros e medaj,
 Me vuj mazzà, vuj sarà su i stroppaj.

Se mai vorii savè, i mee scior, chi el
 Costù buttaa giò in riva al fontanin,
 L'è Sacrepant, el re de Circassia,
 Che per l'amor l'è tutt in sanquintin;
 E el sò dolor, o mania che la sia,
 L'è che l'è cott de quella spigorin:
 L'è propi cold de lee ch'el ne po pu;
 E el l'ha ben lee tolt via che l'era lu.

Sto pover martorasc l'era vegnuu
 Lì per trovalla fin de l'Orient,
 Perchè in India gh'han ditt ch'even ved
 Orland con lee che andaven vers Ponent
 Ma quand l'è poèù staa in Franza, l'ha sav
 Ch'el re el ghe la fè toèù prudentement,
 E ch'el l'aveva impromettuda a quell
 Che in guerra l'avess faa pussee sfragell.

L'era staa in mezz al camp, e l'eva
 A cattà su i Franzes e poèù a scappà;
 E el l'ha cercada, ma l'ha trovaa quist
 Chè l'è staa tutt on frustum lavorà.
 Quest l'è el fatt doloros, quest l'è el cas t
 Ch'el le fa tant affligg e taccognà,
 E ch'el ghe fa dì su cert resonasc
 Che avraven movuu a piang on cœur de str

Intant che inscì el rangogna e quasi el mœur
 De rabbia, de passion e de magon,
 E el tira quist e olter paroll del cœur,
 Che ghe faven giust fà la mort di agon,
 Angelega l'è giust quell che là vœur
 De scovri e de senti sti sò reson,
 E inscì chì in d'on moment gh'è capitaa
 Quell che gnanch per insogn l'eva pensaa.

Lee donca la dà a trà con tant d'oreggia
 A quij parolinn dolz, a quij lument
 De Sacrepant, chè l'è messizia veggia,
 E el l'ha semper amada fedelment;
 Ma gnanch per quest, guardee! l'è dura e freggia,
 La stà incrusciada, e la se mœuv nient:
 La cred d'avegh el mond tutt sott ai pee,
 E che ghe sia nissun d'ess degn de lee.

Pur pensand mej gh'è vegnuu el lacc on poo
 De fall scusà de guida e de magutt;
 Che chi è denter in l'acqua fina al coo,
 L'è on gran stinaa se no el domanda ajutt:
 E se ghe scappa sto servent, mi sob
 Che in del sò cas quest chì l'è el mej de tutt;
 Perchè lu l'è staa semper el moros
 Pu fedel, pu de cœur e pu grazios.

Ma pur gnanmò la pensa a consolà
 Quell pover marter; guardee mò se l'è!
 E inscì crudela no la ghe vœur dà
 Gnanch quell pocch gust de fass almanch vedè,
 Ma de pu la va adree a fantastegà,
 Come fà a tegnill su tant de podè
 Servissen per adess, e pœù dopò
 Tornà a pientall e bandonall anmò.

Ditt e fatt la cavezza on poo la testa,
 E inscì a la mej prest prest la se ponciona,
 E poèù la solta fœura allegra e lesta
 Andandegh dree e fasendegh la simona:
 La ghe dis: Caro vu, no l'è mai questa
 La fœusgia de parlà, Dia vel perdona;
 E speri tant ch'el ve farà capì
 Ch'hii tucc i tort de pensà maa de mì.

On fiœu che ghe sia sgorattaa via
 L'usell, o l'abbia pers on quej belee,
 Nol fa franch tanta truscia de legria
 Se poèù el le trœuva sott a on quej vestee,
 Quanta el n'ha faa el bon re de Circassia
 A vedè a compariss in sui duu pee
 Quella faccetta, e a digh quij parolinn
 Spremendes giò di œucc i madonninn.

L'è cors subet incontra a la soa gnocca
 Alegher comè on pess e tutt content;
 E lee, anch lee per fà mej el becch a l'occa,
 Coi brasc avert la gh'è corruda arent,
 E el l'ha strengiuu su ben: guardee che scrocca!
 Eppur la ghe voreva ben nient;
 Ma adess mò, per servissen d'andà a cà,
 La sa fa a fagh giò i busch come ghe và.

E in longh e in largh dopo la gh'ha cuntaa
 La vita che la fava cont Orland:
 Ch'el l'ha mandaa a tœù imprestet di soldaa
 Al re d'Arabia: disend anch che quand
 Lee l'era in lecc, lu el stava incantonaa
 Setttaa su on scagn vestii, semper ronfand;
 E che vergen la s'era conservada
 Giust comè quand soa mader el l'ha fada.

Forsi no eren bosij, ma no emm de cred
 A chi parla per ert e con finzion.
 Eppur lu a sti bambann tant el ghe cred,
 Perché l'è inorbiit tutt de la passion:
 L' amor desquatta quell che no se ved,
 E el quatta quell che ved ogni mincion.
 Lu el gh'ha creduu de fatt; chè certa gent
 Quell che voraven, creden facilment.

Se Orland l'è staa balocch a lassà andà
 Insci l'occasion bona, catt in cust;
 Sò dagn, tal sia de lu, se nol gh'avrà
 Pu de chi inanz nè el comed nè el temp giust:
 Per mi no la vuj franch lassà scappà;
 Voraven dimm che sont de quij de Bust,
 Se la lassass adess mò che ghe l' hoo:
 Insci el dis Sacrepant in del sò coo.

Cattaroo donca subet el rosin;
 Perché se specci el pò vegnì a patì:
 Soo che a sti donn, a sti car tocchellin
 No se pò dagh pu gust de quest che chì;
 Con tutt che quej vœult faghèn el restin,
 E mostren col coo bass de no aderì:
 Ma se la vœur anch fing rabbia o despecc,
 Faroo man bassa, andaroo là a sangu frecc.

E intant ch'el se pareggia con savor
 A fà l'assedi, el sent on gran freccass
 Dent in del bosch, comè on cavall che cor,
 Talchè l'ha dovuu subet retirass;
 E no savend coss'era sto rumor
 L'è cors a mett el moriott e armass;
 El tacchè i brij al sò cavall, e in quella
 El ciappè la limbarda e el monte in sella.

Intant che la conforta el pover re,
 Ecco vegnì a galopp ona staffetta
 Tutt sudaa, rabbuffaa, banfand comè
 Con taccaa giò ona tolla, e la cornet
 Che quand el fu lì appress, el doma
 A Sacrepant, cavandegh la baretta,
 Se l'eva veduu vun passà ch'è on p
 Cont el scud bianch e on pennacc bianch
 Sì signor, el ghe dis, el va via a
 E, come el ved, el m'ha buttaa chi
 Anzi avarev piase ch'el me disess
 Chi l'è costù, se el me vœur favorì.
 Lu el ghe respond: Oh catt! el me r
 Ma se el vœur olter, scior, che ques
 El servi subet. Quella l'è ona tosa
 Nobela, de valor e spiritosa.

Questa l'è molto forta, e molto b
 E el sò nom l'è famos e nominaa:
 Questa l'è Bradamant, questa l'è qu
 Che gh'ha tolt tutt l'onor che l'ha
 De che l'è al mond. Inscì el ghe dis, e i
 El dà al cavall tre o quatter sperona
 E el lassa el re con sto salut in man
 Che de vergogna el brontola e el dà
 Basta dopo d'avè pensaa on bell p
 Senza frut al sò cas, a quell de vess
 Traa in terra d'ona donna comè on
 Che compù el pensa, compù el ghe r
 El mett a l'olter cavall i cavezz,
 E el va su quacc, e pœa su quell i
 El toeu Angelega in groppa per port
 Fœura de tutt i imbroj a consolass.

Fan gnanch dò mja che senten a tremà
 El bosch de tucc i part tutt in d'on bott,
 E i piant s'hiu vist talment a dondinà,
 Ch'el pars che ghe fuss dent el terremott.
 Veden dopo on polleder a spontà
 Guarnii sul sciall, e con su l'or a frott,
 Ch'el te solta via i foss e el trà in sfrecass
 I piant e i sces che ghe impediss el pass.

Se no m'inganni, Angelega la dis,
 Là quell cavall, che corr a sta manera,
 Con tanta furia e strepet, m'è duvis
 E el par ch'el sia Bajard mò giust davvero:
 L'è lu franch, el cognossi mi ai barbis:
 Chìchì, pist pist, ciamemmel, femmegh cera,
 Che insci l'è scus ch'el ue farà stà comod,
 Perché in duu su on cavall semm tropp descomod.

Sacrepant el desmonta e el ghe va in contra
 Comè nagott, credendes de ciappall;
 Ma tutt a on tratt el se ghe volta contra
 E el te ghe molla ona scalzaa in sul sciall,
 E per bona fortuna nol le in contra,
 Chè, pover lu, s'el vegneva a cattall,
 Perché la forza di sò pee l'è tanta
 Che l'è capazz de scavezzà ona pianta.

E de Angelega el corr e el ghe va adree
 Domestegh, col coo bass, ceros e uman,
 Giust comè on cagnorin attorna ai pee
 Del sò patron ch'el gh'abbia on poo de pan;
 E el le cognoss, perchè in Albracca lee
 La ghe dava la biada coi soeu man,
 In temp che lee l'amava tant Rinald,
 E lu per lee nol se sentiva cald.

Cont ona man la ghe ciappa la bria,
 E con l'oltra el le palpa e el le carezza;
 Lu, pien d'ingegn e pien de polizia,
 El ghe lecca la man con gentilezza:
 Intant che lor inscì se spassen via,
 El re el le monta e el molla la cavezza,
 E via de trott; in l'istess temp anch lee
 La monta l'olter e la ghe va adree.

Ma a cas in del voltass la ved vegniss
 Incontra vun a camminand ben ben;
 I a guarda, e la comenza a inviperiss
 Perchè la ved che l'è Rinald che ven;
 Adess che lu adree a lee el sussiss,
 Lee el le schiva pussee che nè el velen;
 Temp fa lu odiava lee comè el peccaa,
 E lee el le amava; adess se s'hin mudaa.

E de quest n'è la causa dò fontann
 Che fan effett contrari tra de lor;
 Hin in Ardenna, de lì pocch lontann;
 A bev de vuna, la inspira l'amor,
 L'oltra la mett on odi del malann,
 E la cascia in del cœur del dissapor:
 Lu el tastè vuna, e lee quell'oltra; catt!
 Per quell s'accorden come can e gatt.

La donna donch, che l'ha bevuu de quell
 Che fa ciappà de l'odi e del rabbios,
 Vedend Rinald a vesinass in quella,
 La s'è instizzida, e l'ha alzaa su la vos:
 O Sacrepant, voltemm de sta stradella,
 La dis, no vuj quell strasc de quell moros:
 Vedii Rinald ch'el ne va adree a vegni?
 Scappemm via subet, veguii ch! con mi.

Donca inscì de pocch spiret me stimee,
El ghe respond, quand sont insemma a vù,
Che no abbia tanta forza che sia assee
De podè mò defendev de costù?
Di guerr d'Albracca, ch'è, ve regordee?
Per dincio, oppùr ve regordee già pù?
E quella nòcc che sol, senz'arma in man,
V' hoo difes de la truppa d'Agrican?

Nò la repett, nè la sa cossa fà,
Perchè Rinald l'è giamò scià vesin,
E già el comenza contra el re a sbragià,
Vedend che l'era sul sò polledrin,
E l'è con quella che ghe fava andà
Tutt el cœur in inguent de mislucchin.
Quell che in tra de lor duu sia pœù success,
Vel cuntaroo ch'è in l'olter cant appress.

L'è fornii lu el prim cant: dov'eel el re
 Ghe n'è quej olter cant che l'è li ajbella:
 Vuj che prima tastea la formaggella;
 E se la pias, l'avarii tutta prest.

Sto prim cant l'è giust come el manif
 Per squajà quell che intorna se tappella:
 El gh'è in latin; ma vuj stà a ved se qu
 Lod ch'ha avuu quell, el vœur avella anch qu

L'è staa lodaa in spagnœu e in genov
 L'è staa piasuu in franzes e in padovan
 Chi sa che anca nol piasa in milanese?

Ma hoo pagura. I parer hin comè i ca
 Che dove ghen va vun, ghen va adree d
 E i primm a dà i parer hin i basgian.

(*) Si veda l' *Avviso al lettore* premesso a qu
 cante.

TERZINE

DEL

CAVALIERE GIUSEPPE ZANOJA.



Ezzellentissemma Camaretta !

El pover Meneghin, serva umelissemm
Di voster ezzellenz, l'ha parsentii
A dì d'intorna propi per verissemm
Che l'oltra sira lor se sien unii
Tucc i sessanta insemma a fà session
Per despoues se quij del trentatrii
Ne vegnissen a romp la devozion.
Oh Signor, ghe n'è anmò di bulardee ?
Che avessemm de tornà tucc a monton !
Se serem mò giustaa!.... Basta, in Verzee
Mi n'hoo sentii paricc; e tucc insemma
Emm faa i nost conclusion lì in sui duu pee.
Chi diseva, o che semm o che no semma:
Che vegnen pur; ghe la faremm vedè.
Chi diseva, sciur nò, on poo pu de flemma;
Gh'è tropp lamped d'intorna;... ghi emm del pè.
On olter dis: Coss'ela sta baretta
Che ne vœuren fà mett in sul topè?
Per dincio, in sul mè coo no vuj de metta.
In somma hin tanc i ciaccer che s'è faa,
Che seccarev tutta la Camaretta,
Se ghi voress cuntà. In fin gh'è staa
On omm de quij del temp de sant Ambroëus,
Propi de quij che fan autoritaa,
L'è soltaa su e l'ha ditt: Ziffola Bœus,
Che passa el dord; violter tananan
Disii di lapp, e mi me sentì a coeus:

Ghe vœur olter che ciaccer; dev de man;
 Andee, dee su on recors; pientégh on ciod,
 Semm obligaa in consienza, semm cristian:

Per mi sont vecc, e gh'hoo pu pocch de god,
 E manch de perd, e me n'importa pocch;
 Se vegnen a Milan, mi marci a Lod;

E stan pu fresch i sciori che i pitocch:
 Ma n'importa; emm de dall on bon parer,
 S'el podem dà. Se tran la testa in tocch

Là tucc i sir quij noster cavalier
 A fa di cunt de quell che se pò fa
 Per mettegh, se vegnissen, el calmer:

Chi sa se i fan con l'ost? e pœù chi sa
 Se san tuttoss. Tœù su, ti Meneghin,
 Fa come disi mi: spességa a cà,

Fa on memorial; te daroo mi el sesin;
 Digh pur su ciar i noster sentiment
 Perché se possen regolà: a la fin

Gh'hau d'avè gust anchlor, ch'hin bona gent.
 Insci j hoo faa: hoo scritt com' hoo poduu
 Tutt quell che disi mi, e che se sent.

In somma, ezzellentissem, s'è savuu
 Che la zittaa remonta l'armaria,
 Che hin quatter millia s'ciopp e vintiduu,

Asca quij ch'hin andaa per aliam via.

Donca l'è vera che ghi emm ai spall
 Sti sciur Franzes, e che semm daa in la stria?

E ne diseven pœù ch'eren tutt ball;
 Gh'el gh'eva el giazz e la fiocca a monton;
 Ch'even geraa là biott dent per quij vall:

Ch'el gh'eva tanta gent, tanci canon
 A curà i pass: scommetti che on quej di
 Comparen al Brovett in d' on ballon.

E insci, com'emm de falla? Quij fusi
 N'hin gnanca assee per spazzagh fœura i orecc;
 E pœù chi ha de drovaj? In quant a mi,
 Mi ghe la canti ciara; catti on tecc
 Se riven, e stoo là quacc cont i gatt
 A guardà in giò, se vegniss l'acqua a secc.

Ah! de san Carla in scià no gh'è pu el piatt,
 No semm pu quij mostacc nun Milaness
 De mostrà i denc, e de fà corr i ratt.

Dopo ch'el n'ha inviaa a fà i sett ges,
 E a dì l'orezion quand gh'eva i cros,
 No semm bon nò de dilla coi Franzes.

Ma de già che n'avii, sant glorios,
 Faa fà a vost mœud, tegnij almanch indree,
 E fee prest, perchè disen che hin ch' appos.

E lor, i mee ezzellenz, tucc quij danee
 Che vœuren spend a fà refà i patronn,
 E i bajonett, e i sciabel, e i braghee,
 Sessanta millia lira! hin bej e bonn
 De fà quejross al Cors de Porta Renza,
 Che l'è pesg che la straa che va in Quadronn.

Mi parli come soo: ch'abbien pazienza;
 Ma ghe parli de cœur: varem nagott:
 E pœù nun de sti cruzi scusem senza.

Me disen mò che i noster milizist
 N'han minga d'andà in guerra, e ch'han de stà
 Ai dazi insemma cont i borlandott;

E ch'han de fà la ronda intorna ai cà,
 E de stà attent se nass on quej rumor
 O on quej garbuj; che in somma han de curà.

Giust insci! ne gh'è i sbirr? che curen lor,
 Chè lor l'è el sò mestee. Vedi però
 Che quand vœuren san fà ben ben a cor.

E poù, che speccen, ghe n'hoo on'oltra anmò
Sta mattina diseven al prestin

Che ses de lor han d'andà fina al Pò,

O se tegnen de scià fina al Tesin,
Per consegnagh i ciav de la zittaa,
Subet che riven a toccà el confin.

In l'ora sì ch'emm già bell e curaa:
Già se ghe dan i ciav, lor vegnen dent;
E se veden di s'ciopp, semm ruinaa:

No lassen vanzà pu gnanca el carsent
Per fà pan l'olter dì: Oh pover nun!

Chi sa cossa suzzed de tanci argent

Ch'è anmò in di ges? no ghe ne resta vun
Ma cossa serva, già se vegnen lor,
Scappa chi pò, no gh'è pu salv nissun:

Cavalier, avvocat, pret e dottor,
Fraa, monegh, bottiatt, mercant, bancher
Fenissen tucc inguaa a san Salvador.

El pesg l'è se ghe ven in del penser,
Per fann inguaa pussee, de fà servi
I lanterna per manegh de stader,

Come fan a cà soa: vuj gnanch di
Propi ciar cossa l'è, perchè me senti
Domà a pensagh a scaggià tutt ch'insci.

Tœuj mò: disen paricc che me lument
Senza reson; che chi no i ha provaa,
No je conoss: per mi tant me contenti

De provaj nò: ghe sarà nient de maa;
Saran galantomoni de spallera,
El credi anmò, masseem che l'è peccaa

A marmorà; ma el sarà gnanca vera
Tutt quell che disen lor i Giacomitt:

Almanch almanch i micch van in stonders

Se faa tant de vegnì quij maladitt,
 Chi l'è che vœur stà lì a stoppagh la bocca?
 Ghe vœur olter che i nost remolazzitt!

Dopo d'avè mangiaa tant lacc in brocca
 Che i avarà purgaa là sui montagn,
 Ajutt! chi è sott è sott, chi tocca tocca.

Già lor ne gh'han adree nè pan nè pagu,
 Chè hin tropp lontan de cà; sicchè vorran
 Zerto mangià e vestiss ai noster dagn.

E l'è pocch; de maross pretendaran
 Che gh'abbiem anca de pagà el viagg
 E tutt i gall che ne regalaran.

Sicchè vœur dì che a revedess a magg,
 S'el Signor nol ghe mett lu la soa man;
 Per mi già i specci, anca che on cert lapagg

De Pavia, ch'è chi a crompà del gran,
 El disess in Brovett che semm sicur
 Adess ch'hin arrivaa tanci Ululan

E tanc de quij che dis zorocch ai mur,
 Che hin tutta gent che san el sò mestee,
 Che tran in d'on sestin de nocc al scur,

E che gnanca a l'inverna han frecc i pee.
 Bon! e quij là ch'han gnanca frecc i ciapp,
 Che van senza colzon! Oh el bell cuntee!

Se vegnissen, per mi, con quij valdrapp
 Di mee sorell, ch'hin semper su la porta,
 Chi sa cossa suzzed! ma quist hin lapp;

E a lor sciori l'è el manch che ghe n'importa.
 Quell che ne premm savè de sti Franzes,
 L'è se vegnen, o nò, a rompen la torta.

Se no vegnen, tremm via tutt i spes;
 Se vegnen, emm faa pocch; manca assossenn,
 E sto de pu nol le dà nò el paes.

Gh' hin mò sti barbisoni che rivènn
 Part a cavall e part a pè? vœur di
 Che ris'cem d'ess pussee a mangià marenn.

Se la fiocca va via del Monseni.
 (Ch'el Signor le mantegna pu' ch'el pan),
 L'è segur che ne horten tutt chì inscì

I Franzes. I Todisch e i Ululan
 Com'han de fà, chè hin pocch, a tegnij su,
 Che n'abbien de rivà fina a Milan?

I most saran vint millia o pocch de pu,
 I olter quatter vœult tant, e poèù chi sa?
 Sicchè a cunt faa ne gh'è nè lee nè lu,

Che han propi d'andà adree a reculà
 Fin chì sott al Castell; e quest l'è on fatt
 Che nun ghe dovaremm dà de mangià

A tucc, e se ven faa, lavagh i piatt.
 El dianzen l'è che no ghe solta in coo.
 Quand sien chì vesin, de voress batt.

Che bell'imbroj! Che ne toccass on poo
 Anca questa d'andà col carretton
 Interna a tœuj su tucc! L'è che no soo

Dov'abbiem de logaj, perchè el Foppon
 Adess l'è gnanch assee per l'Ospedaa;
 Prima de lor gh'è i nost d'andà al Bastion.

San Giovann in Carott l'han soppressaa;
 Del Lazzalett n'emm anca tropp besogn:
 I camasant hin pocch per la zittaa,

E spuzzen giamò inscì comè carogn
 Senza crossegh l'odor. De pu pò dass
 Che tra i nost e quij là nassa di rogn.

Chi vœur stà inanz che no ghe poden nass?
 A mett amis, nemis, tutt denter là,
 Che ona quej nocc no faghen sott a sass?

Oh catto mò! scior si ch'et se pò dà:
 l'hoo leggiuu mi l'olter dì in d'on sonett
 h'el re de Franza, el dì che i scœu de cà

Gh'han faa quell tir de tajagh via nett
 El coo di spall, lu de per lu, inscì brutt
 Del sangu che ghe sgrondava del collet,

L'è rivaa in ciel criand vendetta, ajutt?
 3 l'era mort, e cont el coo tajaa
 Me sa duvis ch'el fudess mort del tutt.

Uh pover scior! Esuss per lu; l'è andaa,
 Nè el torna indree mai pu! Gh'emm pari a fanu
 Di guerr, che per lu tant tremm via el fias.

Quand l'era viv podeva lusingann
 El penser de salvall, capissì anmì,
 E fors fors anca de refagh i dann.

Ma adess che lu l'è mort, e che là inscì
 Gh'è in di pettol anmò tucc ddu i fioe
 E la miee, che poden fà morì,

Se ghe secchem la gloria; al dì d'incœu
 Con sò permess me par ch'el sarav mej
 Che je lassassem stà per i fatt scœu.

Oh!... stemm quacc, e mangem i nost tortej,
 E n'andem d'olter a cercà de scœud
 E de tirass adoss de sti rebej.

Hin matt?... che staghen pur in del sò brœud:
 Cossa n'importa a nun che lor sion somm
 E che in cà sova faghen a sò mœud?

Che tacchen lit sora i reson de l'omm?
 Che scassen i arma vecc e i faghen nœuv?
 Semma tant no se muden anch sul Domm?

Pientemmela, e cerchemm de fà el nost œuv..
 Ma bell bell, Meneghin, me disen lor;
 Nun semm tucc suddet, no se podem mœuv.

El soo anca mi che lor hin servitor,
 E ch'el patron, che Dia ne mantegna
 Per on gran pezz, l'è el nost imperator.

Ma ghe vœur tant a trà via la stamegna,
 E andà a trovall, e trass in genuggion,
 E dagh on memorial perchè el s'impegna
 A fà la pas? e digh con devozion

Che nun semm chî saraa trà l'uss e el mur,
 E che se riven quij senza colzon,

Ne tran in sanquintin sicur sicur:
 Che se ne spazzen via quij pocch baslott,
 E se ne desfen fœura i cusidur,

A lu vess prenzep serva pu nagott,
 Perchè no sen pò dà se no ghe n'è;
 Che nun saremm fedel de dì e de nott

Al noster clementissem e bon re:
 Che vœurem viv con lu fin che se pò;
 Ma che a morì nissun gh'ha mai piascè.

Che vaghèn, ezzellenz, che prœuven mò
 A digh su sti bej coss che mi gh'hoo ditt,
 E vedaran che nol dirà de nò.

E pœù che lassen fà ai mort beneditt:
 Lor trovaran la vergna d'infirà
 I paroll giust ai olter gabinitt.

E nun con santa pas staremm in cà
 A mangià i ciapp sta Pasqua e el ziccoirin,
 E andaremm tutt i fest a boccarà
 A la salut del noster patronschin.



N O T A.

In questo graziosissimo componimento, che fu scritto sul principiar dell'anno 1793, leggonsi alcuni passi i quali potrebbero forse riuscir malagevoli ad intendersi per chi non avesse piena notizia delle cose di que' giorni. Crediamo quindi opportuno di rischiarare tali passi colle seguenti annotazioni:

Camaretta - Era composta di sessanta decurioni cavati dalle famiglie patrizie di Milano, i quali nelle loro assemblee trattavano gli affari pubblici.

Se quij del trentatrii - È celebre in Milano l'anno 1733 per l'improvviso arrivo de' Francesi in questa città.

Verzee - Piazza famosa ove si vendono i commestibili e ove sogliono fare le loro conferenze alla mattina i servitori e gli altri popolari, alla qual classe appartiene il Meneghino.

Gh'era tropp lamped d'intorna - La stessa idea si ripete più sotto ed allude all'uso introdottosi a Parigi in tempo della rivoluzione di appendere i realisti ai bracciuoli delle lampade della pubblica illuminazione.

Te daroo mi el sesin - A quella stagione un foglio di carta da memoriale si pagava mezzo soldo.

Asca quij ch'hin andaa per aliam via - La città aveva un'antica armeria nel palazzo pubblico al Broletto. All'atto che si vollero rimontare i fucili si trovò che molti ne erano stati rubati.

Comparen al Brovett in d'on ballon - Alla data del memoriale erano di gran moda i palloni areostatici.

E a di l'orezion quand gh'era i cros. San Carlo aveva riformati i costumi feroci del popolo milanese occupandolo in esercizj religiosi, fra i quali era quotidiano il costume di radunarsi i vicini alle molte croci piantate ne' capivia per recitarvi le orazioni vespertine.

Al Cors de Porta Renza - Questo corso di pubblico passeggio, ora magnifico, era allora quasi impraticabile per lo scompaginamento della selciatura.

La straa che va in Quadronn - Strada non selciata che dal corso di Porta Vigentina conduce a quello di S. Maria presso S. Celso.

Per consegnagh i ciav de la cittaa - Il comune di Milano aveva il privilegio di portar le chiavi della città incontro alle armate nimiche quando fossero ai confini del territorio milanese.

Inguaa a San Salvador - La compagnia detta di S. Salvatore era composta di mendici accattanti, distinti dagli altri con una medaglia, i quali si radunavano fra l'anno per alcuni esercizj di religione nella sopra chiesa di S. Salvatore e seguivano i funerali de' ricchi in corpo mediante una data elemosina che loro si prestava.

Giacomitt - Il popolo chiamava così corrottamente i Giacobini.

I nost remolazitt - Con questo nome si indicava dalla plebe la milizia urbana, perchè in divisa bianca e verde.

Lacc in brocca - Latte di capra che alla primavera si munge dai pastori in un vaso di latta, detto brocca all'atto di venderlo ai ricorrenti.

Ululan - Così erano corrottamente appellati gli Ulan austriaci che per la prima volta s'erano allora veduti in Italia.

Che tran in d' on sestin - Il sestino era una piccolissima moneta erosa stata coniata a que' tempi, de valore di un sesto di soldo o sia due danari.

Che van senza colzon - Si allude ai soldati repubblicani francesi detti sans-culottes.

Adess l'è gnanch asset per l'Ospedaa - *A quel tempò i sepolcri de' portici del così detto Foppone dell'Ospedale erano pieni a segno che convenne ben presto abbandonarli.*

D'andà al Bastion - *Si seppellivano al Bastione in un determinato luogo que' ch' erano esclusi dalla seoltura ecclesiastica.*

San Giovann in Carott - *Chiesa ove si seppellivano i giustiziati.*

Del Lazzarett - *Celebre ricinto fuori di Porta Orientale fabbricato per gli appestati.*

In d'on sonett, ecc. - *S' allude ad un sonetto che di que' giorni girò mss. per Milano, ed in cui per l'appunto si leggevano le cose in questo passo riportate.*

Mangemm i nost tortej - *Paste notissime in Milano che si fabbricano durante la quaresima, nel qual tempo fu scritto il memoriale.*

Se muden anch sul Dómm - *Sulla facciata del Duomo si cambiavano le armi ad ogni cambiamento di arcivescovo e di pontefice.*

INDICE

DELLE MATERIE CONTENUTE
NEL PRESENTE VOLUME.


| | |
|---|-------------|
| POESIE DELL' AVVOCATO TOMMASO | |
| GROSSI | pag. |
| La Pioggia d' oro Parafrasi della | |
| Tradizione Orfica di Jamblico | |
| Calcidese. — Parte prima | « |
| Parte seconda | « |
| Parte terza | « |
| Parte quarta | « |
| Nota | « |
| La Fuggitiva. Novella. | « |
| POESIE DI CARL' ALFONSO PELLIZ- | |
| ZONE | « |
| Sonetti | « |
| Al sur cont Ignazi Caimm, Pro- | |
| gett per mijorà la condizion di | |
| sœu massee, tujendi fœura de | |
| la necessitaa de depend per be- | |
| sti di bastrozzó de Saronn, col | |
| dagh lu el patron istess tutt quij | |
| besti che pò fagh de besogn. | « |
| Memorial al sur cont Ignazi Caimm | |
| per Giovann Camp del Corbattin | |
| de Soree ch' el domanda on as- | |
| segn de caritaa | « |

| | | |
|---|------|-----|
| <i>Al sur cont Ignazi Caimm. Scusa
per no podè fà cert vers coman-
daa'de lu</i> | pag. | 83 |
| <i>Versione dello Stabat Mater . . .</i> | « | 90 |
| POESIE DI FRANCESCO BELLATI. . . . | « | 93 |
| <i>Sui nomm de paricc sant che gh'ha
la gent</i> | « | 95 |
| <i>Traduzione dell'Ode di Parini che
incomincia: Perchè al bel petto
e all' omero, ecc.</i> | « | 101 |
| I primi due libri dell'Eneide tra-
vestiti in dialetto milanese . . . | « | 109 |
| <i>Libro primo</i> | « | 111 |
| <i>Libro secondo</i> | « | 145 |
| Il primo canto dell'Orlando furioso
recato in dialetto milanese . . . | « | 177 |
| <i>Sonetto finale</i> | « | 200 |
| TERZINE DEL CANONICO GIUSEPPE
ZANOJA | « | 201 |

ERRORI

CORREZIONI

| | | | ERRORI | CORREZIONI |
|------|-----|------|--|---|
| Pag. | 76 | lin. | 23 util | utel |
| » | 79 | » | 25 legn | legnà |
| » | 110 | » | 3 <i>Tedeschi trasportarono</i> | <i>Tedeschi, trasportarono</i> |
| » | ivi | » | 7 <i>Giannicola Sitalo la</i> | <i>Giannicola Sitalo lo</i> |
| » | ivi | » | 12 <i>Collezione se non tutta almeno</i> | <i>Collezione, se non tutta, almeno</i> |
| » | ivi | » | 19 <i>le altre sue milanesi</i> | <i>le altre sue poesie milanesi</i> |
| » | 112 | » | 18 trojanna | trojanna, |
| » | 128 | » | 10 ma d' on' anema | ma in d' on' anema |



•

•

•





